

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



श्री महावीर जैन आराधना केन्द्र

आचार्यश्री कैलाससागरसूरि ज्ञानमंदिर
कोबा, गांधीनगर-श्री महावीर जैन आराधना केन्द्र
आचार्यश्री कैलाससागरसूरि ज्ञानमंदिर
कोबा, गांधीनगर-३८२००७ (गुजरात)
(079) 23276252, 23276204
फेक्स : 23276249

Websiet : www.kobatirth.org

Email : Kendra@kobatirth.org

शहर शाखा

आचार्यश्री कैलाससागरसूरि ज्ञानमंदिर
शहर शाखा
आचार्यश्री कैलाससागरसूरि ज्ञानमंदिर
त्रण बंगला, टोलकनगर
परिवार डाइनिंग हॉल की गली में
पालडी, अहमदाबाद - ३८०००७
(079) 26582355

P 14046

॥ श्री समवायांग सूत्रम् ॥





देवसूर तपागच्छ समाचारी संरक्षक-सुविहित सिद्धांत पालक
 बहुश्रुतोपासक-गीतार्थवर्य-चारित्र चूडामणि-आगमोद्धारक पूज्यपाद आचार्यदेवेश
 श्री आनंदसागर सूरेश्वरजी महाराजा संशोधित-संपादित ४५ आगमेषु

॥ श्रीसमवायाङ्ग सूत्रं ॥

❀ आलेखन कार्य-प्रेरक-वाहक ❀

प्रवचन प्रभावक पू. आ.श्री हेमचन्द्रसागर सूरिजी म.सा. शिष्यरत्न पू. गणिवर्यश्री पूर्णचन्द्रसागरजी म.सा.

❀ आलेखन कार्यवाहक संस्था ❀

पूज्यपाद सागरजी महाराजा संस्थापित जैनानंद पुस्तकालय-सुरत

आलेखन कार्ये किंचित् संस्मरणाणि

* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

* आलेखन कार्ये केचित् मार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई मुक्तिलाल महेता (सूर्यगामवाला)

■ प्रथम संस्करण - सं. २०६१, का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्चन्ट

■ आवास : निशा-१ १ले माले ,गोपीपुरा, काजीनुं मेदान,
तीनबत्ती, सुरत. दूरभाष - २५९८३२६(०२६१)

■ मुद्रण कार्यवाहक

श्री सुरेश डी. शाह (हेष्मा)-सुरत।

संपादक श्री

॥ પ્રાક્-કથન ॥

॥ કથ અમ્હારિસા પાળી દુષમા-દોષ દુષિયા, હા; અળાહા કહં હૂન્તા...! ન હૂન્તો જડ જિણાગમો ॥

દુષ્મકાળે જિનાગમ-જિન પ્રતિમા ભવિયણ કું આધારા...!!

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર પ્રભુની વાણી સ્વરૂપ છે.

આગમોની રચના કાળ :- પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૯, વિક્રમ સંવત પૂર્વે ૪૯૯ વર્ષે વૈશાખ સુદ એકાદશી દિને તારક તીર્થકર પ્રભુ મહાવીર દેવની ત્રિપદીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસક્ષેપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરૂ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

પ્રથમ વાચના :- વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

॥ પ્રાક્-કથન ॥

૧

સંપાદક શ્રી

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરૂષોમાંથી કેટલાયે સ્વર્ગે પધાર્યા, મુખપાઠની પધ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રથમ આગમ વાચના થઈ તેનું નામ ‘ શ્રી દ્વાદશાંગ-શ્રુતસંકલન’ નામે પંકાયાનો ઇતિહાસ મળે છે.

દ્વિતીય વાચના :- તેમના પછી જિનકલ્પીના અભ્યાસક આર્ય મહાગિરીજીના ગુરૂ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાચવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ‘ આગમ સંરક્ષણ વાંચના’ દૃષ્ટિ ગોચર થાય છે.

તૃતીય વાચના :- મૌર્ય રાજવંશીઓનો સેનાપતિ પુષ્યમિત્રે રાજદ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાર્થે કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુપુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીરનિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પિની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો, આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી વાચના

વાચનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

ચતુર્થ વાચના :- કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં ‘લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે’ આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાચના થઈ.

પંચમ વાચના :- વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીંતુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાચનાઓ કરી ભવિષ્યમાં માથુરી અને વલભીવાચનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાચના કરી.

ષષ્ઠી વાચના :- તેજ ભાવનાઓ અનુસાર માથુરી વાચનાના વારસદાર આ. શ્રી દેવદર્શિગણી ક્ષમાશ્રમણે તથા વલભીવાચનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના ખજાનાને સ્થાયી બનાવવાના શુભ આશયથી શ્રી શત્રુંજ્યાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યાદિઓએ મળી વલભીપુર(વળા સૌરાષ્ટ્ર)માં

પુસ્તકા૩૬ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબધ્ધ કરી આગમોને પુસ્તકા૩૬ કરવાનું કાર્ય સાધુ ભગવંતોએ કર્યું. તેમજ અન્ય મહત્વના ગ્રંથોનું પુસ્તકાલેખન કાર્ય થયેલ, ત્યારબાદ રાત્રી સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઇતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાચારની વૃદ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભા સંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરૂ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરૂદેવ શ્રી ઝવેરસાગરજી મ.ની આગમોની પારદૃશ્યતાના વારસાને તે ગુરૂદેવશ્રીના અન્તિમ સમયના “ આગમો કા અભ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન ધુરંધર સમર્થક પ્રભાવક શાસ્ત્રોના પારગામી

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્માધ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશોધન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ગોઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુહિક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ- બિહાર આદિ અનેક ક્ષેત્ર સંઘો તથા સુરત સંઘના આમૂલચૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ.’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રંથો, શાસ્ત્રો, સુવિદિત ગીતાર્થ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૩૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરૂદેવને કોટી-કોટી વંદના...

॥ श्रीसमवायाङ्ग सूत्रं ॥

सुयं मे आउसंतेणं भगवया एवमक्खायं(इह खलु समणेणं भगवया महावीरेणं आङ्गरेणं तित्थगरेणं सतंसंबुद्धेणं पुरिसुत्तमेणं पुरिससीहेणं पुरिसवरपुंडरीएणं पुरिसवरगंधहत्थिणा लोगुत्तमेणं लोगणाहेणं लोगहिएणं लोगपईवेणं लोगपज्जोअगरेणं अभयदएणं चक्खुदएणं मग्गदएणं सरणदएणं जीवदएणं धम्मदएणं धम्मदेसएणं धम्मनायगेणं धम्मसारहिणा धम्मवरचाउरंतचक्कवट्टिणा अप्पडिहयवरनाणदंसणधरेणं वियट्ठच्छउमेणं जिणेणं जाव(प्र०ण)एणं तिन्नेणं तारएणं बुद्धेणं बोहएणं मुत्तेणं मोयगेणं सव्वन्नुणा सव्वदरिसिणा सिवमयलमरूय मणंतमक्खयमव्वाबाहमपुणरावित्ति(प्र०त्तयं)सिद्धिगइनामधेयं ठाणं संपाविउकामेणं इमे दुवालसंगे गणिपिडगे पन्तत्ते, तंजहा आयारे १ सुयगडे २ ठाणे ३ समवाए ४ विवाहपन्नत्ती ५ नायाधम्मकहाओ ६ उवासगदसाओ ७ अंतगडदसाओ ८ अणुत्तरोववाइदसाओ ९ पणहावागरणं १० विवागसुए ११ दिट्ठिवाए १२, तत्थ णं जे से चउत्थे अंगे समवाएत्ति आहिते तस्स णं अयमट्ठे पन्तत्ते तंजहा -पा०) एगे आया एगे अणाया एगे दंडे एगे अदंडे एगा किरिआ एगा अकिरिआ एगे लोए एगे अलोए एगे धम्मे एगे अधम्मे एगे पुण्णे एगे पावे एगे बंधे एगे मोक्खे एगे आसवे एगे संवरे एगा वेयणा एगा णिज्जरा १८ । जंबुद्दीवे दीवे एगं जोयणसयसहस्सं

॥ श्रीसमवायाङ्ग सूत्रं ॥

१

पू. सागरजी म. संशोधित

આયામવિક્ષંભેણં પં૦, અપ્પહટ્ટાણે નરણે એગં જોયણસયસહસ્સં આયામવિક્ષંભેણં પં૦ પાલણે જાણવિમાણે એગં જોયણસયસહસ્સં
 આયામવિક્ષંભેણં પં૦, સવ્વટ્ટસિદ્ધે મહાવિમાણે એગં જોયણસયસહસ્સં આયામવિક્ષંભેણં પં૦, અદ્ધાનક્ષત્તે એગતારે પં૦, ચિત્તાનક્ષત્તે
 એગતારે પં૦, સાત્તિનક્ષત્તે એગતારે પં૦, ઇમ્મીસે ણં રયણપ્પહાણે પુઢવીણે અત્થેગહ્યાણં નેરહ્યાણં એગં પલિઓવમં ઠિઈ પં૦, ઇમ્મીસે ણં
 રયણપ્પહાણે પુઢવીણે નેરહ્યાણં ઉક્કોસેણં એગં સાગરોવમં ઠિઈ પં૦, દોચ્ચાણે પુઢવીણે નેરહ્યાણં જહન્નેણં એગં સાગરોવમં ઠિઈ પં૦,
 અસુરકુમારાણં દેવાણં અત્થેગહ્યાણં એગં પલિઓવમં ઠિઈ પં૦, અસુરકુમારાણં દેવાણં ઉક્કોસેણં એગં સાહિયં સાગરોવમં ઠિઈ પં૦,
 અસુરકુમારિંદવજ્જિયાણં ભોમ્મિજ્જાણં દેવાણં અત્થેગહ્યાણં એગં પલિઓવમં ઠિઈ પં૦, અસંખિજ્જવાસાઉયસત્તિપંચિંદિ યતિરિક્ષજોણિયાણં
 અત્થેગહ્યાણં એગં પલિઓવમં ઠિઈ પં૦, અસંખિજ્જવાસાઉયગમ્મવકંતિયસંણિમણુયાણં અત્થેગહ્યાણં એગં પલિઓવમં ઠિઈ પં૦,
 વાણમંતરાણં દેવાણં ઉક્કોસેણં એગં પલિઓવમં ઠિઈ પં૦, જોહસિયાણં દેવાણં ઉક્કોસેણં એગં પલિઓવમં વાસસયસહસ્સમમ્મહિયં ઠિઈ
 પં૦, સોહમ્મે કપ્પે દેવાણં જહન્નેણં એગં પલિઓવમં ઠિઈ પં૦, સોહમ્મે કપ્પે દેવાણં અત્થેગહ્યાણં એગં સાગરોવમં ઠિઈ પં૦, ઈસાણે કપ્પે
 દેવાણં જહન્નેણં સાહરેગં એગં પલિઓવમં ઠિઈ પં૦, ઈસાણે કપ્પે દેવાણં અત્થેગહ્યાણં એગં સાગરોવમં ઠિઈ પં૦, જે દેવા સાગરં સુસાગરં
 સાગરકંતં ભવં મણું માણુસોત્તરં લોગહિયં વિમાણં દેવત્તાણે ઉવવન્ના તેસિં ણં દેવાણં ઉક્કોસેણં એગં સાગરોવમં ઠિઈ પં૦, તે ણં દેવા એગસ્સ
 અદ્ધમાસસ્સ આણમંતિ વા પાણમંતિ વા ઉસ્સસંતિ વા નીસસંતિ વા, તેસિં ણં દેવાણં એગસ્સ વાસસહસ્સસ્સ આહારટ્ટે સમુપ્પજ્જહ,

संतेगइया भवसिद्धिया जे जीवा ते एगेणं भवग्गहणेणं सिञ्झिस्संति बुञ्झिस्संति मुच्चिस्संति परिनिव्वाइस्संति सव्वदुक्खाणमंतं करिस्संति १८ १९ १ दो दंडा पंतं - अट्टादंडे चेव अणट्टादंडे चेव, दुवे रासी पंतं तंजहा जीवरासी चेव अजीवरासी चेव, दुविहे बन्धणे पंतं - रागबन्धणे चेव दोसबन्धणे चेव, पुव्वाफग्गुणीनक्खत्ते दुतारे पंतं, उत्तराफग्गुणीनक्खत्ते दुतारे पंतं, पुव्वाभद्वयानक्खत्ते दुतारे पंतं उत्तराभद्वयानक्खत्ते दुतारे पंतं, इमीसे णं रयणप्पहाए पुढवीए अत्थेगइयाणं नेरइयाणं दो पलिओवमाइं ठिई पंतं, दुच्चाए पुढवीए अत्थेगइयाणं नेरइयाणं दो सागरोवमाइं ठिई पंतं - असुरकुमाराणं देवाणं अत्थेगइयाणं दो पलिओवमाइं ठिई पंतं, असुरकुमारिंदवज्जियाणं भोमिज्जाणं देवाणं उक्कोसेणं देसूणाइं दो पलिओवमाइं ठिई पंतं, असंखिज्जवासाउयसन्निपंचेदिय-तिरिक्खजोणिआणं अत्थेगइयाणं दो पलिओवमाइं ठिई पंतं-असंखिज्जवासाउयसन्नि माणुस्साणं, अत्थेगइयाणं देवाणं दो पलिओवमाइं ठिई पंतं, सोहम्मे कप्पे अत्थेगइयाणं देवाणं दो पलिओवमाइं ठिई पंतं, ईसाणे कप्पे अत्थेगइयाणं देवाणं दो पलिओवमाइं ठिई पंतं, सोहम्मे कप्पे अत्थेगइयाणं देवाणं उक्कोसेणं दो सागरोवमाइं ठिई पंतं, ईसाणे कप्पे देवाणं उक्कोसेणं साहियाइं दो सागरोवमाइं ठिई पंतं, सणंकुमारे कप्पे देवाणं जहण्णेणं दो सागरोवमाइं ठिई पंतं, माहिंदे कप्पे देवाणं जहण्णेणं साहियाइं दो सागरोवमाइं ठिई पंतं, जे देवा सुभं सुभकंतं सुभवण्णं सुभगंधं सुभलेसं सुभफासं सोहम्मवडिंसं विमाणं देवत्ताए उववण्णा तेसिं णं देवाणं उक्कोसेणं दो सागरोवमाइं ठिई पंतं, ते णं देवा दोण्हं अब्बमासाणं आणमंति वा ४ तेसिं णं देवाणं दोहिं वाससहस्सेहिं आहारट्ठे समुप्पज्जइ,

॥ श्रीसमवायाङ्ग सूत्रं ॥

३

पू. सागरजी म. संशोधित

अत्थेगइया भवसिद्धिया जीवा जे दोहिं भवगहणेहिं सिञ्जिस्संति जाव सव्वदुक्खाणमंतं करिस्संति । २ । तओ दंडा पंतं -
मणदण्डे वयदंडे कायदंडे, तओ गुत्तीओ पंतं - मणगुत्ती वयगुत्ती कायगुत्ती, तओ सल्ला पंतं - मायासल्ले नियाणसल्ले
मिच्छादंसणसल्ले, तओ गारवा पंतं - इद्धीगारवे रसगारवे सायागारवे, तओ विराहणा पंतं - नाणविराहणा दंसणविराहणा
चरित्तविराहणा, भिगसिरनक्खत्ते तितारे पंतं, पुस्सनक्खत्ते तितारे पंतं, जेट्टानक्खत्ते तितारे पंतं, अभीइनक्खत्ते तितारे पंतं, सवणनक्खत्ते
तितारे पंतं, अस्सिणनक्खत्ते तितारे पंतं, भरणीनक्खत्ते तितारे पंतं, इमीसे णं रयणप्पभाए पुढवीए अत्थेगइयाणं नेरइयाणं तिन्नि
पलिओवमाइं ठिई पंतं, दोच्चाए णं पुढवीए नेरइयाणं उक्कोसेणं तिणिण सागरोवमाइं ठिई पंतं, तच्चाए णं पुढवीए नेरइयाणं जहणणेणं
तिणिण सागरोवमाइं ठिई पंतं, असुरकुमाराणं देवाणं अत्थेगइयाणं तिणिण पलिओवमाइं ठिई पंतं, असंखिज्जवासाउयसन्निपंचिंदिय-
तिरिक्खज्जोणियाणं उक्कोसेणं तिणिण पलिओवमाइं ठिई पंतं, असंखिज्जवासाउयसन्निगम्भवक्कंतियमणुस्साणं उक्कोसेणं तिणिण
पलिओवमाइं ठिई पंतं, सोहम्मीसाणेसु कप्पेसु अत्थेगइयाणं देवाणं तिणिण पलिओवमाइं ठिई पंतं, सणंकुमारमाहिंदेसु कप्पेसु
अत्थेगइयाणं देवाणं तिणिण सागरोवमाइं ठिई पंतं, जे देवा आभंकरं पभंकरं आभंकरपभंकरं चंदं चंदावत्तं चंदप्पभं चंदकंतं चंदवण्णं
चंदलेसं चंदज्झयं चंदसिगं चंदसिद्धं चंदकूडं चंदुत्तरवडिसगं विमाणं देवत्ताए उववण्णा तेसिं णं देवाणं उक्कोसेणं तिणिण सागरोवमाइं
ठिई पंतं, ते णं देवा तिण्हं अब्भमासाणं आणमंति वा ४ तेसिं णं देवाणं उक्कोसेणं तिहिं वाससहस्सेहिं आहारट्ठे समुप्पज्जइ, संतेगइया

॥ श्रीसमवायाङ्ग सूत्रं ॥

४

पू. सागरजी म. संशोधित

भवसिद्धिया जीवा जे तिहिं भवग्गहणेहिं सिज्झिस्सं(प्र०हिं)ति जाव सव्वदुक्खाणमंतं करिस्संति । ३ । चत्तारि कसाया पंतं०-
 कोहकसाए माणकसाए मायाकसाए लोभकसाए, चत्तारि झाणा पंतं० -अट्टज्झाणे रुद्धज्झाणे धम्मज्झाणे सुक्कज्झाणे, चत्तारि
 विगहाओ पंतं०-इत्थिकहा मत्तकहा रायकहा देसकहा, चत्तारि सण्णा पंतं० आहारसण्णा भय० मेहुण० परिग्गहसण्णा, चउव्विहे
 बन्धे पंतं०- पगइबंधे ठिइबंधे अणुभावबंधे पाएसबंधे, चउगाउए जोयणे पं०, अणुराहानक्खत्ते चउतारे पं०, पुव्वासाढानक्खत्ते
 चउतारे पं०, उत्तरासाढाणक्खत्ते चउतारे पं०, इमीसे णं रयणप्पभाए पुढवीए अत्थेगइयाणं नेरइयाणं चत्तारि पलिओवमाइं ठिई पं०,
 तच्चाए णं पुढवीए अत्थेगइयाणं नेरइयाणं चत्तारि सागरोवमाइं ठिई पं०, -असुरकुमाराणं देवाणं अत्थेगइयाणं चत्तारि पलिओवमाइं
 ठिई पं०, सोहम्मीसाणेसु कप्पेसु अत्थेगइयाणं देवाणं चत्तारि पलिओवमाइं ठिई पं०, सणंकुमारमाहिंदेसु कप्पेसु अत्थेगइयाणं देवाणं
 चत्तारि सागरोवमाइं ठिई पं०, जे देवा किट्ठिं सुकिट्ठिं किट्ठियावत्तं किट्ठिप्पभं किट्ठिजुत्तं किट्ठिवणं किट्ठिलेसं किट्ठिज्झयं किट्ठिसिं
 किट्ठिसिद्धं किट्ठिकूडं किट्ठुत्तरवाडंसं विमाणं देवत्ताए उववण्णा तेसिं णं देवाणं उक्कोसेणं चत्तारि सागरोवमाइं ठिई० पं० -ते णं
 देवा चउण्हज्झमासाणं आणमंति वा० तेसिं णं देवाणं चउहिं वाससहस्सेहिं आहारट्ठे समुप्पज्जइ, अत्थेगइआ भवसिद्धिया जीवा जे
 चउहिं भवग्गहणेहिं सिज्झिस्संति जाव सव्वदुक्खाणमंतं करिस्संति । ४ । पंच किरिया पं० तं० काइया अहिगरणिया पाउसिआ
 पारितावणिआ पाणाइवायकिरिया, पंच महव्वया पंतं० - सव्वाओ पाणाइवायाओ वेरमणं सव्वाओ मुसावायाओ वेरमणं सव्वाओ

अदत्तादाणाओ वेरमणं सव्वाओ मेहुणाओ वेरमणं सव्वाओ परिग्गहाओ वेरमणं, पंच कामगुणा पंतं - सद्दा रूवा रसा गंधा फासा,
 पंच आसवदारा पंतं - मिच्छत्तं अविरई पमाया कसाया जोगा, पंच संवरदारा पंतं सम्भत्तं विरई अप्पमत्तया (प्र०अपमादो)
 अकसायया अजोगया, पंच निज्जरठाणा पंतं - पाणाइवायाओ वेरमणं मुसावायाओ वेरमणं अदिन्नादाणाओ वेरमणं मेहुणाओ
 वेरमणं परिग्गहाओ वेरमणं, पंच समिईओ पंतं - ईरियासमिई भासासमिई एसणासमिई आयाणभंडमत्तनिक्खेवणासमिई
 उच्चारपासवणखेलसिंघाणजल्लपारिट्ठावणियासमिई, पंच अत्थिकाया पंतं - धम्मत्थिकाए अधम्मत्थिकाए आगासत्थिकाए
 जीवत्थिकाए पोग्गलत्थिकाए, रोहिणीनक्खत्ते पंचतारे पंतं - पुणव्वसुनक्खत्ते पंचतारे पंतं, हत्थनक्खत्ते पंचतारे पंतं, - विसाहानक्खत्ते
 पंचतारे पंतं, धणिट्ठानक्खत्ते पंचतारे पंतं, इमीसे णं रयणप्पभाए पुढवीए अत्थेगइयाणं नेरइयाणं पंच पलिओमवाइं ठिई पंतं, तच्चाए
 णं पुढवीए अत्थेगइयाणं नेरइयाणं पंच सागरोवमाइं ठिई पंतं, असुरकुमाराणं देवाणं अत्थेगइयाणं पंच पलिओवमाइं ठिई पंतं,
 सोहम्मीसाणेसु कप्पेसु अत्थेगइयाणं देवाणं पंच पलिओवमाइं ठिई पंतं, सणंकुमारमाहिंदेसु कप्पेसु अत्थेगइयाणं देवाणं पंच सागरोवमाइं
 ठिई पंतं, जे देवा वायं सुवायं वायावत्तं वायप्पभं वायकंतं वायवणं वायलेसं वायज्झयं वायसिंगं वायसिट्ठं वायकूडं वाउत्तरवडिसंगं
 सूरं सुसूरं सूरावत्तं सूरप्पभं सूरकंतं सूरवणं सूरलेसं सूरज्झयं सूरसिंगं सूरसिट्ठं सूरकूडं सूरुत्तरवडिसंगं विमाणं देवत्ताए उववण्णा
 तेसिं णं देवाणं उक्कोसेणं पंच सागरोवमाइं ठिई पंतं, ते णं देवा पंचण्हं अब्बमासाणं आणमंति वा ४ तेसिं णं देवाणं पंचहिं वाससहस्सेहिं

॥ श्रीसमवायाङ्ग सूत्रं ॥

६

पू. सागरजी म. संशोधित

આહારદ્વે સમુપ્પજ્જઇ, સંતેગઇયા ભવસિદ્ધિયા જીવા જે પંચહિં ભવગ્ગહણેહિં સિઙ્ગિસ્સંતિ જાવ અંતં કરિસ્સંતિ । ૫ । છ લેસાઓ પંતં -
 કળ્હલેસા નીલલેસા કાઝલેસા તેઝલેસા પમ્હલેસા સુક્કલેસા, છ જીવનિકાયા પંતં પુઢવીકાએ આઝકાએ તેઝકાએ વાઝકાએ
 વણસસઙ્કાએ તસકાએ, છવ્વિહે બાહિરે તવોકમ્મે પંતં - અણસણે ઝણોયરિયા વિત્તીસંઘેવો રસપરિચ્છાઓ કાયકિલેસો સંલીણયા,
 છવ્વિહે અભ્ભિતરે તવોકમ્મે પંતં - પાયચ્છિત્તં વિણઓ વેયાવચ્ચં સજ્ઞાઓ ઝાણં ઝસસગ્ગો, છ છાઝમત્થિયા સમુઘાયા પંતં -
 વેયણાસમુઘાએ કસાયસમુઘાએ મારણંતિઅસમુઘાએ વેઝવ્વિયસમુઘાએ તેયસમુઘાએ આહારસમુઘાએ, છવ્વિહે અત્થુગ્ગહે પંતં -
 સોઙંદિયઅત્થુગ્ગહે ચક્કુઙંદિયઅત્થુગ્ગહે ઘાણિંદિઅત્થુગ્ગહે જિભ્ભિદિયઅત્થુગ્ગહે ફાસિંદિયઅત્થુગ્ગહે નોઙંદિયઅત્થુગ્ગહે, કત્તિયાનક્કલે
 છતારે પં, અસિલેસાનક્કલે છતારે પં, ઇમીસે ણં રયણપ્પભાએ પુઢવીએ અત્થેગઇયાણં નેરઙયાણં છ પલિઓવમાઙં ટિઙં પં, તચ્ચાએ ણં
 પુઢવીએ અત્થેગઇયાણં નેરઙયાણં છ સાગરોવમાઙં ટિઙં પં, અસુરકુમારાણં દેવાણં અત્થેગઇયાણં છ પલિઓવમાઙં ટિઙં પં, સોહમ્મીસાણેસુ
 કપ્પેસુ અત્થેગઇયાણં દેવાણં છ પલિઓવમાઙં ટિઙં પં, સણંકુમારમાહિંદેસુ કપ્પેસુ અત્થેગઇયાણં દેવાણં છ સાગરોવમાઙં ટિઙં પં, જે
 દેવા સયંભું સયંભૂરમણં ઘોસં સુઘોસં મહાઘોસં કિઢ્ઢિઘોસં વીરં સુવીરં વીરગતં વીરસેણિયં વીરાવત્તં વીરપ્પભં વીરકંતં વીરવણ્ણં વીરલેસં
 વીરજ્ઞયં વીરસિંગં વીરસિઢ્ઢં વીરકૂઢં વીરુત્તરવઢિંસગં વિમાણં દેવત્તાએ ઝવવણ્ણા તેસિં ણં દેવાણં ઝક્કોસેણં છ સાગરોવમાઙં ટિઙં પં, તે
 ણં દેવા છળહં અદ્ધમાસાણં આણમંતિ વા ૪, તેસિં ણં દેવાણં છહિં વાસસહસ્સેહિં આહારદ્વે સમુપ્પજ્જઇ, સંતેગઇયા ભવસિદ્ધિયા જીવા જે

छहिं भवगहणेहिं सिञ्जिस्संति जाव सव्वदुक्खाणमंतं करिस्संति । ६ । सत्त भयट्ठाणा पंतं० - इहलोगभए परलोगभए आदाणभए
 अकम्हाभए आजीवभए मरणभए असिलोगभए, सत्त समुग्धाया पंतं० वेयणासमुग्धाए कसायसमुग्धाए मारणंतियसमुग्धाए
 वेउव्वियसमुग्धाए तेयसमुग्धाए आहारगसमुग्धाए केवलिसमुग्धाए, समणे भगवं महावीरे सत्त रयणीओ उइढंउच्चत्तेणं होत्था, (इहेव
 जंबुद्दीवे दीवे×) सत्त वासहरपव्वया पंतं० - चुल्लहिमवंते महाहिमवंते निसढे नीलवंते रुप्पी सिहरी मन्दरे, (इहेव जम्बुद्दीवे दीवे×)
 सत्त वासा पंतं० - भरहे हेमवते हरिवासे महाविदेहे रम्भए ए(हे)रण्णवए एरवए, खीणमोहे णं भगवं मोहणिज्जवज्जाओ सत्त
 कम्मपयडीओ वेएइ, महानक्खत्ते सत्ततारे पंतं० कत्ति(अभि पा०)आइआ सत्त नक्खत्ता पुव्वदारिआ पंतं०, महाइआ सत्त नक्खत्ता
 दाहिणदारिआ पंतं०, अणुराहाइआ सत्त नक्खत्ता अवरदारिआ पंतं०, धणिट्ठाइआ सत्त नक्खत्ता उत्तरदारिआ पंतं०, इमीसे णं रयणप्पभाए
 पुढवीए अत्थेगइयाणं नेरइयाणं सत्त पलिओवमाइं ठिई पंतं०, तच्चाए णं पुढवीए नेरइयाणं उक्कोसेणं सत्त सागरोवमाइं ठिई पंतं०,
 चउत्थीए णं पुढवीए नेरइयाणं जहण्णेणं सत्त सागरोवमाइं ठिई पंतं०, असुरकुमाराणं देवाणं अत्थेगइयाणं सत्त पलिओवमाइं ठिई पंतं०,
 सोहम्मीसाणेसु कप्पेसु अत्थेगइयाणं देवाणं सत्त पलिओवमाइं ठिई पंतं०, -सणंकुमारे कप्पे अत्थेगइयाणं देवाणं उक्कोसेणं सत्त
 सागरोवमाइं ठिई पंतं०, माहिंदे कप्पे देवाणं उक्कोसेणं साइरेगाइं सत्त सागरोवमाइं ठिई पंतं०, बंभलोए कप्पे अत्थेगइयाणं देवाणं सत्त
 साहिया (प्र० साहियसत्त) सागरोवमाइं ठिई पंतं०, जे देवा समं समप्पभं महापभं पभासं भासुरं विमलं कंचणकूडं सणंकुमारवडिंसणं

॥ श्रीसप्तवायङ्ग सूत्रं ॥

८

पू. सागरजी म. संशोधित

વિમાણં દેવતાએ ઉવવણ્ણા તેસિં ણં દેવાણં ઉક્કોસેણં સત્ત સાગરોવમાઢં ઠિઈ પં૦, તે ણં દેવા સત્તણ્ણં અદ્ધમાસાણં આણમંતિ વા૦ તેસિં
 ણં દેવાણં સત્તહિં વાસસહસ્સેહિં આહારદ્ધે સમુપ્પજ્જહ, સંતેગઢ્યા ભવસિદ્ધિયા જીવા જે ણં સત્તહિં ભવગ્ગહણેહિં સિજ્ઞિસ્સંતિ જાવ
 સવ્વદુક્ખાણમંતં કરિસ્સંતિ ૧૭ ૧ અદ્ધ મયદ્ધાણા પં૦ તં૦ - જાતિમએ કુલમએ બલમએ રૂવમએ તવમએ સુયમએ લાભમએ ઇસ્સરિયમએ,
 અદ્ધ પવયણમાયાઓ પં૦તં૦ ઈરિયાસમિઈ ભાસાસમિઈ એસણાસમિઈ આયાણભંડમત્તનિક્કેવણાસમિઈ ઉચ્ચારપાસવણખેલજલ્લસિંધાણ-
 પારિટ્ઠાવણિયાસમિઈ મણગુત્તી વયગુત્તી કાયગુત્તી, વાણમંતરાણં દેવાણં ચેઢયરુક્ખા અદ્ધ જોયણાઢં ઉદ્ધંઉચ્ચત્તેણં પં૦, જંબૂ ણં સુદંસણા
 અદ્ધ જોયણાઢં ઉદ્ધંઉચ્ચત્તેણં પં૦, કૂડસામલી ણં ગરુલાવાસે અદ્ધ જોયણાઢં ઉદ્ધંઉચ્ચત્તેણં પં૦, જંબુદ્વીવસ્સ ણં જગઈ અદ્ધ જોયણાઢં
 ઉદ્ધંઉચ્ચત્તેણં પં૦, અદ્ધસામઢ્ઢાએ કેવલિસમુગ્ધાએ પં૦તં૦ -પઢમે સમએ દંડં કરેઢ બીએ સમએ કવાડં કરેઢ તઢાએ સમએ મંથં કરેઢ ચઉત્થે
 સમએ મંથંતરાઢં પૂરેઢ પંચમે સમએ મંથંતરાઢં પઢિસાહરઢ છઢે સમએ મંથં પઢિસાહરઢ સત્તમે સમએ કવાડં પઢિસાહરઢ અદ્ધમે સમએ દંડં
 પઢિસાહરઢ તતો પચ્છા સરીરત્થે ભવઢ, પાસસ્સ ણં અરહઓ પુરિસાદાણિઅસ્સ અદ્ધ ગણા અદ્ધ ગણહરા હોત્થા, તં૦ -સુભે ય સુભધોસે ય,
 વસિદ્ધે બંભયારિ ય ૧ સોમે સિરિધરે ચેવ, વીરભદ્દે જસે ઢય ૧૧ ૧૧ અદ્ધ નક્ખત્તા ચંદેણં સદ્ધિં પમદં જોગં જોએંતિ, તં૦ -કત્તિયા રોહિણી
 પુણવ્વસૂ મહા ચિત્તા વિસાહા અણુરાહા જેઢા, ઢમીસે ણં રયણપ્પહાએ પુઢવીએ અત્થેગઢ્યાણં નેરઢ્યાણં અદ્ધ પલિઓવમાઢં ઠિઈ પં૦,
 ચઉત્થીએ પુઢવીએ અત્થેગઢ્યાણં નેરઢ્યાણં અદ્ધ સાગરોવમાઢં ઠિઈ પં૦, અસુરકુમારાણં દેવાણં અત્થેગઢ્યાણં અદ્ધ પલિઓવમાઢં ઠિઈ પં૦,

સોહમ્મીસાળેસુ કપ્પેસુ અત્થેગઢયાણં દેવાણં અટ્ઠ પલિઓવમાઙ્ઠં ઠિઈ પં૦, બંભલોએ કપ્પે અત્થેગઢયાણં દેવાણં અટ્ઠ સાગરોવમાઙ્ઠં ઠિઈ પં૦, જે દેવા અચ્ચિ અચ્ચિમાલિં વઢરોયણં પમંકરં ચંદામં સૂરામં સુપડટ્ટામં અગિચ્ચામં રિટ્ટામં અરુણામં અરુણુત્તરવડિંસગં વિમાણં દેવત્તાએ ઉવવણ્ણા તેસિં ણં દેવાણં ઉક્કોસેણં અટ્ઠ સાગરોવમાઙ્ઠં ઠિઈ પં૦, તે ણં દેવા અટ્ઠુણં અદ્ધમાસાણં આણમંતિ વા ૪ તેસિં ણં દેવાણં અટ્ઠહિં વાસસહસ્સેહિં આહારટે સમુપ્પજ્જહ, સંતેગઢયા ભવસિદ્ધિયા જીવા જે અટ્ઠહિં ભવગ્ગહણેહિં સિજ્ઞિસ્સંતિ જાવ અંતં કરિસ્સંતિ ।૮।

નવ બંભચેરગુત્તીઓ પં૦તં૦ નો ઇત્થીપસુપંડગસંસત્તાણિ સિજ્ઞાસણાણિ સેવિત્તા ભવહ, નો ઇત્થીણં કહં કહિત્તા ભવહ, નો ઇત્થીણં ઠાણાઙ્ઠં સેવિત્તા ભવહ, નો ઇત્થીણં ઇંદિયાણિ મણોહરાઙ્ઠં મણોરમાઙ્ઠં આલોહિત્તા નિજ્ઞાહિત્તા ભવહ, નો પળીયરસમ્મોહ, નો પાળમોયણસ્સ અહમાયાએ આહારહિત્તા, નો ઇત્થીણં પુવ્વરયાઙ્ઠં પુવ્વકીલિઆઙ્ઠં સમરહિત્તા ભવહ, નો સદ્ધાણુવાઈ નો રૂવાણુવાઈ નો ગન્થાણુવાઈ નો રસાણુવાઈ નો ફાસાણુવાઈ નો સિલોગાણુવાઈ, નો સાયાસોક્ખપડિબદ્ધે યાવિ ભવહ, નવ બંભચેરઅગુત્તીઓ પં૦તં૦ - ઇત્થીપસુપંડગસંસત્તાણં સિજ્ઞાસણાણં સેવણયા જાવ સાયાસુક્ખપડિબદ્ધે યાવિ ભવહ, નવ બંભચેરા પં૦તં૦ - સત્થપરિણ્ણા લોગવિજઓ સીઓસણિજ્ઞ સમ્મત્તં ।

આવંતિ ધુત વિમોહા(પ્રોયણ) ઉવહાણસુયં મહપરિણ્ણા ॥ ૨ ॥ પાસે ણં અરહા પુરિસાદાળીએ નવ રયળીઓ ઉદ્ધંઉચ્ચત્તેણં હોત્થા, અમ્મીજીનક્ખત્તે સાઢેરેગે નવ મુહુત્તે ચન્દેણં સદ્ધિં જોગં જોણ્ણ, અમ્મીજિયાહિયા નવ નક્ખત્તા ચંદસ્સ ઉત્તરેણં જોગં જોણ્ણંતિ, તં૦- અમ્મીજિ સવળો જાવ ભરળી, ઇમ્મીસે ણં રયળપ્પમાએ પુઢવીએ બહુસમરમણિજ્ઞાઓ ભૂમિમાયાઓ નવ જોયણસાએ ઉદ્ધંઆબાહાએ ઉવરિલ્લે તારારૂવે

॥ શ્રીસમવાયાઙ્ઠ સૂત્ર ॥

૧૦

પૂ. સાગરજી મ. સંશોધિત

चारं चरइ, जंबुद्दीवे णं दीवे नवजोयणिआ मच्छा पविसिंसु वा०, विजयस्स णं दारस्स एगमेगाए बाहाए नव नव भोमा पं०, वाणमंतराणं देवाणं सभाओ सुहम्माओ नव जोयणाइं उद्धंउच्चत्तेणं पं०, दंसणावरणिज्जस्स णं कम्मस्स नव उत्तरपगडीओ पं०तं० निदा पयत्ता निदानिदा पयलापयला थीणद्धी चक्खुदंसणावरणे अचक्खुदंसणावरणे ओहिदंसणावरणे केवलदंसणावरणे, इमीसें णं रयणप्पभाए पुढवीए अत्थेगइयाणं नेरइयाणं नव पलिओवमाइं ठिई पं०, चउत्थीए पुढवीए अत्थेगइयाणं नेरइयाणं नव सागरोवमाइं ठिई पं०, असुरकुमाराणं देवाणं अत्थेगइयाणं नव पलिओवमाइं ठिई पं०, सोहम्मीसाणेसु कप्पेसु अत्थेगइयाणं देवाणं नव पलिओवमाइं ठिई पं०, बंभलोए कप्पे अत्थेगइयाणं देवाणं नव सागरोवमाइं ठिई पं०, जे देवा पम्हं सुपम्हं पम्हावत्तं पम्हप्पभं पम्हकंतं पम्हवण्णं पम्हलेसं पम्हज्झयं पम्हसिंणं पम्हसिट्ठं पम्हकूडं पम्हुत्तरवडिंसगं सुज्जं सुसुज्जं सुज्जवितं सुज्जपभं सुज्जकंतं सुज्जवण्णं सुज्जलेसं सुज्जज्झयं सुज्जसिंणं सुज्जसिट्ठं सुज्जकूडं सुज्जुत्तरवडिंसगं रुइल्लं रुइल्लावत्तं रुइल्लप्पभं रुइल्लकंतं रुइल्लवण्णं रुइल्ललेसं रुइल्लज्झयं रुइल्लसिंणं रुइल्लसिट्ठं रुइल्लकूडं रुइल्लुत्तरवडिंसगं विमाणं देवत्ताए उववण्णा तेसिं णं देवाणं नव सागरोवमाइं ठिई पं०, ते णं देवा नवण्हं अद्धमासाणं आणमंति वा० तेसिं णं देवाणं नवहिं वाससहस्सेहिं आहारट्टे समुप्पज्जइ, संतेगइया भवसिद्धिया जीवा जे नवहिं भवग्गहणेहिं सिज्झिस्संति जाव सव्वदुक्खाणमंतं करिस्संति । १ । दसविहे समणधम्मो पं०तं०-खंती मुत्ती अज्जवे महवे लाघवे सच्चे संजमे तवे चियाए बंभचेरवासे, दस चित्तसमाहिट्ठाणा पं०तं०-धम्मचिंता वा से असमुप्पण्णपुव्वा समुप्पज्जिजा सव्वं धम्मं जाणिताए, सुमिणं सुजाणं

પા૦ દ્રંસણે વા સે અસમુપ્પણ્ણપુવ્વે સમુપ્પજિજ્ઞા અહાતચ્ચં સુમિણં પાસિત્તે, સણિનાણે વા સે અસમુપ્પણ્ણપુવ્વે સમુપ્પજિજ્ઞા
 પુવ્વભવે સુમરિત્તે, દેવદંસણે વા સે અસમુપ્પત્તપુવ્વે સમુપ્પજિજ્ઞા દિવ્વં દેવિદ્ધિ દિવ્વં દેવજુહં દિવ્વં દેવાણુભાવં પાસિત્તે, ઓહિનાણે
 વા સે અસમુપ્પણ્ણપુવ્વે સમુપ્પજિજ્ઞા ઓહિણા લોગં જોણિત્તે, ઓહિદંસણે વા સે અસમુપ્પણ્ણપુવ્વે સમુપ્પજિજ્ઞા ઓહિણા લોગં
 પાસિત્તે, મળપજ્જવનાણે વા સે અસમુપ્પણ્ણપુવ્વે સમુપ્પજિજ્ઞા જાવ મળોગે ભાવે જાણિત્તે, કેવલનાણે વા સે અસમુપ્પણ્ણપુવ્વે
 સમુપ્પજિજ્ઞા કેવલં લોગં જાણિત્તે, કેવલદંસણે વા સે અસમુપ્પણ્ણપુવ્વે સમુપ્પજિજ્ઞા કેવલં લોચં પાસિત્તે, કેવલિમરણં વા
 મરિજ્ઞા સવ્વદુક્ખપ્પહીણા, મંદરે ણં પવ્વે મૂલે દસ જોયણસહસ્સાહં વિક્ખંભેણં પં૦, અરિહા ણં અરિદ્ધનેમી દસ ધણૂહં ઉદ્ધંચ્ચત્તેણં
 હોત્થા, કળ્હે ણં વાસુદેવે દસ ધણૂહં ઉદ્ધંચ્ચત્તેણં હોત્થા, રામે ણં બલદેવે દસ ધણૂહં ઉદ્ધંચ્ચત્તેણં હોત્થા, દસ નક્ખત્તા નાણવુદ્ધિકરા
 પં૦તં૦ - મિગસિર અદ્દા પુસ્સો તિણિણ અ પુવ્વા ય મૂલમસ્સેસા । હત્થો ચિત્તા ય તદ્દા દસ વુદ્ધિકરાહં નાણસ્સ ॥ ૩ ॥ અકમ્મભૂમિયાણં
 મળુઆણં દસવિહા રુક્ખા ઉવભોગત્તા ઉવત્થિયા પં૦તં૦ - મત્તંગયા ય મિંગા તુહિઅંગા દીવ જોહં ચિત્તંગા । ચિત્તરસા મણિઅંગા
 ગેહાગારા અનિગિણા ય ॥ ૪ ॥ ઇમીસે ણં રયપ્પભાએ પુઢવીએ અત્થેગહ્યાણં નેરહ્યાણં જહણ્ણેણં દસ વાસસહસ્સાહં ટિહં પં૦, ઇમીસે ણં
 રયપ્પભાએ પુઢવીએ અત્થેગહ્યાણં નેરહ્યાણં દસ પલિઓવમાહં ટિહં પં૦, ચઉત્થીએ પુઢવીએ દસ નિરયાવાસસયસહસ્સાહં પં૦ ચઉત્થીએ
 પુઢવીએ ઉક્કોસેણં દસ સાગરોવમાહં ટિહં પં૦, પંચમીએ પુઢવીએ જહણ્ણેણ દસ સાગરોવમાહં ટિહં પં૦ અસુરકુમારાણં દેવાણં જહણ્ણેણં

॥ શ્રીસમવાયાહ્ન સૂત્ર ॥

૧૨

પૂ. સાગરજી મ. સંશોધિત

દસ વાસસહસ્સાઈં ટિઈં પં૦, અસુરિંદવજ્ઞાણં ભોમિજ્ઞાણં દેવાણં જહણ્ણેણં દસ વાસસહસ્સાઈં ટિઈં પં૦, અસુરકુમારાણં દેવાણં અત્થેગઙ્ગયાણં
 દસ પલિઓવમાઈં ટિઈં પં૦, બાયરવણસ્સઙ્કાઙ્ગયાણં ઉક્કોસેણં દસ વાસસહસ્સાઈં ટિઈં પં૦, વાણમંતરાણં દેવાણં જહણ્ણેણં દસ
 વાસસહસ્સાઈં ટિઈં પં૦, સોહમ્મીસાણેસુ કપ્પેસુ અત્થેગઙ્ગયાણં દેવાણં દસ પલિઓવમાઈં ટિઈં પં૦, બંભલોએ કપ્પે દેવાણં ઉક્કોસેણં દસ
 સાગરોવમાઈં ટિઈં પં૦, લાંતએ કપ્પે દેવાણં જહણ્ણેણં દસ સાગરોવમાઈં ટિઈં પં૦, જે દેવા ઘોસં સુઘોસં મહાઘોસં નંદિઘોસં સુસરં મળોરમં
 રમ્મં રમ્મગં રમ્મણિજ્ઞં મંગલાવત્તં બંભલોગવડિંસગં વિમાણં દેવત્તાએ ઉવવણ્ણા તેસિં ણં દેવાણં ઉક્કોસેણં દસ સાગરોવમાઈં ટિઈં પં૦, તે
 ણં દેવા દસણ્ણં અદ્ધમાસાણં આણમંતિ વા૦ તેસિં ણં દેવાણં દસહિં વાસસહસ્સેહિં આહારઢ્ઢે સમુપ્પજ્જઙ્ગ, સંતેગઙ્ગા ભવસિદ્ધિયા જીવા
 જે દસહિં ભવગ્ગહણેહિં સિઙ્ગિસસંતિ૦ । ૧૦ । એક્કારસ ઉવાસગપડિમાઓ પં૦તં૦ -દંસણસાવએ, કયવયકમ્મે, સામાઙ્ગકકઢે
 પોસહોવવાસનિરએ, દિયા બંભયારી રત્તિં પરિમાણકઢે, દિઆઙ્ગવિ રાઓઙ્ગવિ બંભયારી અસિણા(અનિસા પા૦)ઈં વિઅઢભોઈં મોલિકઢે,
 સચિત્તપરિણ્ણાએ, આરંભપરિણ્ણાએ, પેસપરિણ્ણાએ, ઉદ્ધિટ્ઠભત્તપરિણ્ણાએ, સમણભૂએ આવિ ભવઙ્ગ સમણાઉસો... લોગંતાઓ ઇક્કારેહિં
 ઇક્કારસજોયણસએહિં અબાહાએ જોઙ્ગસંતે પં૦, જંબૂદીવે દીવે મંદરસ્સ પવ્વયસ્સ એક્કારસહિં એક્કવીસેહિં જોયણસએહિં જોઙ્ગસે ચારં ચરઙ્ગ,
 સમણસ્સ ણં ભગવઓ મહાવીરસ્સ એક્કારસ ગણહરા હોત્થા, તં૦- ઇંદભૂઈં અગ્ગિભૂઈં વાયુભૂઈં વિઅત્તે સોહમ્મે મંડિએ મોરિયપુત્તે અકંપિએ
 અયલભાયા મેઅજ્જે પમાસે, મૂલે નક્કલ્લે એક્કારસતારે પં૦, - હેટ્ઠિમ્મોવિજ્ઞયાણં દેવાણં એક્કારસગુત્તરં ગેવિજ્ઞવિમાણસતં ભવઙ્ગત્તિમક્કવાયં

मंदरे णं पव्वए धरणितालाओ सिहरतले एक्कारसभागपरिहीणे उच्चत्तेणं पं०, इमीसे णं रयणप्पभाए पुढवीए अत्थेगइयाणं नेरइयाणं
 एक्कारस पलिओवमाइं ठिई पं०, पंचमीए पुढवीए अत्थेगइयाणं नेरइयाणं एक्कारस सागरोवमाइं ठिई पं०, असुरकुमाराणं देवाणं
 अत्थेगइयाणं एक्कारस पलिओवमाइं ठिई पं०, सोहम्मीसाणेसु कप्पेसु अत्थेगइयाणं देवाणं एक्कारस पलिओवमाइं ठिई पं०, लंतए
 कप्पे अत्थेगइयाणं देवाणं एक्कारस सागरोवमाइं ठिई पं०, जे देवा बंभं सुबंभं बंभावत्तं बंभप्पभं बंभकंतं बंभवण्णं बंभलेसं बंभञ्जयं
 बंभसिंगं बंभसिट्ठं बंभकूडं बंभुत्तरवडिसंगं विमाणं देवत्ताए उववण्णा तेसिं णं देवाणं एक्कारस सागरोवमाइं ठिई पं०-ते णं देवा
 एक्कारसण्हं अब्बमासाणं आणमंति वा ४ तेसिं णं देवाणं एक्कारसण्हं वाससहस्साणं आहारट्ठे समुप्पज्जइ, संतेगइआ भवसिद्धिआ
 जीवा जे एक्कारसहिं भवग्गहणेहिं सिज्झिस्संति जाव सव्वदुक्खाणमंतं करिस्संति । ११ । बारस भिक्खुपडिमाओ पं०, तंजहा०-
 मासिआ भिक्खुपडिमा दोमासिआ भिक्खुपडिमा तिमासिआ भिक्खुपडिमा चउमासिआ भिक्खुपडिमा पंचमासिआ भिक्खुपडिमा
 छमासिआ भिक्खुपडिमा सत्तमासिआ भिक्खुपडिमा पढमा सत्तराइंदिआ भिक्खुपडिमा दोच्चा सत्तराइंदिआ भिक्खुपडिमा तच्चा
 सत्तराइंदिआ भिक्खुपडिमा अहोराइआ भिक्खुपडिमा एगराइया भिक्खुपडिमा, दुवालसविहे सभ्भोगे पंतं० -उवही सुअ भत्त पाणे,
 अंजलीपग्गहेति य । दायणे य निकाए अ, अब्भुट्ठाणेति आवरे ॥ ५ ॥ किइकम्मस्स य करणे, वेयावच्चकरणे इअ । समोसरणं
 संनिसिज्जा य, कहाए अ पबन्धणे ॥ ६ ॥ दुवालसावत्ते कितिकम्मे पंतं० -दुओणयं जहाजायं, कितिकम्भं बारसावयं । चउस्सिरं

॥ श्रीसमवायाइ सुत्रं ॥

१४

पू. सागरजी म. संशोधित

तिगुत्तं (सिद्धं पा०) च, दुपवेसं एगनिक्खमणं ॥ ७ ॥ विजया णं रायहाणी दुवालस जोयणसयसहस्साइं आयामविकूखंभेणं पं०, रामे णं बलदेवे दुवालस वाससयाइं सव्वाउयं पालित्ता देवत्तं गए, मंदरस्स णं पव्वयस्स चूलिआ मूले दुवालस जोयणाइं विकूखंभेणं पं०, जंबूदीवस्स णं दीवस्स वेइआ मूले दुवालस जोयणाइं विकूखंभेणं पं०, सव्वजहण्णिआ राई दुवालसमुहुत्तिआ पं०, एवं दिवसोऽवि नायव्वो, सव्वट्टसिद्धस्स णं महाविमाणस्स उवरिल्लाओ थूभिअग्गाओ दुवालस जोयणाइं उद्धं उप्पइआ ईसिपब्भारानामपुढवीं पं०, ईसिपब्भाराए णं पुढवीए दुवालस नामधेज्जा पं०तं० -ईसिति वा ईसिपब्भाराति वा तणूइ वा तणूयतरित्ति वा सिद्धित्ति वा सिद्धालएत्ति वा मुत्तीति वा मुत्तालएत्ति वा बंभेत्ति वा बंभवडिंसएत्ति वा लोकपडिपूरणेति वा लोगगचूलिआइ वा, इमीसे णं रयणप्पभाए पुढवीए अत्थेगइआणं नेरइयाणं बारस पलिओवमाइं ठिई पं०, पंचमीए पुढवीए अत्थेगइयाणं नेरइयाणं बारस सागरोवमाइं ठिई पं०, असुरकुमाराणं देवाणं अत्थेगइयाणं बारस पलिओवमाइं ठिई पं०, सोहम्मीसाणेसु कप्पेसु अत्थेगइयाणं देवाणं बारस पलिओवमाइं ठिई पं०, लंतए कप्पे अत्थेगइयाणं देवाणं बारस सागरोवमाइं ठिई पं०, जे देवा महिंदं महिंदज्झयं कंबुं कंबुग्गीवं पुंखं सुपुंखं महापुंखं पुंडं सुपुंडं महापुंडं नरिंदं नरिंदकंतं नरिंदुत्तरवडिंसं विमाणं देवत्ताए उववण्णा तेसिं णं देवाणं उक्कोसेणं बारस सागरोवमाइं ठिई पं०, ते णं देवा बारसण्हं अब्भमासाणं आणमंति वा ४, तेसिं णं देवाणं बारसहिं वाससहस्सेहिं आहारट्ठे समुप्पज्जइ, संतेगइआ भवसिद्धिआ जीवा जे बारसहिं भवग्गहणेहिं सिज्झिस्संति जाव सव्वदुक्खाणमंतं करिस्संति । १२ । तेरस किरियाठाणा

પંતં - અઢાદંડે અણઢાદંડે હિંસાદંડે અકમ્હાદંડે દિઢિવિપરિઆસિઆદંડે મુસાવાયવત્તિએ અદિત્રાદાણવત્તિએ અઙ્ગત્થિએ માનવત્તિએ
 મિત્તદોસવત્તિએ માયાવત્તિએ લોભવત્તિએ ઈરિઆવહિએ નામં તેરસમે, સોહમ્મીસાણેસુ કપ્પેસુ તેરસ વિમાણપત્થડા પં, સોહમ્મવડિંસગે
 ણં વિમાણે ણં ઈદ્ધતેરસ જોયણસયસહસ્સાઈં આયામવિક્ખંભેણં પં, એવં ઈસાણવડિંસગેઽવિ જલયરપંચિંદિઅતિરિક્ખજોણિઆણં
 અદ્ધતેરસ જાઢકુલકોડીજોણીપમુહસયસહસ્સાઈં પં, પાણાઁસ પં પુવ્વસ્સ તેરસ વત્થૂ પં, ગમ્મવકંતિઅપંચેંદિઅતિરિક્ખજોણિઆણં
 તેરસવિહે પઓગે પંતં - સચ્ચમણપઓગે મોસમણપઓગે સચ્ચમોસમણપઓગે અસચ્ચામોસણપઓગે સચ્ચવઢપઓગે મોસવઢપઓગે
 સચ્ચામોસવઢપઓગે અસચ્ચામોસવઢપઓગે ઓરાલિઅસરીરકાયપઓગે ઓરાલિઅમીસસરીરકાયપઓગે વેઁઞ્ચિઅસરીરકાયપઓગે
 વેઁઞ્ચિઅમીસરીરકાયપઓગે કમ્મસરીરકાયપઓગે, સૂરમંડલં જોયણેણં તેરસહિં એગસઢિભાગેહિં જોયણસ્સ ઁણં પં, ઈમીસે ણં રયણપ્પભાએ
 પુઢવીએ અત્થેગઢયાણં નેરઢયાણં તેરસ પલિઓવમાઢં ઠિઈં પં, પંચમીએ પુઢવીએ અત્થેગઢયાણં નેરઢયાણં તેરસ સાગરોવમાઢં ઠિઈં પં,
 અસુરકુમારાણં દેવાણં અત્થેગઢયાણં તેરસ પલિઓવમાઢં ઠિઈં પં, સોહમ્મીસાણેસુ કપ્પેસુ અત્થેગઢયાણં દેવાણં તેરસ પલિઓવમાઢં
 ઠિઈં પં, લંતએ કપ્પે અત્થેગઢયાણં દેવાણં તેરસ સાગરોવમાઢં ઠિઈં પં, જે દેવા વજ્જં સુવજ્જં વજ્જાવત્તં વજ્જપ્પમં વજ્જકંતં વજ્જવણ્ણં
 વજ્જલેસં વજ્જરૂવં વજ્જસિંઘં વજ્જસિઢ્ઠં વજ્જકૂઢં વજ્જુત્તરવડિંસગં વઢરં વઢરાવત્તં વઢરપ્પમં વઢરકંતં વઢરવણ્ણં વઢરલેસં વઢરરૂવં
 વઢરસિંઘં વઢરસિઢ્ઠં વઢરકૂઢં વઢરુત્તરવડિંસગં લોગં લોગાવત્તં લોગપ્પમં લોગકંતં લોગવણ્ણં લોગલેસં લોગરૂવં લોગસિંઘં લોગસિઢ્ઠં

॥ શ્રીસમવાયાઢ સૂત્ર ॥

૧૬

પૂ. સાગરજી મ. સંશોધિત

लोगकूडं लोगुत्तरवडिंसगं विमाणं देवत्ताए उववण्णा तेसिं णं देवाणं उक्कोसेणं तेरस सागरोवमाइं ठिई पं०, ते णं देवा तेरसहिं
 अद्धमासेहिं आणमंति वा ४, तेसिं णं देवाणं तेरसहिं वाससहस्सेहिं आहारट्टे समुप्पज्जइ, संतेगइआ भवसिद्धिया जीवा जे तेरसहिं
 भवगगहणेहिं सिज्झिस्संति जाव सव्वदुक्खाणमंतं करिस्संति । १३ । चउदस भूअगगामा पंतं० -सुहुमा अपज्जत्ता सुहुमा पज्जत्ता
 बादरा अपज्जत्ता बादरा पज्जत्ता बेइंदिआ अपज्जत्ता बेइंदिया पज्जत्ता तेंदिआ अपज्जत्ता तेंदिया पज्जत्ता चउरिदिआ अपज्जत्ता
 चउरिदिआ पज्जत्ता पंचिदिआ असत्तिअपज्जत्ता पंचिदिआ असत्तिपज्जत्ता पंचिदिआ सत्तिअपज्जत्ता पंचेदिआ सत्तिपज्जत्ता,
 चउदस पुव्वा पंतं० -उप्पायपुव्वमग्गे(प्र०ग्गा)णियं च तेइयं च वीरियं पुव्वं । अत्थीनत्थिपवायं तत्तो नाणप्पवायं च ॥ ८ ॥
 सच्चप्पवायपुव्वं तत्तो आयप्पवायपुव्वं च । कम्मप्पवायपुव्वं पच्चक्खाणं भवे नवमं ॥ ९ ॥ विज्जाअणुप्पवायं अवंझ पाणाउ बारसं
 पुव्वं । तत्तो किरियविसालं पुव्वं तह बिंदुसारं च ॥ १० ॥ अग्गे(प्र०ग्गा)णीअस्स णं पुव्वस्स चउदस वत्थू पं०, समणस्स णं भगवओ
 महावीरस्स चउदस्स समणसाहस्सीओ उक्कोसिआ समणसंपया होत्था, कम्मविसोहिमगगणं पडुच्च चउदस जीवट्ठाणा पंतं० - मिच्छदिट्ठी
 सासायणसम्मदिट्ठी सम्माभिच्छदिट्ठी अवरियसम्महिट्ठी विरयाविरए पमत्तसंजए अप्पमत्तसंजए निअट्ठीबायरे अनिअट्ठीबायरे सुहुमसंपराए
 उवसामए वा खवए वा उवसंतमोहे खीणमोहे सजोगी केवली अयोगी केवली, भरहेरवयाओ णं जीवाओ चउदस चउदस जोयणसहस्साइं
 चत्तारि अ एगुत्तरे जोयणसए छच्च एगुणवीसे भागे जोयणस्स आयामेणं पं०, एगमेगस्स णं रत्तो चाउरंतचक्कवट्ठिस्स चउदस रयणा

॥ श्रीसमवायाङ्ग सूत्रं ॥

१७

पू. सागरजी म. संशोधित

પંતં - ઇત્થીરયણે સેણાવઙ્ગરયણે ગાહાવઙ્ગરયણે પુરોહિયરયણે વઢઢરયણે આસરયણે હત્થીરયણે અસિરયણે દંડરયણે ચક્કરયણે
 છત્તરયણે ચમ્મરયણે મળિરયણે કાગિળિરયણે, જંબુદ્વીપે ણં દીવે ચઢદસ મહાનર્દઓ પુવ્વાવરેણ લવણસમુદ્ધં સમપ્પંતિ તં - ગંગા સિંધુ
 રોહિઆ રોહિઅંસા હરી હરિકંતા સીઆ સીઓદા નરકન્તા નારિકાંતા સુવળ્ણકૂલા રુપ્પકૂલા રત્તા રત્તવર્દ, ઇમ્મીસે ણં રયણપ્પમાણ
 પુઢવીએ અત્થેગઙ્ગયાણં નેરઙ્ગયાણં ચઢદસ પલિઓવમાઙ્ગં ટિર્દ પં, પચ્છમીએ ણં પુઢવીએ અત્થેગઙ્ગયાણં નેરઙ્ગયાણં ચઢદસ સાગરોવમાઙ્ગં ટિર્દ
 પં, અસુરકુમારાણં દેવાણં અત્થેગઙ્ગયાણં ચઢદસ પલિઓવમાઙ્ગં ટિર્દ પં, સોહમ્મીસાણેસુ કપ્પેસુ અત્થેગઙ્ગયાણં દેવાણં ચઢદસ પલિઓવમાઙ્ગં
 ટિર્દ પં, લંતએ કપ્પે દેવાણં અત્થેગઙ્ગયાણં ચઢદસ સાગરોવમાઙ્ગં ટિર્દ પં, મહાસુક્કે કપ્પે દેવાણં અત્થેગઙ્ગયાણં જહળ્ણેણં ચઢદસ
 સાગરોવમાઙ્ગં ટિર્દ પં, જે દેવા સિરિકંતં સિરિમહિઅં સિરિસોમનસં લંતયં કાવિટ્ઠં મહિંદં મહિંદકંતં મહિંદુત્તરવડિંસગં વિમાણં દેવત્તાએ
 ઉવવળ્ણા તેસિં ણં દેવાણં ઉક્કોસેણં ચઢદસ સાગરોવમાઙ્ગં ટિર્દ પં, તે ણં દેવા ચઢદસહિં અબ્બમાસેહિં આણમંતિ વા ૪, તેસિં ણં દેવાણં
 ચઢદસહિં વાસસહસ્સેહિં આહારદ્દે સમુપ્પજ્જહ, સંતેગઙ્ગઆ ભવસિન્ધિઆ જીવા જે ચઢદસહિં ભવગ્ગહળેહિં સિન્ધિસ્સંતિ જાવ સવ્વદુક્કઘાણમંતં
 કરિસ્સંતિ । ૧૪ । પત્તરસ પરમાહમ્મિઆ પંતં - અંબે અંબરિસી ચેવ, સામે સબલેતિ આવરે । રુદ્ધોવરુદ્ધકાલે અ, મહાકાલેતિ આવરે
 ॥ ૧૧ ॥ અસિપત્તે ધણુ કુમ્ભે, વાલુએ વેઅરણીતિ અ । ચ્ચરસ્સરે મહાધોસે, એતે પત્તરસાહિઆ ॥ ૧૨ ॥ ણમી ણં અરહા પત્તરસ ધણૂં
 ઉઢ્ઢંઉચ્ચત્તેણં હોત્થા, ધુવ(પ્રં ણિચ્ચ)રાહૂ ણં બહુલપક્કસસ પડિવાએ પત્તરસભાગં પત્તરસભાગેણં ચંદસસ લેસં આવરેત્તાણં ચિટ્ઠિતિ,

॥ શ્રીસમવાયાઙ્ગ સૂત્ર ॥

૧૮

પૂ. સાગરજી મ. સંશોધિત

तंजहा पढमाए पढमं भागं बीआए दुभागं तइआए तिभागं चउत्थीए चउभागं पञ्चमीए पञ्चभागं छद्दी। छभागं सत्तमीए सत्तभागं
 अट्टमीए अट्टभागं नवमीए नवभागं दसमीए दसभागं एक्कारसीए एक्कारसभागं बारसीए बारसभागं तेरसीए तेरसभागं चउदसीए चउदसभागं
 पन्नरसेसु पन्नरसभागं, तं चेव सुक्कपक्खस्स य उवदंसेमाणे उवदंसेमाणे चिट्ठति, तंजहा पढमाए पढमं भागं जाव पन्नरसेसु पन्नरसभागं,
 छ णक्खत्ता पन्नरसमुहुत्तसंजुत्ता पं०तं० - सतभिसय भरणि अहा असलेसा साई तहा जेड्डा(प्र० इ तहय जेड्डा य) । एते छण्णक्खत्ता
 पन्नरसमुहुत्तसंजुत्ता ॥ १३ ॥ चेत्तासोएसु णं मासेसु पन्नरसमुहुत्तो दिवसो भवति, एवं चेत्त(तासो)मासेसु पण्णरसमुहुत्ता राई भवति,
 विज्जाअणुप्पवायस्स णं पुव्वस्स पन्नरस वत्थू पं०, मणूसाणं पण्णरसविहे पओगे पं०तं० -सच्चमणपओगे मोसमणपओगे
 सच्चमोसमणपओगे असच्चामोसमणपओगे सच्चवइपओगे मोसवइपओगे सच्चमोसवइपओगे असच्चामोसवइपओगे ओरालिअसरीर-
 कायपओगे ओरालिअमीससरीरकायपओगे वेउव्वियसरीरकायपओगे वेउव्विअमीससरीरकायपओगे आहारयसरीरकायप्पओगे
 आहारयमीससरीरकायप्पओगे कम्भयसरीरकायपओगे, इमीसे णं रयणप्पभाए पुढवीए अत्थेगइआणं नेरइआणं पण्णरस पलिओवमाइं
 ठिई पं०, -पंचमीए पुढवीए अत्थेगइयाणं नेरइआणं पण्णरस सागरोवमाइं ठिई पं०, असुरकुमाराणं देवाणं अत्थेगइयाणं पण्णरस
 पलिओवमाइं ठिई पं०, सोहम्मीसाणेसु कप्पेसु अत्थेगइआणं देवाणं पण्णरस पलिओवमाइं ठिई पं०, महासुक्के कप्पे अत्थेगइआणं
 देवाणं पण्णरस सागरोवमाइं ठिई पं०, जे देवा णंदं सुणंदं णंदावत्तं णंदप्पभं णंदकंतं णंदवण्णं णंदलेसं णंदज्झयं णंदसिंगं णंदसिद्धं

॥ श्रीसपवायाङ्ग सूत्रं ॥

१९

पू. सागरजी म. संशोधित

णंदकूडं णंदुत्तरवडिंसगं विमाणं देवत्ताए उववण्णा, तेसिं णं देवाणं उक्कोसेणं पण्णरस वागरोवमाइं ठिई पं०, ते णं देवा पण्णरसण्हं
 अद्धमासाणं आणमंति वा०, तेसिं णं देवाणं पण्णरसहिं वाससहस्सेहिं आहारट्टे समुप्पज्जइ, संतेगइआ भवसिद्धिआ जीवा जे पन्नरसहिं
 भवग्गहणेहिं सिञ्झिस्संति जाव सव्वदुक्खाणमंतं करिस्संति । १५ । सोलस य गाहासोलसगा पंतं० -समए वेयालिए उवसग्गपरिन्ना
 इत्थीपरिण्णा निरयविभत्ती महावीरथुई कुसीलपरिभासिए वीरिए धम्मे समाही मग्गे समोसरणे आहातहिए गंथे जमईए गाहासोलसमे
 सोलसगे, सोलस कसाया पंतं० -अणंताणुबंधी कोहे अणंताणुबंधी माणे अणंताणुबंधी माया अणंताणुबंधी लोभे अपच्चक्खाणकसाए
 कोहे अपच्चक्खाणकसाए माणे अपच्चक्खाणकसाया माया अपच्चक्खाणकसाए लोभे पच्चक्खाणावरणे कोहे पच्चक्खाणावरणे
 माणे पच्चाक्खाणावरणा माया पच्चक्खाणावरणे लोभे संजलणे कोहे संजलणे माणे संजलणा माया संजलणे लोभे, मंदरस्स णं
 पव्वयस्स सोलस नामधेया पंतं० -मंदर मेरु मणोरम सुदंसण सयंपभे य गिरिराया । रयणुच्चय पियदंसण मज्झे लोगस्स नाभी य
 ॥१४॥ अत्थे अ सूरिआवत्ते, सूरिआवरणेत्ति अ । उत्तरे अ दिसाई अ, वडिंसे इअ सोलसमे ॥ १५ ॥ पासस्स णं अरहतो पुरिसादाणीयस्स
 सोलस समणसाहस्सीओ उक्कोसिआ समणसंपदा होत्था, आयप्पवायस्स णं पुव्वस्स णं सोलस वत्थू पं०, चमरबलीणं उवारियालेणे
 सोलस जोयणसहस्साइं आयामविक्खंभेणं पं०, -लवणे णं समुद्वे सोलस जोयणसहस्साइं उस्सहपरिवुडढीए पं० -इमीसे णं रयणप्पभाए
 पुढवीए अत्थेगइआणं नेरइयाणं सोलस पलिओवमाइं ठिई पं०, पंचमीए पुढवीए अत्थेगइयाणं नेरइयाणं सोलस सागरोवमाइं ठिती

પં૦, અસુરકુમારાણં દેવાણં અત્યેગઙ્યાણં સોલસ પલિઓવમાઙં ઠિઈ પં૦, સોહમ્પીસાણેસુ કપ્પેસુ અત્યેગઙ્યાણં દેવાણં સોલસ પલિઓવમાઙં ઠિઈ પં૦, મહાસુકે કપ્પે દેવાણં અત્યેગઙ્યાણં સોલસ સામરોવમાઙં ઠિઈ પં૦, જે દેવ। આવત્તં વિઆવત્તં નંદિઆવત્તં મહાણંદિઆવત્તં અંકુસં અંકુસપલ્લંભં ભદ્દં સુભદ્દં મહાભદ્દં સવ્વઓભદ્દં ભદ્દદુત્તરવડિંસગં વિમાણં દેવત્તાણં ઉવવણ્ણા તેસિં ણં દેવાણં ઉક્કોસેણં સોલસ સામરોવમાઙં ઠિઈ પં૦, તે ણં દેવા સોલસણં અદ્ધમાસાણં આણમંતિ વા ૪, તેસિં ણં દેવાણં સોલસવાસસહસ્સેહિં આહારદ્ધે સમુપ્પજ્જઙ્ગ, સંતેગઙ્ગા ભવ્વસિદ્ધિઆ જીવા જે સોલસહિં ભવગ્ગહણેહિં સિન્નિસ્સંતિ જાવ સવ્વદુક્ખાણમંતં કરિસ્સંતિ । ૧૬ । સત્તરસવિહે અસંજમે પં૦તં૦- પુઢવીકાયઅસંજમે આઠકાયઅસંજમે તેઠકાયઅસંજમે વાઠકાયઅસંજમે વણસ્સઙ્ગકાયઅસંજમે બેઙ્ગદિઅસંજમે તેઙ્ગદિઅસંજમે ચઠરિંદિઅસંજમે પંચિંદિઅસંજમે અજીવકાયઅસંજમે પેહાઅસંજમે ઉવેહાઅસંજમે અવહદ્દુઅસંજમે અપ્પમજ્જણાઅસંજમે મણઅસંજમે વઙ્ગઅસંજમે કાયઅસંજમે, સત્તરસવિહે સંજમે પં૦તં૦ -પુઢવીકાયસંજમે આઠકાયસંજમે તેઠકાયસંજમે વાઠકાયસંજમે વણસ્સઙ્ગકાયસંજમે બેઙ્ગદિઅસંજમે તેઙ્ગદિઅસંજમે ચઠરિંદિઅસંજમે પંચિંદિઅસંજમે અજીવકાયસંજમે પેહાસંજમે ઉવેહાસંજમે અવહદ્દુસંજમે પમજ્જણાસંજમે મણસંજમે વઙ્ગસંજમે કાયસંજમે, માણુસત્તરે ણં પવ્વાણ સત્તરસાઠ્ઠવીસે જોયણાણં ઉઙ્ગહંઉચ્ચત્તેણં પં૦, સવ્વેસિંપિ ણં વેલંધરઅણુ- વેલંધરણાગારાઈણં આવાસપવ્વયા સત્તરસાઠ્ઠવીસાઈ જોયણાઈ ઉઙ્ગહંઉચ્ચત્તેણં પં૦, લવણે ણં સમુદ્ધે સત્તરસ જોયણસહસ્સાઈ સવ્વગ્ગેણં પં૦, ઇમીસે ણં રયણપ્પમાણ પુઢવીણં બહુસમરમણિજ્ઞાઓ ભૂમિભાગાઓ સાતિરેગાઈ સત્તરસ જોયણસહસ્સાઈ ઉઙ્ગહં ઉપ્પતિત્તા તતો પચ્છા

चारणाणं तिरिआ गती पवत्तति, चमरस्स णं असुरिंदस्स तिगिंछिकूडे उप्पायपव्वए सत्तरस एकवीसाइं जोयणसयाइं उड्ढंउच्चत्तेणं पं०, वलिस्स णं असुरिंदस्स० रुअंगिदे उप्पायपव्वए सत्तरस एकवीसाइं जोयणसयाइं उड्ढंउच्चत्तेणं पं०, सत्तरसविहे मरणे पं०तं०-आवीईमरणे ओहिमरणे आयंतियमरणे वलायमरणे वसट्टमरणे अंतोसल्लमरणे तब्भवमरणे बालमरणे पंडितमरणे बालपंडितमरणे छउमत्थमरणे केवलिमरणं वेहाणसमरणे गिद्धपिट्टमरणे भत्तपच्चक्खाणमरणे इंगिणिमरणे पाओवगमणमरणे, सुहुमसंपराए णं भगवं सुहुमसंपरायभावे वट्टमाणे सत्तरस कम्मपगडीओ णिबंधति तं०-आभिणिबोहियणाणावरणे सुयणाणावरणे ओहिणाणावरणे मणपज्जवणाणावरणे केवलणाणावरणे चक्खुदंसणावरणे अचक्खुदंसणावरणे ओहीदंसणावरणे केवलदंसणावरणे सायावेयणिज्जं जसोकित्तिनामं उच्चागोयं दाणंतरायं लाभंतरायं भोगंतरायं उवभोगंतरायं वीरिअंतरायं, इमीसे णं रयणप्पभाए पुढवीए अत्थेगइआणं नेरइयाणं सत्तरस पलिओवमाइं ठिई पं०, पंचमीए पुढवीए अत्थेगइयाणं नेरइयाणं उक्कोसेणं सत्तरस सागरोवमाइं ठिई पं०, छट्ठीए पुढवीए जहण्णेणं सत्तरस सागरोवमाइं ठिई पं०, असुरकुमाराणं देवाणं अत्थेगइआणं सत्तरस पलिओवमाइं ठिई पं०, सोहम्मीसाणेसु कप्पेसु अत्थेगइआणं देवाणं सत्तरस पलिओवमाइं ठिई पं०, महासुक्के कप्पे देवाणं उक्कोसेणं सत्तरस सागरोवमाइं ठिई पं०, सहस्सारे कप्पे देवाणं जहण्णेणं सत्तरस सागरोवमाइं ठिई पं०. जे देवा सामाणं सुसामाणं महासामाणं पउमं महापउमं कुमुदं महाकुमुदं नलिणं महानलिणं पोंडरीअं महापोंडरीअं सुक्कं महासुक्कं सीहं सीहकंतं सीहबीअं भाविअं विमाणं देवत्ताए उववण्णा तेसिं णं देवाणं उक्कोसेणं

सत्तरस सागरोवमाइं ठिई पं०, ते णं देवा सत्तरसहिं अब्दमासेहिं आणमंति वा ४, तेसिं णं देवाणं सत्तरसहिं वाससहस्सेहिं आहारडे समुप्पज्जइ, संतेगइया भवसिद्धिआ जीवा जे सत्तरसहिं भवग्गहणेहिं सिज्झिस्संति जाव सव्वदुक्खाणमंतं करिस्संति । १७ । अट्टारसविहे बंधे पंतं० -ओरालिए कामभोगे णेव सयं मणेणं सेवइ नोऽवि अण्णं मणेणं सेवावेइ मणेणं सेवंतंपि अण्णं न समणुजाणइ आरोलिए कामभोगे णेव सयं वायाए सेवइ नोऽवि अण्णं वायाए सेवावेइ वायाए सेवंतंपि अण्णं न समणुजाणइ ओरालिए कामभोगे णेव सयं कायेणं सेवइ णोऽवि यऽण्णं काएणं सेवावेइ काएणं सेवंतंपि अण्णं न समणुजाणाइ, दिव्वे कामभोगे णेव सयं मणेणं सेवइ तह चेव नव आलावगा, अरहतो णं अरिट्ठनेमिस्स अट्टारस समणसाहस्सीओ उक्कोसिया समणसंपया होत्था, समणेणं भगवया महावीरेणं समणाणं णिग्गंथाणं सखुड्डयविअत्ताणं अट्टारस ठाणा पंतं० -वयछक्कं कायछक्कं अकप्पो गिहिभायणं । पलियंक्क निसिज्जा य, सिणाणं सोभवज्जणं ॥ १६ ॥ आचारस्स णं भगवतो सचूलिआगस्स अट्टारस पयसहस्साइं पयगेणं पं०, बंधीए णं लिवीए अट्टारसविहे लेखविहाणे पंतं० -बंधी जवणालिया दोसाऊरिआ खरोट्ठिआ खरसाविआ पहाराइया उच्चतरिआ अक्खरपुट्टिया भोगवयता वेणतिया णिण्हइया अंकलिवि (गणिअलिवी×) गंधव्वलिवी भूयलिवि आदंसलिवी भाहेसरीलिवी दामिलीलिवी बोलिंदिलिवी, अत्थिनत्थिप्पवायस्स णं पुव्वस्स अट्टारस वत्थू पं०, धूमप्पभाए णं पुढवीए अट्टारसुत्तरं जोयणसयसहस्सं बाहल्लेणं पं०, पोसासाढेसु णं मासेसु सइ उक्कोसेणं अट्टारसमुहुत्ते दिवसे भवइ सइ उक्कोसेणं अट्टारसमुहुत्ता राती भवइ, इमीसे णं रयणप्पभाए पुढवीए

અત્યેગઙ્યાણં નેરઙ્યાણં અદ્ધારસ પલિયોવમાઙ્ઠં ઠિઈ પં૦, છટ્ટીએ પુઢવીએ અત્યેગ૦ ણેરઙ્યાણં અદ્ધારસસાગ૦ પં૦, અસુરકુમારાણં દેવાણં
 અત્યેગઙ્યાણં અદ્ધારસ પલિઓવમાઙ્ઠં ઠિઈ પં૦, સોહમ્મીસાણેસુ કપ્પેસુ અત્યેગઙ્યાણં દેવાણં અદ્ધારસ પલિઓવમાઙ્ઠં ઠિઈ પં૦, સહસ્સારે
 કપ્પે દેવાણં ઉક્કોસેણં અદ્ધારસ સાગરોવમાઙ્ઠં ઠિઈ પં૦, આણે કપ્પે દેવાણં અત્યેગઙ્યાણં જહણ્ણેણં અદ્ધારસ સાગરોવમાઙ્ઠં ઠિઈ પં૦, જે
 દેવા કાલં સુકાલં મહાકાલં અંજણં રિઢ્ઢં સાલં સમાણં દુમં મહાદુમં વિસાલં સુસાલં પઝમં પઝમગુમ્મં કુમુદં કુમુદગુમ્મં નલિણં
 નલિણગુમ્મં પુંડરીઅં પુંડરીયગુસ્સં સહસ્સારવડિંસગં વિમાણં દેવત્તાએ ઉવવણ્ણા તેસિં ણં દેવાણં અદ્ધારસ સાગરોવમાઙ્ઠં ઠિઈ પં૦, તે ણં
 દેવાણં અદ્ધારસેહિં અદ્ધમાસેહિં આણમંતિ વા ૪, તેસિં ણં દેવાણં અદ્ધારસવાસસહસ્સેહિં આહારટ્ટે સમુપ્પજ્જહ, સંતેગઙ્ઘા ભવસિદ્ધિયા
 જીવા જે અદ્ધારસહિં ભવગ્ગહણેહિં સિઙ્ગિસ્સંતિ જાવ સવ્વદુક્ખાણમંતં કરિસ્સિંતિ । ૧૮ । એગૂણવીસં ણાયજ્ઞયણા પં૦તં - ઉવિવત્તણાએ
 સંધાડે, અંડે કુમ્પે અ સેલએ । તુંબે અ રોહિણી મલ્લી, માગંદી ચંદિમાતિ અ ॥ ૧૭ ॥ દાવદવે ઉદગણાએ, મંડુકે તેત્તલી ઇઅ । નંદિફલે
 અવરકંકા, આઙ્ગણે સુંસમા ઇઅ ॥ ૧૮ ॥ અવરે અ પોણ્ડરીએ, ણાએ એગૂણવીસમે । જંબુદ્ધીવે ણં દીવે સૂરિઆ ઉક્કોસેણં એગૂણવીસ
 જોયણસયાઙ્ઠં ઉદ્ધમહો તવયંતિ, સુક્કેણં મહગ્ગહે અવરેણં ઉદિએ સમાણે એગૂણવીસં નવ્વત્તાઙ્ઠં સમે ચારં ચરિત્તા અવરેણં અત્થમણં
 ઉવાગચ્છહ, જંબુદ્ધીવસ્સ ણં દીવસ્સ કલાઓ એગૂણવીસં છેઅણાઓ પં૦, એગૂણવીસં તિત્થયરા અગારવાસમજ્ઞે (પ્ર૦જ્ઞા) વસિત્તા મુંડે
 ભવિત્તા ણં આગારાઓ અણગારિઅં પવ્વહા, ઇમીસે ણં રયણપ્પભાએ પુઢવીએ અત્યેગઙ્યાણં નેરઙ્યાણં એગૂણવીસં પલિઓવમાઙ્ઠં ઠિઈ

॥ શ્રીસમવાયાઙ્ઠ સૂત્ર ॥

૨૪

પૂ. સાગરજી મ. સંશોધિત

પં૦, છટ્ટીએ પુઢવીએ અત્થેગઢઆણં નેરઢણાણં એગૂણવીસસાગરોવમાઢં ઠિઢં પં૦, અસુરકુમારાણં દેવાણં અત્થેગઢઆણં એગૂણવીસપલિઓવમાઢં
 ઠિઢં પં૦, સોહમ્મીસાણેસુ કપ્પેસુ અત્થેગઢયાણં દેવાણં એગૂણવીસં પલિઓવમાઢં ઠિઢં પં૦, આણયકપ્પે દેવાણં ઉક્કોસેણં
 એગૂણવીસસાગરોવમાઢં ઠિઢં પં૦, પાણએ કપ્પે દેવાણં જહણ્ણેણં એગૂણવીસસાગરોવમાઢં ઠિઢં પં૦, જે દેવા આણતં પાણતં ણતં વિણતં
 ઘણં સુસિરં ઇંદં ઇંદોકંતં ઇંદુત્તરવડિંસગં વિમાણં દેવત્તાએ ઉવવણ્ણા તેસિં ણં દેવાણં ઉક્કોસેણં એગૂણવીસસાગરોવમાઢં ઠિઢં પં૦, તે ણં
 દેવા એગૂણવીસાએ અઢ્ઢમાસાણં આણમંતિ વા ૪, તેસિં ણં દેવાણં એગૂણવીસાએ વાસસહસ્સેહિં આહારઢે સમુપ્પજ્ઢ, સંતેગઢઆ ભવસિઢ્ઢિયા
 જીવા જે એગૂણવીસાએ ભવગ્ગહણેહિં સિજ્ઢિસસંતિ જાવ સવ્વદુક્ખાણમંતં કરિસસંતિ । ૧૧ । વીસં અસમાહિઠાણા પં૦તં - દવદવચારી
 યાવિ ભવઢ અપમજ્જિયચારી આવિ ભવઢ દુપ્પમજ્જિયચારી. આવિ ભવઢ અતિરિત્તસેજાસણિએ રાતિણિઅપરિભાસી થેરોવઘાઢિએ ભૂઓવઘાઢિએ
 સંજલણકોહણે પિઢ્ઢિમંસિએ અભિક્ખણં ૨ ઓહારઢત્તા ભવઢ ણવાણં અધિકરણાણં અણુપ્પણાણં ઉપ્પાએત્તા ભવઢ પોરાણાણં અધિકરણાણં
 ય્વામિઅવિઉસવિઆણં પુણોદીરેત્તા ભવઢ સસરક્ખપાણિપાએ અકાલસજ્ઢાયકારાએ યાવિ ભવઢ કલ્લહકરે મઢ્ઢકરે ઇંઢ્ઢકરે સૂરપ્પમાણભોઢં
 એસણાઽસમિત આવિ ભવઢ, મુણિસુવ્વએ ણં અરહા વીસં ધણૂંં ઉઢ્ઢંઉચ્ચત્તેણં હોત્થા, સવ્વેઽવિઅ ણં ઘણોદહી વીસં જોયણસહસ્સાઢં
 બાહલ્લેણં પં૦, પાણયસ્સ ણં દેવિંદસ્સ દેવરણ્ણો વીસં સામાણિઅસાહસ્સીઓ પં૦, ણપુંસયવેયણિજ્જસ્સ ણં કમ્મસ્સ વીસં
 સાગરોવમકોઢાકોઢીઓ બંધઠિઢં પં૦, પચ્ચક્ખાણસ્સ ણં પુવ્વસ્સ વીસં વત્થૂ પં૦, ઉસસપ્પિણિઓસપ્પિણિમંડલે વીસં સાગરોવમકોઢા-

કોડીઓ કાલો પં૦, ઇમીસે ણં રયણપ્પભાણે પુઢવીએ અત્થેગઙ્ગયાણં નેરઙ્ગયાણં વીસં પલિઓવમાઙ્ગં ઠિઈ પં૦, છટ્ટીએ પુઢવીએ અત્થેગઙ્ગયાણં નેરઙ્ગયાણં વીસં સાગરોવમાઙ્ગં ઠિઈ પં૦, અસુરકુમારાણં દેવાણં અત્થેગઙ્ગયાણં વીસં પલિઓવમાઙ્ગં ઠિઈ પં૦, સોહમ્મીસાણેસુ કપ્પેસુ અત્થેગઙ્ગયાણં દેવાણં વીસં પલિઓવમાઙ્ગં ઠિઈ પં૦, પાણતે કપ્પે દેવાણં ઉક્કોસેણં વીસં સાગરોવમાઙ્ગં ઠિઈ પં૦, આરણે કપ્પે દેવાણં જહણ્ણેણં વીસં સાગરોવમાઙ્ગં ઠિઈ પં૦, જે દેવા સાયં વિસાયં સુવિસાયં સિદ્ધત્થં ઉપ્પલં ભિત્તિલં તિગિચ્છં દિસાસોવત્થિયં વદ્ધમાણયં પલંબં રુઙ્ગલં પુપ્ફં સુપુપ્ફં પુપ્ફાવત્તં પુપ્ફપમ્મં પુપ્ફકંતં પુપ્ફકડં પુપ્ફવણ્ણં પુપ્ફલેસં પુપ્ફઙ્ગયં પુપ્ફસિંગં પુપ્પસિદ્ધં(પ્ર૦ટ્ટં) પુપ્પુત્તરવડિંસગં વિમાણ દેવત્તાએ ઉવવણ્ણા તેસિં ણં દેવાણં ઉક્કોસેણં વીસં સાગરોવમાઙ્ગં ઠિઈ પં૦, તે ણં દેવા વીસાએ અદ્ધમાસાણં આણમંતિ વા ૪, તેસિં ણં દેવાણં વીસાએ વાસસહસ્સેહિં આહારદ્વે સમુપ્પજ્જઇ, સંતેગઙ્ગઆ ભવસિદ્ધિઆ જીવા જે વીસાએ ભવગ્ગહણેહિં સિઙ્ગિસંસંતિ જાવ સવ્વદુક્ખાણમંતં કરિસંસંતિ । ૨૦ । એકવીસં સબલા પં૦તં૦ -હત્થકમ્મં કરેમાણે સબલે મેહુણં પડિસેવમાણે સબલે રાઙ્ગભોઅણં ભુંજમાણે સબલે આહાકમ્મં ભુંજમાણે સબલે સાગારિયં પિંડં ભુંજમાણે સબલે ઉદ્દેસિયં કીયં (આહટ્ટુ દિજ્જમાણં ભુંજમાણે સબલે અભિવ્વણં પડિયાઙ્ગવેત્તાણં ભુંજમાણે સબલે અંતો છળહં માસાણં ગણાઓ ગણં સંકમમાણે સબલે અંતો માસસ્સ તઓ દગલેવે કરેમાણે સબલે અંતો માસસ્સ તઓ માઙ્ગઠાણે સેવમાણે સબલે રાયપિંડં ભુંજમાણે સબલે આઙ્ગિઆએ પાણાઙ્ગવાયં કરેમાણે સબલે આઙ્ગિઆએ મુસાવાયં વદમાણે સબલે આઙ્ગિઆએ અદિણ્ણાદાણં ગિણ્ણમાણે સબલે આઙ્ગિઆએ અણંતરહિયાએ પુઢવીએ ઠાણં વા

॥ શ્રીસમવાયાઙ્ગ સૂત્રં ॥

૨૬

પૂ. સાગરજી મ. સંશોધિત

निसीहियं वा चेतेमाणे सबले एवं आउट्टिआए चित्तमंताए सिलाए कोलावासंसि वा दारुए ठाणं वा सिज्जं वा निसीहियं वा चेतेमाणे
 सबले जीवपड्डिए सपाणे सबीए सहरिए सउत्तिङ्गपणगदगमट्टीमक्कडासंताणए तहप्पगारे ठाणं वा सिज्जं वा निसीहियं वा चेतेमाणे
 सबले आउट्टिआए मूलभोअणं वा कंदभोअणं वा तयाभोयणं वा पवालभोयणं वा पुप्फभोयणं वा फलभोयणं वा हरियभोयणं वा
 भुंजमाणे सबले अंतो संवच्छरस्स दस दगलेवे करेमाणे सबले अंतो संवच्छरस्स दस माइठाणाइं सेवमाणे सबले० ×) अभिक्खणं २
 सीतोदयवियडवग्धारियपाणिणा असणं वा पाणं वा खाइमं वा साइमं वा पडिगाहिता भुंजमाणे सबले, णिअट्टिबादरस्स णं
 खवितसत्तयस्स मोहणिज्जस्स कम्मस्स एक्कवीसं कम्मंसा संतकम्मा पंतं० -अपच्चक्खाणकसाए कोहे अपच्चक्खाणकसाए माणे
 अपच्चक्खाणकसाया माया अपच्चक्खाणकसाए लोभे पच्चक्खाणावरणकसाए कोहे पच्चक्खाणावरणकसाए माणे
 पच्चक्खाणावरणकसाया माया पच्चक्खाणावरणकसाए लोभे संजलणे कोहे ४ इत्थिवेदे पुंवेदे णपुंवेदे हासे अरति रति भय सोग
 दुगुंछा, एक्कमेक्काए णं ओसप्पिणीए पंचमच्छट्ठाओ समाओ एक्कवीसं एक्कवीसं वाससहस्साइं कालेणं पंतं० -दूसमा दूसमदूसमा
 एगमेगाए णं उस्सप्पिणीए पढमबित्तिआओ समाओ एक्कवीसं एक्कवीसं वाससहस्साइं कालेणं पंतं० -दूसमदूसमाए दूसमाए य,
 इमीसे णं रयणप्पभाए पुढवीए अत्थेगइयाणं नेरइयाणं एक्कवीसं पलिओवमाइं ठिई पं०, छट्ठीए पुढवीए अत्थेगइयाणं नेरइयाणं
 एक्कवीसं सागरोवमाइं ठिई पं०, असुरकुमाराणं देवाणं अत्थेगइयाणं एगवीसपलिओवमाइं ठिई पं०, सोहम्मीसाणेसु कप्पेसु अत्थेगइयाणं

देवाणं एक्कवीसं पलिओवमाइं ठिई पं०, आरणे कप्पे देवाणं उक्कोसेणं एक्कवीसं सागरोवमाइं ठिई पं०, अच्युतकप्पे देवाणं जहणणेणं एक्कवीसं सागरोवमाइं ठिई पं०, जे देवा सिरिवच्छं सिरिदामकंडं मल्लं किट्टं चावोण्णतं अरण्ण (प्र०आरण) वडिंसगं विमाणं देवत्ताए उववण्णा तेसिं णं देवाणं एक्कवीसं सागरोवमाइं ठिई पं०, ते णं देवा एक्कवीसाए अब्भमासाणं आणमंति वा ४, तेसिं णं देवा एक्कवीसाए वाससहस्सेहिं आहारट्ठे समुप्पज्जइ, संतेगइया भवसिद्धिआ जीवा जे एक्कवीसाए भवग्गहणेहिं सिञ्जिस्संति जाव सव्वदुक्खाणमंतं करिस्संति । २१ । बावीसं परीसहा पं०तं० - दिगिंछापरीसहे पिवासापरीसहे सीतपरीसहे उसिणपरीसहे दंसमसगपरीसहे अचेलपरीसहे अरइपरीसहे इत्थीपरिसहे चरिआपरीसहे निसीहियापरीसहे सिज्जापरीसहे अक्कोसपरीसहे वहपरीसहे जायणापरीसहे अत्ताभपरीसहे रोगपरीसहे तण्णाफासपरीसहे जल्लपरीसहे सक्कारपुरक्कारपरीसहे पण्णापरीसहे णा(अण्णा पा०)णपरीसहे दंसणपरीसहे, दिट्ठिवायस्स णं बावीसं सुत्ताइं छिन्नच्छेयणइयाइं ससमयसुत्तपरिवाडीए बावीसं सुत्ताइं अच्छिन्नच्छेयणइयाइं आजीवियसुत्तपरिवाडीए बावीसं सुत्ताइं तिकणइयाइं तेरासिअसुत्तपरिवाडीए बावीसं सुत्ताइं चउक्कणइयाइं समयसुत्तपरिवाडिए, बावीसविहे पोग्गलपरिणामे पं०तं० - कालवण्णपरिमाणे नील० लोहिय० हालिद० सुक्किल्ल० सुब्भिग्गंधपरिणामे दुब्भिग्गंधपरिणामे तित्तरसपरिणामे० (एवं पंचवि रसा) कक्खडफासपरिणामे मउय० गुरु० लहु० सीत० उसिण० णिद्ध० लुक्ख० अगुरुलहुफासपरिणामे गुरुलहुफासपरिणामे, इमीसे णं रयणप्पभाए पुढवीए अत्थेगइयाणं नेरइयाणं बावीसं पलिओवमाइं ठिई पं०, छट्ठीए पुढवीए उक्कोसेणं बावीसं सागरोवमाइं

ठिई पं०, अहेसत्तमाए पुढवीए नेरइयाणं जहण्णेणं बावीसं सागरोवमाइं ठिई पं०, असुरकुमाराणं देवाणं अत्थेगइयाणं बावीसं
 पलिओवमाइं ठिई पं०, सोहम्मीसाणेसु कप्पेसु अत्थेगइयाणं देवाणं बावीसं पलिओवमाइं ठिई पं०, अच्युते कप्पे उक्कोसेणं देवाणं
 बावीसं सागरोवमाइं ठिई पं०, हेट्ठिमहेट्ठिमगेवेज्जगाणं देवाणं जहण्णेणं बावीसं सागरोवमाइं ठिई पं०, जे देवा महियं विसूहियं विमलं
 पभासं वणमालं अच्युतवडिंसगं विमाणं देवत्ताए उववण्णा तेसिं णं देवाणं उक्कोसेणं बावीसं सागरोवमाइं ठिई पं०, ते णं देवा
 बावीसाए अद्धमासएहिं आणमंति वा ४, तेसिं णं देवाणं बावीसवाससहस्सेहिं आहारट्ठे समुप्पज्जइ, संतेगइया भवसिद्धिआ जीवा जे
 बावीसभवग्गहणेहिं सिञ्जिस्संति० । २२ । तेवीसं सुयगडज्झयणा पं०, तं० -समए वेतालिए उवसग्गपरिण्णा शीपरिण्णा नरयविभत्ती
 महावीरथुई कुसीलपरिभासिए वीरिए धम्मए समाही मग्गे समोसरणे आहतहिए गंथे जमइए गाथा पुंडरीए किरियाठाणा आहारपरिण्णा
 अपच्चक्खाणकिरिआ अणगारसुयं अहइज्जं णालंदइज्जं, जंबुद्दीवे णं दीवे भारहे वासे इमीसे णं ओसप्पिणीए तेवीसाए जिणाणं
 सुरुग्गमणमुहुत्तंसि केवलवरणाणदंसणे समुप्पण्णे, जंबुद्दीवे णं दीवे इमीसे णं ओसप्पिणीए तेवीसं तित्थकरा पुव्वभवे एक्कारसंगिणो
 होत्था तं० -अजिते संभवे अभिणंदणे सुमई जाव पासो वद्धमाणो य, उसभे णं अरहा कोसलिए चोदसपुव्वी होत्था, जंबुद्दीवे णं दीवे
 इमीसे ओसप्पिणीए तेवीसं तित्थकरा पुव्वभवे मंडलियरायाणो होत्था पं० -अजिते संभवे अभिणंदणे जाव पासो वद्धमाणो य० उसभे
 णं अरहा कोसलिए पुव्वभवे चक्कवट्ठी होत्था, इमीसे णं रयणप्पभाए पुढवीए अत्थेगइयाणं नेरइयाणं तेवीसं पलिओवमाइं ठिई पं०,

अहेसत्तमाए णं पुढवीए अत्थेगइयाणं नेरइयाणं तेवीसं सागरोवमाइं ठिई पं०, असुरकुमाराणं देवाणं अत्थेगइयाणं तेवीसं पलिओवमाइं ठिई पं०, सोहम्भीसाणाणं देवाणं अत्थेगइयाणं तेवीसं पलिओवमाइं ठिई पं०, हेट्टिममज्झिमगेविजाणं देवाणं जहण्णेणं तेवीसं सागरोवमाइं ठिई पं० जे देवा हेट्टिमर गेवेज्जयविमाणेसु देवत्ताए उववण्णा तेसिं णं देवाणं उक्कोसेणं तेवीसं सागरोवमाइं ठिई पं०, ते णं देवा तेवीसाए अद्धमासाणं आणमंति वा ४, तेसिं णं देवाणं तेवीसाए वाससहस्सेहिं आहारट्टे समुप्पज्जइ, संतेगइआ भवसिद्धिया जीवा जे तेवीसाए भवगहणेहिं सिज्झिस्संति० । २३ । चउवीसं देवाहिदेवा पं०तं० -उसभअजित (संभवअभिणंदणसुमइपउमप्पहसुपासचंदप्पहसुविधिसीअलसिज्जंसवासुपुज्जविमलअणंतधम्मसंतिकुंश्रुंअरमल्लीमुणिसुव्वयन भिनेभीपासवद्धमाणा जाव वद्धमाणां) चुल्लहिमवंतसिहरीणं वासहरपव्वयाणं जीवाओ चउव्वीसं चउव्वीसं जोयणसहस्साइं णववत्तीसे जोयणसए एगं अट्टत्तीसइभागं जोयणस्स किंचिविसेसाहिआओ आयामेणं पं०, चउवीसं देवठाणा सइंदया पं० सेसा अहमिंदा अनिंदा अपुरोहिआ, उत्तरादण्णाणं णं सूरिणं चउवीसंगुलियं पोरिसीच्छायं णिव्वत्तइत्ताणं णिअट्टति, गंगासिंधूओ णं महाणदीओ पवाहे सातिरेगेणं चउवीसं कोसे वित्थारेणं पं०, रत्तारत्तवतीओणं महाणदीओ पवाहे सातिरेगे चउवीसं कोसे वित्थारेणं पं०, इमीसे णं रयणप्पभाए पुढवीए अत्थे० चउवीसं पलिओवमाइं० अहेसत्तमाए पुढवीए अत्थेगइयाणं नेरइयाणं चउवीसं सागरोवमाइं ठिई पं०, असुरकुमाराणं देवाणं अत्थेगइयाणं चउवीसं पलिओवमाइं ठिई पं०, सोहम्भीसाणे णं देवाणं अत्थेगइयाणं चउवीसं पलिओवमाइं ठिई पं०, हेट्टिमउवरिमगेवेजाणं देवाणं जहण्णेणं चउवीसं

सागरोवमाइं ठिई पं०, जे देवा हेट्टिममज्झिमगेवेज्जयविमाणेसु देवत्ताए उववण्णा तेसिं णं देवाणं उक्कोसेणं चउवीसं सागरोवमाइं ठिई पं०, ते णं देवा चउवीसाए अद्धमासाणं आणमंति वा० तेसिं णं देवाणं चउवीसाए वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे चउवीसाए भवग्गहणेहिं सिज्झिस्संति० । २४ । पुरिमपच्छिमगाणं तित्थगराणं पंचजामस्स पणवीसं भावणाओ पं०तं० -ईरिआसभिई मणगुत्ती वयगुत्ती आलोयभायणभोयणं आदाणभंडमत्त निक्खेवणासभिई ५ अणुवीतिभासणया कोहविवेगे लोभविवेगे भयविवेगे हासविवेगे ५ उग्गहअणुणवणया उग्गहसीमजाणणया सयमेव उग्गहं अणुगिणहणया साहम्मियउग्गहं अणुणविय परिभुंजणया साहारणभत्तपाणं अणुणविय पडिभुंजणया ५ इत्थीपसुपंडगसंसत्तगसयणासणवज्जणया इत्थीकहविवज्जणया इत्थीणं इंदियाणमालोयणवज्जणया पुव्वरयपुव्वकीलिआणं अणणुसरणया पणीताहारविवज्जणया ५ सोइंदियरागोवरई (चक्खिंदियरागोवरई घाणिंदियरागोवरई जिब्भिंदियरागोवरई फासिंदियरागोवरई × एवं सव्वे इंदिया पा०) ५, मल्ली णं अरहा पणवीसं धणु उड्ढंउच्चत्तेणं होत्था, सव्वेऽवि दीहवेयड्ढपव्वया पणवीसं जोयणाणि उड्ढंउच्चत्तेणं पं० पणवीसं पणवीसं गाऊआणि उव्विद्धेणं पं०, दोच्याए णं पुढवीए पणवीसं णिरयावाससयसहस्सा पं०, आयारस्स णं भगवओ सचूलिआयस्स पणवीसं अज्झयणा पं०तं० -सत्थपरिण्णा लोगविजओ सीओसणीअ सम्भत्तं । आवंति धुय विमोहं उवहाणसुयं महपरिण्णा ॥ १९ ॥ पिंडेसण सिज्जिरिआ भासज्झयणा य वत्थ पाएसो । उग्गहपडिमा सत्तिक्कसत्तया भावण विमुत्ती ॥ २० ॥ निसीहज्झयणं पणवीसइमं, भिच्छादिट्ठिविगलिंदिए णं अपज्जत्तए णं

॥ श्रीसमवायाइ सूत्रं ॥

३१

पू. सागरजी म. संशोधित

संकलिङ्गपरिणामे णामस्स कम्मस्स पणवीसं उत्तरपयडीओ णिबन्धति-तिरियगतिनामं विगल्लिंदियजातिनामं ओरालिअसरीरणामं
 तेअगसरीरणामं कम्मसरीरणामं हुंडगसंठाणनामं ओरालिअसरीरणोवगणामं छेवट्टसंघयणनामं वण्णनामं गंधणामं रसणामं फासणामं
 तिरिआणुपुव्विनामं अगुरुलहुनामं उवघायनामं तसनामं बादरणामं अपज्जत्तयणामं पत्तेयसरीरणामं अथिरणामं असुभणामं दुभगणामं
 अणादेज्जनामं अजसोकित्तिनामं निम्माणनामं, गंगासिंधूओ णं महाणदीओ पणवीसं गाऊयाणि पुहुत्तेणं दुहओ घडमुहपवित्तिएणं
 मुत्तावलिहारसंठिएणं पवातेणं पडंति, रत्तारत्तवईओ णं महाणदीओ पणवीसं गाऊयाणि पुहुत्तेणं मकरमुहपवित्तिएणं मुत्तावलिहारसंठिएणं
 पवातेणं पडंति, लोग्गिंदुसारस्स णं पुव्वस्स पणवीसं वत्थू पं०, इमीसे णं रयणप्पभाए पुढवीए अत्थेगइयाणं नेरइयाणं पणवीसं
 पलिओवमाइं ठिई पं०, अहेसत्तमाए पुढवीए अत्थेगइआणं नेरइयाणं पणवीसं सागरोवमाइं ठिई पं०, असुरकुमाराणं देवाणं अत्थेगइयाणं
 पणवीसं पलिओवमाइं ठिई पं०, सोहम्मीसाणे णं देवाणं अत्थेगइआणं पणवीसं पलिओवमाइं ठिई पं०, मज्झिमहेट्ठिमगेवेज्जाणं
 देवाणं-जहण्णेणं पणवीसं सागरोवमाइं ठिई पं०, जे देवा हेट्ठिमउवरिमगेवेज्जगविमाणेसु देवत्ताए उववण्णा तेसिं णं देवाणं उक्कोसेणं
 पणवीसं सागरोवमाइं ठिई पं०, ते णं देवा पणवीसाए उद्धमासेहिं आणमंति वा ४, तेसिं णं देवाणं पणवीसं वाससहस्सेहिं आहारट्ठे
 समुप्पज्जइ, संतेगइया भवसिद्धिया जीवा जे पणवीसाए भवग्गहणेहिं सिज्झिस्संति० । २५ । छव्वीसं दसकप्पववहाराणं उद्देसणकाला
 पं०तं० -दस दसाणं छ कप्पस्स दस ववहारस्स, अभवसिद्धियाणं जीवाणं मोहणिज्जस्स कम्मस्स छव्वीसं कम्मसा संतकम्मा पं०तं०-

॥ श्रीसमवायाङ्ग सूत्रं ॥

३२

पू. सागरजी म. संशोधित

भिच्छत्तमोहणिज्जं सोलस कसाया इत्थीवेदे पुरिसवेदे नपुंसकवेदे हासं अरति रति भयं सोगं दुगुंछ, इमीसे णं रयणप्पभाए पुढवीए
 अत्थेगइयाणं नेरइआणं छव्वीसं पलिओवमाइं ठिई पं०, अहेसत्तभाए पुढवीए अत्थेगइयाणं नेरइयाणं छव्वीसं सागरोवमाइं ठिई पं०,
 असुरकुमाराणं देवाणं अत्थेगइयाणं छव्वीसं पलिओवमाइं ठिई पं०, सोहम्मीसाणे णं देवाणं अत्थेगइआणं छव्वीसं पलिओवमाइं ठिई
 पं०, मज्झिममज्झिमगेवेज्जयाणं देवाणं जहण्णेणं छव्वीसं सागरोवमाइं ठिई पं०, जे देवा मज्झिमहेट्ठिमगेवेज्जयविमाणेसु देवत्ताए
 उववण्णा तेसिं णं देवाणं उक्कोसेणं छव्वीसं सागरोवमाइं ठिई पं०, ते णं देवा छव्वीसाए अब्भमासेहिं आणमंति वा ४, तेसिं णं देवाणं
 छव्वीसं वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे छव्वीसेहिं भवग्गहणेहिं सिज्झिस्संति जाव सव्वदुक्खाणमंतं
 करिस्संति । २६ । सत्तावीसं अणगारगुणा पं०तं० -पाणाइवायाओ वेरमणं मुसावायाओ वेरमणं अदिन्नादाणाओ वेरमणं मेहुणाओ
 वेरमणं परिग्गहाओ वेरमणं सोइंदियनिग्गहे चक्खिंदियनिग्गहे घाणिंदियनिग्गहे जिब्भिंदियनिग्गहे फासिंदियनिग्गहे कोहविवेगे माणविवेगे
 मायाविवेगे लोभविवेगे भावसच्चे करणसच्चे जोगसच्चे खमा विरागया मणसमा(समन्ना पा०)हरणया वयसमाहरणया कायसमाहरणया
 णाणसंपण्णया दंसणसंपण्णया चरित्तसंपण्णया वेयणअहियासणया मारणंतियअहियासणया, जंबुद्दीवे दीवे अभिइवज्जेहिं सत्तावीसाए
 णक्खत्तेहिं संववहारे वट्ठति, एगमेगे णं णक्खत्तमासे सत्तावीसाहिं राइंदियग्गेणं पं०, सोहम्मीसाणेसु कप्पेसु विमाणपुढवी सत्तावीसं
 जोयणसयाइं बाहल्लेणं पं०, वेयगसम्भत्तबन्धोवरयस्स णं मोहणिज्जस्स कम्भस्स सत्तावीसं उत्तरपगडीओ संतकम्भंसा पं०,

॥ श्रीसमवायाङ्ग सूत्रं ॥

३३

पू. सागरजी म. संशोधित

सावणसुद्धसत्तमीसु णं सूरिए सत्तावीसंगुलियं पोरिसिच्छायं णिव्वत्तइत्ताणं दिवसखेत्तं नियट्टेमाणे रयणिखेत्तं अभिणिवट्टमाणे चारं
 चरइ, इमीसे णं रयणप्पभाए पुढवीए अत्थेगइयाणं नेरइयाणं सत्तावीसं पलिओवमाइं ठिई पं०, अहेसत्तमाए पुढवीए अत्थेगइयाणं
 नेरइयाणं सत्तावीसं सागरोवमाइं ठिई पं० असुरकुमाराणं देवाणं अत्थेगइयाणं सत्तावीसं पलिओवमाइं ठिई पं०, सोहम्भीसाणेसु
 कप्पेसु अत्थेगइयाणं देवाणं सत्तावीसं पलिओवमाइं ठिई पं०, मज्झिमउवरिमगेवेज्जयाणं देवाणं जहण्णेणं सत्तावीसं सागरोवमाइं
 ठिई पं०, जे देवा मज्झिमगेवेज्जयविमाणेसु देवत्ताए उववण्णा तेसिं णं देवाणं उक्कोसेणं सत्तावीसं सागरोवमाइं ठिई पं०, ते णं देवा
 सत्तावीसाए अद्धमासेहिं आणमंति वा०, तेसिं णं देवाणं सत्तावीसवाससहस्सेहिं आहारट्टे समुप्पज्जइ, संतेगइया भवसिद्धिया जीवा जे
 सत्तावीसाए भवग्गहणेहिं सिज्झिस्संति० । २७ । अट्ठावीसविहे आचारपकप्पे पं०तं० - मासिआ आरोवणा सपंचराइमासिया आरोवणा
 सदसराइमासिआ आरोवणा सपंचदस० सवीस० सपचवीस० एव० चेव दोमासिआ आरोवणा सपंचराइदोमासिया आरोवणा० एवं
 तिमासिआ आरोवणा० चउमासिया आरोवणा० उग्घाइया आरोवणा अणुग्घाइया आरोवणा कसिणा आरोवणा अकसिणा आरोवणा,
 एतावताव आचारपकप्पे एतावताव आयरियव्वे, भवसिद्धियाणं जीवाणं अत्थेगइयाणं मोहणिज्जस्स कम्मस्स अट्ठावीसं कम्मंसा
 संतकम्मा पं०तं०- सम्भत्तवेअणिज्जं मिच्छत्तवेयणिज्जं सम्भमिच्छत्तवेयणिज्जं सोलस कसाया णवणोकसाया, आभिणिबोहियणाणे
 अट्ठावीसइविहे पं०तं० सोइंदियअत्थावग्गहे चक्खिंदियअत्थावग्गहे घाणिंदियअत्थावग्गहे जिब्भिंदियअत्थावग्गहे फासिंदियअत्थावग्गहे

णोइंदियअत्थावग्गहे, सोइंदियवंजणोग्गहे घाणिंदियवंजणोग्गहे जिब्भंदियवंजणोग्गहे फासिंदियवंजणोग्गहे सोतिंदियईहा चक्खिंदियईहा
 घाणिंदियईहा जिब्भंदियईहा फासिंदियईहा णोइंदियईहा सोतिंदियावाए चक्खिंदियावाए घाणिंदियावाए जिब्भंदियावाए फासिंदियावाए
 णोइंदियावाए सोइंदिअधारणा चक्खिंदियधारणा घाणिंदियधारणा जिब्भंदियधारणा फासिंदियधारणा णोइंदियधारणा, ईसाणे णं
 कप्पे अट्ठावीसं विमाणावाससयसहस्सा पं०, जीवे णं देवगइम्मि बंधमाणे नामस्स, कम्मस्स अट्ठावीसं उत्तरपगडीओ णिबंध्यति, तं०-
 देवगतिनामं पंचिंदियजातिनामं वेउब्बियसरीरनामं तेयगसरीरनामं कम्मणसरीरनामं समचउरंससंठाणणामं वेउब्बियसरीरंगोवंगणामं
 वण्णणामं गंधणामं रसणामं फासनामं देवाणुपुब्बिणामं अगुरुलहुनामं उवघायनामं पराघायनामं उस्सासनामं पसत्थविहायोगइणामं
 तसनामं बायरणामं पज्जत्तनामं पत्तेयसरीरनामं थिराथिराणं सुभासुभाणं आएज्जाणाएज्जाणं दोण्हं अण्णायरं एगं नामं णिबंध्य
 जसोकित्तिनामं निम्माणनामं, एवं चेव नेरइआवि, णाणत्तं अप्पसत्थविहायोगइणामं हुंडगसंठाणणामं अथिरणामं दुब्भगणामं असुभनामं
 दुस्सरनामं अणादिज्जणामं अजसोकित्तीणामं निम्माणनामं, इमीसे णं रयणप्पभाए पुढवीए अत्थेगइयाणं नेरइयाणं अट्ठावीसं पलिओवमाइं
 ठिई पं०, अहेसत्तमाए पुढवीए अत्थेगइयाणं नेरइयाणं अट्ठावीसं सागरोवमाइं ठिई पं०, असुरकुमाराणं देवाणं अत्थेगइयाणं अट्ठावीसं
 पलिओवमाइं ठिई पं०, सोहम्भीसाणेसु कप्पेसु देवाणं अत्थेगइयाणं अट्ठावीसं पलिओवमाइं ठिई पं०, उवरिमहेट्ठिमगेवेज्जयाणं देवाणं
 जहण्णेणं अट्ठावीसं सागरोवमाइं ठिई पं०, जे देवा मज्झिमउवरिमगेवेज्जएसु विमाणेसु देवत्ताए उववण्णा तेसिं णं देवाणं उक्कोसेणं

अट्टावीसं सागरोवमाइं ठिई पं०, ते णं देवा अट्टावीसाए अद्धमासेहिं आणमंति वा ४, तेसिं णं देवाणं अट्टावीसाए वाससहस्सेहिं
 आहारट्टे समुप्पज्जइ, संतेगइया भवसिद्धिया जीवा जे अट्टावीसाए भवग्गहणेहिं सिज्झिस्संति जाव सव्वदुक्खाणमंतं करिस्संति । २८ ।
 एगूणतीसइविहे पावसुयपसंगे पं०तं० - भोमे उप्पाए सुमिणे अंतरिक्खे अंगे सरे वंजणे लक्खणे, भोमे तिविहे पं०तं० - सुत्ते वित्ती
 वत्तिए, एवं एक्केक्कं तिविहं, विकहाणुजोगे विज्जाणुजोगे मंताणुजोगे जोगाणुजोगे अण्णतिथियपवत्ताणुजोगे, आसाढे णं मासे
 एगूणतीसं राइंदिआइं राइंदियग्गेणं पं० (एवं चेव) भद्वए णं मासे कत्तिए णं मासे पोसे णं मासे फग्गुणे णं मासे वइसाहे णं मासे,
 चंददिणे णं एगूणतीसमुहुत्ते सातिरेगे मुहुत्तग्गेणं पं०, जीवे णं पसत्थज्झवसाणजुत्ते भविए सम्मदिट्ठी तित्थकरनामसहिआओ णामस्स
 णियमा एगूणतीसं उत्तरपगडीओ निबंधित्ता वेमाणिएसु देवेसु देवत्ताए उववज्जइ, इमीसे णं रयणप्पभाए पुढवीए अत्थेगइयाणं
 नेरइयाणं एगूणतीसं पलिओवमाइं ठिई पं०, अहेसत्तमाए पुढवीए अत्थेगइयाणं नेरइयाणं एगूणतीसं सागरोवमाइं ठिई पं० - असुरकुमाराणं
 देवाणं अत्थेगइयाणं एगूणतीसं पलिओवमाइं ठिई पं०, सोहम्मीसाणेसु कप्पेसु देवाणं अत्थेगइयाणं एगूणतीसं पलिओवमाइं ठिई
 पं०, उवरिममज्झिमगेवेज्जयाणं देवाणं जहण्णेणं एगूणतीसं सागरोवमाइं ठिई पं०, जे देवा उवरिमहेट्ठिमगेवेज्जयविमाणेसु देवत्ताए
 उववण्णा जेसिं णं देवाणं उक्कोसेणं एगूणतीसं सागरोवमाइं ठिई पं०, ते णं देवा एगूणतीसाए अद्धमासेहिं आणमंति वा ४ तेसिं णं
 देवाणं एगूणतीसवाससहस्सेहिं आहारट्टे समुप्पज्जइ, संतेगइया भवसिद्धिया जीवा जे एगूणतीसभवग्गहणेहिं सिज्झिस्संति जाव

सव्वदुक्खाणमंतं करिस्संति । २९ । तीसं मोहणीयठाणा पंतं - जे यावि तसे पाणे, वारिमज्जे विगाहिआ । उदाणाकम्म मारेई, महामोहं पकुव्वइ ॥ २९ ॥ सीसावेढेण जे केई, आवेढेइ अभिक्खणं । तिब्वासुभसमायारे, महामोहं पकुव्वइ ॥ २२ ॥ पाणिणा संपिहित्ताणं, सोयमावरिय पाणिणं । अंतोनदंतं मारेई, महामोहं पकुव्वइ ॥ २३ ॥ जायतेयं समारब्भ, बहं ओरुंभिया जणं । अंतोधूमेण मारेई (जा), महामोहं पकुव्वइ ॥ २४ ॥ सिस्संमि जे पहणइ, उत्तमंगम्मि चेयसा । विभज्ज मत्थयं फाले, महामोहं पकुव्वइ ॥ २५ ॥ पुणो पुणो पणिधिए, हरित्ता उवहसे जणं । फलेणं अदुवा दण्डेणं, महामोहं पकुव्वइ ॥ २६ ॥ गूढायारी निगूहिज्जा, मायं मायाए छाये । असच्चवाई णिणहाई, महामोहं पकुव्वइ ॥ २७ ॥ धंसेइ जो अभूएणं, अकम्मं अत्तकम्मुणा । अदुवा तुमकासित्ति, महामोहं पकुव्वइ ॥ २८ ॥ जाणमाणो परिसओ, सच्चाओसाणि भासइ । अक्खीणझंझे पुरिसे, महामोहं पकुव्वइ ॥ २९ ॥ अणायगस्स नयवं, दारे तस्सेव धंसिया । विउलं विक्खोभइत्ताणं, किच्चाणं पडिबाहिरं ॥ ३० ॥ उवगसंतं पि झंपित्ता, पडिलोमाहिं वग्गुहिं । भोगभोगे वियारेई, महामोहं पकुव्वइ ॥ ३१ ॥ अकुमारभूए जे केई, कुमारभूएत्तिऽहंवए । इत्थीहिं गिद्धे वसए, महामोहं पकुव्वइ ॥ ३२ ॥ अबंभयारी जे केई, बंभयारीत्तिऽहं वए । गदहेव्व गवां मज्जे, विस्सरं नयई नदं ॥ ३३ ॥ अप्पणो अहिए बाले, मायामोसं बहं भसे । इत्थीविसयगेहीए, महामोहं पकुव्वइ ॥ ३४ ॥ जंनिस्सिए उव्वहइ, जससाऽहिगमेण वा । तस्स लुब्भइ वित्तम्मि, महामोहं पकुव्वइ ॥ ३५ ॥ ईसरेणं अदुवा गामेणं, अणिसरे ईसरीकए । तस्स संपयहीणस्स, सिरी अतुलमागया ॥ ३६ ॥ ईसादोसेण आविद्धे, कलुसाऽऽवि-

लचेयसे । जे अंतराअं चेएइ, महामोहं पकुव्वइ ॥ ३७ ॥ सप्पी जहा अंडउडं, भत्तारं जो विहंसइ । सेणावइं पसत्थारं, महामोहं
 पकुव्वइ ॥ ३८ ॥ जे नायगं च रट्टस्स, नेयारं निगमस्स वा । सेट्ठिं बहुरवं हंता, महामोहं पकुव्वइ ॥ ३९ ॥ बहुजणास्स णेयारं, दीवं ताणं
 च पाणिणं । एयारिसं नरं हंता, महामोहं पकुव्वइ ॥ ४० ॥ उवट्ठियं पडिविरयं, संजयं सुतवस्सियं । वुक्कम्म धम्माओ भंसेइ, महामोहं
 पकुव्वइ ॥ ४१ ॥ तहेवाणंतणाणीणं, जिणाणं वरदंसिणं । तेसिं अवण्णवं बाले, महामोहं पकुव्वइ ॥ ४२ ॥ नेयाइअस्स मग्गस्स, दुट्ठे
 अवय(ह०पा०)ई बहं । तं तिप्पयंतो भावेइ, महामोहं पकुव्वइ ॥ ४३ ॥ आयरियउवज्झाएहिं, सुयं विणयं च गाहिए । ते चेव खिंसई
 बाले, महामोहं पकुव्वइ ॥ ४४ ॥ आयरियउवज्झायाणं, सम्मं नो पडितप्पइ । अप्पडिपूयए थद्धे, महामोहं पकुव्वइ ॥ ४५ ॥
 अबहुस्सुए य जे केई, सुएणं पविकत्थई । सज्झायवायं वयइ, महामोहं पकुव्वइ ॥ ४६ ॥ अतवस्सीए य जे केई, तवेण पविकत्थइ ।
 सव्वलोयपरे तेणे, महामोहं पकुव्वइ ॥ ४७ ॥ साहारणट्ठा जे केई, गिलाणम्मि उवट्ठिए । पभू ण कुणई किच्चं, भज्झं पि से न कुव्वइ
 ॥ ४८ ॥ सढे नियडीपण्णाणे, कलुसाउलचेयसे । अप्पणो य अबोही य, महामोहं पकुव्वइ ॥ ४९ ॥ जे कहाहिगरणाइं, संपउंजे पुणो
 पुणो । सव्वतित्थाण भेयाणं, महामोहं पकुव्वइ ॥ ५० ॥ जे अ आहम्मिए जोए, संपउंजे पुणो पुणो । सहाहेउं सहीहेउं, महामोहं
 पकुव्वइ ॥ ५१ ॥ जे अ माणुस्सए भोए, अदुवा पारलोइए । तेउतिप्पयंतो आसयइ, महामोहं पकुव्वइ ॥ ५२ ॥ इइढी जुई जसो वण्णो,
 देवाणं बलवीरियं । तेसिं अवण्णवं बाले, महामोहं पकुव्वइ ॥ ५३ ॥ अपस्समाणो पस्सामि, देवे जक्खे य गुज्झगे । अण्णाणी

जिणपूयट्ठी, महामोहं पकुव्वइ ॥ ५४ ॥ थैरे णं मंडियपुत्ते तीसं वासाइं सामण्णपरियायं पाउणिता सिद्धे बुद्धे जाव सव्वदुक्खप्पहीणे,
 एगमेगे णं अहोरत्ते तीसमुहुत्ते मुहुत्तगेणं पं०, एएसिं णं तीसाए मुहुत्ताणं तीसं नामधेज्जा पं०तं० -रोहे सत्ते भित्ते वाऊ सुपीए अभिचंदे
 माहिंदे पलवं बंभे सच्चे १० आणंदे विजए विस्ससेणे पायावच्चे उवसमे ईसाणे तट्टे भाविअप्पा वेसमणे वरुणे २० सतरिसभे गंधव्वे
 अग्गिवेसायणे आतवे आवत्ते तट्टवे भूमहे रिसभे सव्वट्टसिद्धे रक्खसे ३०, अरे णं अरहा तीसं धणूइं उडढंउच्चत्तेणं होत्था, सहस्सारस्स
 णं देविंदस्स देवरण्णो तीसं सामाणियसाहस्सीओ पं० पासे णं अरहा तीसं वासाइं अगारवासमज्जे वसित्ता अगाराओ अणगारियं
 पव्वइए, समणे भगवं महावीरे तीसं वासाइं अगारवासमज्जे वसित्ता अगाराओ अणगारियं पव्वइए, रयणप्पभाए णं पुढवीए तीसं
 निरयावाससयसहस्सा पं०, इमीसे णं रयणप्पभाए पुढवीए अत्थेगइयाणं नेरइयाणं तीसं पलिआवमाइं ठिई पं०, अहेसत्तमाए पुढवीए
 अत्थेगइयाणं नेरइयाणं तीसं सागरोवमाइं ठिई पं०, असुरकुमाराणं देवाणं अत्थेगइयाणं तीसं पलिओवमाइं ठिई पं०,
 उवरिमउवरिमगेवेज्जयाणं देवाणं जहण्णेणं तीसं सागरोवमाइं ठिई पं०, जे देवा उवरिममज्झिमगेवेज्जएसु विमाणेसु देवत्ताए उववण्णा
 तेसिं णं देवाणं उक्कोसेणं तीसं सागरोवमाइं ठिई पं०, ते णं देवा तीसाए अब्बमासेहिं आणमंति वा ४, तेसिं णं देवाणं तीसाए
 वाससहस्सेहिं आहारट्टे समुप्पज्जइ, संतेगइया भवसिद्धिया जीवा जे तीसाए भवग्गहणेहिं सिज्झिस्संति जाव सव्वदुक्खाणमंतं करिस्संति
 । ३० । एकतीसं सिद्धाइगुणा पं०तं० -खीणे आभिणिबोहियणाणावरणे खीणे सुयणाणावरणे खीणे ओहिणाणावरणे खीणे

॥ श्रीसमवायाङ्ग सूत्रं ॥

३९

पू. सागरजी म. संशोधित

મળપજવણાણાવરણે ધીણે કેવલણાણાવરણે ધીણે ચક્ષુદંસણાવરણે ધીણે અચક્ષુદંસણાવરણે ધીણે ઓહિદંસણાવરણે ધીણે
 કેવલદંસણાવરણે ધીણા નિદા ધીણા ણિદાણિદા ધીણા પયલા ધીણા પયલાપયલા ધીણા થીણદ્ધી ધીણે સાયાવેયણિજ્ઞે ધીણે
 અસાયાવેયણિજ્ઞે ધીણે દંસણમોહણિજ્ઞે ધીણે ચરિત્તમોહણિજ્ઞે ધીણે નેરડઆડે ધીણે તિરિઆડે ધીણે મળુસ્સાડે ધીણે દેવાડે
 ધીણે ઉચ્ચાગોએ ધીણે નિચ્ચા(નીયા)ગોએ ધીણે સુભણામે ધીણે અસુભણામે ધીણે દાણંતરાએ ધીણે લાભંતરાએ ધીણે ભોગાંતરાએ
 ધીણે ઉવભોગંતરાએ ધીણે વીરિઅંતરાએ, મંદરે ણં પવ્વએ ધરણિતલે એકતીસં જોયણસહસ્સાઈં છચ્ચેવ તેવીસં જોયણસાએ કિંચિદેસૂણા
 પરિવ્વેવેણં પં૦ - જયા ણં સૂરિએ સવ્વબાહિરિયં મંડલં ઉવસંકમિત્તા ચારં ચરડ તયા ણં ઇહગયસ્સ મળુસ્સસ્સ એકતીસાએ જોયણસહસ્સેહિં
 અટ્ટહિ અ એકતીસેહિં જોયણસાએહિં તીસાએ સટ્ઠિભાગેહિં જોયણસ્સ સૂરિએ ચક્ષુપ્પાસં હવ્વમાગચ્છડ, અભિવડિદાએ ણં માસે એકતીસં
 સાતિરેગાઈં રાઈંદિયાઈં રાઈંદિયગેણં પં૦, આઈચ્ચે ણં માસે એકતીસં રાઈંદિયાઈં કિંચિવિસેસૂણાઈં રાઈંદિયગેણં પં૦, ઇમીસે ણં રયણપ્પમાએ
 પુઢવીએ અત્થેગડયાણં નેરડયાણં એકતીસં પલિઓવમાઈં ઠિઈં પં૦, અહેસત્તમાએ પુઢવીએ અત્થેગડયાણં નેરડયાણં એકતીસં સાગરોવમાઈં
 ઠિઈં પં૦, અસુરકુમારાણં દેવાણં અત્થેગડયાણં એકતીસં પલિઓવમાઈં ઠિઈં પં૦, સોહમ્મીસાણેસુ કપ્પેસુ અત્થેગડયાણં દેવાણં એકતીસં
 પલિઓવમાઈં ઠિઈં પં૦, વિજયવેજયંતજયંતઅપરાજિઆણં દેવાણં જહણ્ણેણં એકતીસં પલિઓવમાઈં ઠિઈં પં૦, જે દેવા
 ઉવરિમઉવરિમગેવેજયવિમાણેસુ દેવત્તાએ ઉવવણ્ણા તેસિં ણં દેવાણં ઉક્કોસેણં એકતીસં સાગરોવમાઈં ઠિઈં પં૦, તે ણં દેવા એકતીસાએ

अद्धमासेहिं आणमंति वा ४, तेसिं णं देवाणं एकतीसं वाससहस्सेहिं आहारद्वे समुप्पज्जइ, संतेगइया णं भवसिद्धिया जीवा जे
 एकतीसेहिं भवग्गहणेहिं सिज्झिस्संति जाव सव्वदुक्खाणमंतं करिस्संति । ३१ । बत्तीसं जोगसंगहा पं०, तं०-आलोयण निरवलावे,
 आवईसु दढधम्मया । अणिस्सिओवहाणे य, सिक्खा निप्पडिकम्मया ॥ ५५ ॥ अण्णा यया अलोभे य, तित्तिक्खा अज्जवे सुई ।
 सम्मद्विट्ठी समाही य, आयारे विणओवए ॥ ५६ ॥ धिईमई य संवेगे, पणिही सुविहि संवरे । अत्तदोसोवसंहारे, सव्वकामविरत्तया
 ॥ ५७ ॥ पच्चक्खाणे विउस्सग्गे, अप्पमादे लवालवे । झाणसंवरजोगे य, उदए मारणंतिए ॥ ५८ ॥ संग्गाणं च परिण्णाया,
 पायच्छित्तकरणेऽवि य । आराहणा य मरणंते, बत्तीसं जोगसंगहा ॥ ५९ ॥ बत्तीसं देविंदा पं० तं० -चमरे बली धरणे भूआणंदे जाव
 घोसे महाघोसे चंदे सूरै सक्के ईसाणे सणंकुमारे जाव पाणए अच्चुए, कुंथुस्स णं अरहओ बत्तीसहिया बत्तीसं जिणसया होत्था, सोहम्मे
 कप्पे बत्तीसं विमाणावाससयसहस्सा पं०, रेवइणक्खत्ते बत्तीसइतारे पं०, बत्तीसतिविहे णद्वे पं०, इमीसे णं रयणप्पभाए पुढवीए
 अत्थेगइयाणं नेरइयाणं बत्तीसं पलिओवमाइं ठिई पं०, अहेसत्तमाए पुढवीए अत्थेगइयाणं नेरइयाणं बत्तीसं सागरोवमाइं ठिई पं०,
 असुरकुमाराणं देवाणं अत्थेगइयाणं बत्तीसं पलिओवमाइं ठिई पं०, सोहम्मीसाणेसु कप्पेसु देवाणं अत्थेगइयाणं बत्तीसं पलिओवमाइं
 ठिई पं०, जे देवा विजयवेजयन्तजयन्तअपराजियविमाणेसु देवत्ताए उववण्णा तेसिं णं देवाणं अत्थेगइयाणं बत्तीसं सागरोवमाइं ठिई
 पं०, ते णं देवा बत्तीसाए अद्धमासेहिं आणमंति वा ४० तेसिं णं देवाणं बत्तीसवाससहस्सेहिं आहारद्वे समुप्पज्जइ, संतेगइया भवसिद्धिया

॥ श्रीसमवायाङ्ग सूत्रं ॥

४१

पू. सागरजी म. संशोधित

जीवा जे बत्तीसाए भवग्गहणेहिं सिञ्जिस्संति जाव सव्वदुक्खाणमंतं करिस्संति । ३२ । तेत्तीसं आसायणाओ पंतं- सेहे राइणियस्स आसन्नं गंता भवइ आसायणा सेहस्स सेहे राइणियस्स पुरओ गंता भवइ आसायणा सेहस्स सेहे राइणियस्स सपक्खं गंता भवइ आसायणा सेहस्स सेहे राइणियस्स आसन्नं ठिच्चा भवइ आसायणा सेहस्स जाव सेहे राइणियस्स आलवमाणस्स तत्थगए चेव पडिसुणित्ता भवइ आसायणा सेहस्स, चमरस्स णं असुरिंदस्स असुरकुमारणणो चमरचंचाए रायहाणीए एकमेक्कबाराए तेत्तीसं तेत्तीसं भोमा पंतं, महाविदेहे णं वासे तेत्तीसं जोयणसहस्साइं साइरेगाइं विक्खंभेणं पंतं जया णं सूरिए बाहिराणंतं तच्च मंडलं उवसंकमित्ताणं चारं चरइ तथा णं इहगयस्स पुरिसस्स तेत्तीसाए जोयणसहस्सेहिं किंचिविसेसूणेहिं चक्खुप्फासंहव्वमागच्छइ, इमीसे णं रयणप्पभाए पुढवीए अत्थेगइयाणं नेरइयाणं तेत्तीसं पलिओवमाइं ठिई (पंतं) अहेसत्तमाए पुढवीए कालमहाकालरोरुयमहारोरुएसु नेरइयाणं उक्कोसेणं तेत्तीसं सागरोवमाइं ठिई पंतं, अप्पइट्ठाणनए नेरइयाणं अजहण्णमणुक्कोसेणं तेत्तीसं सागरोवमाइं ठिई पंतं असुरकुमाराणं अत्थेगइयाणं देवाणं तेत्तीसं पलिओवमाइं ठिई पंतं, सोहम्मीसाणेसु अत्थेगइयाणं देवाणं तेत्तीसं पलिओवमाइं ठिई पंतं, विजयवेजयन्तजयंतअपराजिएसु विमाणेसु उक्कोसेणं तेत्तीसं सागरोवमाइं ठिई पंतं, जे देवा सव्वट्ठसिद्धे महाविमाणे देवत्ताए उववण्णा तेसिं णं देवाणं अजहण्णमणुक्कोसेणं तेत्तीसं सागरोवमाइं ठिई पंतं, ते णं देवा तेत्तीसाए अब्बमासेहिं आणमंति वा ४, तेसिं णं देवाणं तेत्तीसाए वाससहस्सेहिं आहारट्ठे समुप्पज्जइ, संतेगइया भवसिद्धिआ जीवा जे तेत्तीसं भवग्गहणेहिं सिञ्जिस्संति जाव सव्वदुक्खाणमंतं

करिस्संति । ३३ । चोत्तीसं बुद्धाइसेसा पं०, तं० - अवट्टिए केसमंसुरोमनहे निरामया निरुलेवा गायलट्टी गोक्खीरपंडुरे मंससोणिए पउमुप्पलगांधिए उस्सासनिस्सासे पच्छन्ने आहारनीहारे अदिस्से मंसचक्खुणा आगासगयं चक्कं आगासगयं छत्तं आगासगयाओ सेयवरचामराओ आगासफालिआमयं सपायपढं सीहासणं आगासगओ कुडभीसहस्सपरिमंडिआभिरामो इंदज्झओ पुरओ गच्छइ १० जत्थ जत्थवि य णं अरहंता भगवन्तो चिट्ठंति वा निसीयंति वा तत्थ तत्थवि य णं तक्खणादेव संछन्नपत्तपुप्फपल्लवसमाउलो सच्छत्तो सज्झओ संघंटो सपडागो असोगवरपायवो अभिसंजायइ ईसिं पिट्ठओ मउडठाणंमि तेयमंडलं अभिसंजायइ अंधकारेऽवि य णं दस दिसाओ पभासेइ बहुसमरमणिज्जे भूमिभागे अहोसिरा कंटया जायंति उऊविवरीया सुहफासा भवंति सीयलेणं सुहफासेणं सुरभिणा मारुएणं जोयणपरिमंडलं सव्वओ समंता संपमज्जिज्जइ जुत्तफुसिएणं मेहेण य निहयरयरेणूयं किज्जइ जलथलयभासुरपभूतेणं बिंटट्ठाइणा दसद्धवण्णेणं कुसुमेणं जाणुस्सेहप्पमाणमित्ते पुप्फोवयारे किज्जइ अमणुण्णाणं सदफरिसरसरुवगंधाणं अवकरिसो भवइ मणुण्णाणं सदफरिसरसरुवगंधाणं पाउब्भावो भवइ २० पच्चाहरओऽवि य णं हिययगमणीओ जोयणनीहारी सरो भगवं च णं अब्धमागहीएभासाए धम्ममाइक्खइ साऽवि य णं अब्धमागही भासा भासिज्जमाणी तेसिं सव्वेसिं आरियमणारियाणं दुप्पयचउप्पअमियपसुपक्खिसरीसिवाणं अप्पणो हियसिवसुहयभासत्ताए परिणमइ पुव्वबद्धवेरावि य णं देवासुरनागसुवण्णजक्खरक्खरसकिंनरकिंपुरिसगरुलगंधव्वमहोरगा अरहओ पायमूले पसंतचित्तमाणसा धम्मं निसामंति अण्णउत्थियपावयणियावि य णमागया वंदंति आगया समाणा अरहओ पायमूले

॥ श्रीसमवायाङ्ग सूत्रं ॥

४३

पू. सागरजी म. संशोधित

निष्पलिवयणा हवन्ति जओ जओऽवि य णं अरहन्तो भगवन्तो विहरन्ति तओ तओऽवि य णं जोयणपणवीसाएणं ईती न भवइ मारी न भवइ सचक्कं न भवइ ३० अइवुट्ठी न भवइ अणावुट्ठी न भवइ दुब्भिक्खं न भवइ पुव्वुप्पण्णावि य णं उप्पाइया वाही खिप्पामेव उवसमन्ति ३४, जंबुद्दीवे णं दीवे चउत्तीसं चक्कवट्ठिविजया पं० तं० - बत्तीसं महाविदेहे दो भरहे एरवाए, जंबुद्दीवे णं दीवे चोत्तीसं दीहवेयड्ढा पं०, जंबुद्दीवे णं दीवे उक्कोसपाए चोत्तीसं तित्थंकरा समुप्पज्जन्ति, चमरस्स णं असुरिंदस्स असुरकुमाररण्णो चोत्तीसं भवणावाससयसहस्सा पं०, पढमपंचमछट्ठीसत्तमासु चउसु पुढवीसु चोत्तीसं निरयावाससयसहस्सा पं० । ३४ । पणतीसं सच्चवयणाइसेसा पं०, कुंथू णं अरहा पणतीसं धणूइं उइढंउच्चत्तेणं होत्था, दत्ते णं वासुदेवे पणतीसं धणूइं उइढंउच्चत्तेणं होत्था, नंदणे णं बलदेवे पणतीसं धणूइं उइढंउच्चत्तेणं होत्था, सोहम्मे कप्पे सुहम्माए सभाए माणवाए चेइयक्खंभे हेट्ठा उवरिं च अब्दतेरस २ जोयणाणि वज्जेत्ता मज्झे पणतीसजोयणेसु वइरामएसु गोलवट्ठसमुग्गाएसु जिणसकहाओ पं०, बितियचउत्थीसु दोसु पुढवीसु पणतीसं निरयावाससयसहस्सा पं० । ३५ । छत्तीसं उत्तरज्झयणा पं० तं० - विणयसुयं परीसहो चाउरंगिज्जं असंखयं अकाममरणिज्जं पुरिसविज्जा उरब्भिज्जं काविलयं नमिपव्वज्जा दुमपत्तयं १० बहुसुयपूजा हरिएसिज्जं चित्तसंभूयं उसुयारिज्जं सभिकखुगं समाहिठाणाइं पावसमणिज्जं संजइज्जं मियचारिया अणाहपव्वज्जा २० समुदपालिज्जं रहनेमिज्जं गोयमकेसिज्जं समितीओ जन्नतिज्जं सामायारी खलुंकिज्जं मोक्खमग्गइं अप्पमाओ तवोमग्गो ३० चरणविही पमायठाणाइं कम्मपयडी लेसज्झयणं अणगारमग्गे जीवाजीवविभत्ती य ३६, चमरस्स णं

असुरिंदस्स असुर०रण्णो सभा सुहम्मा छत्तीसं जोयणाइं उड्ढंउच्चत्तेणं होत्था, समणस्स णं भगवओ महावीरस्स छत्तीसं अज्जाणं साहस्सीओ होत्था, चेत्तासोएसु णं मासेसु सइ छत्तीसंगुलियं सूरिए पोरिसीछायं निव्वत्तइ ॥ ३६ ॥ कुंथुस्स णं अरहओ सत्ततीसं गणा सत्ततीसं गणहरा होत्था, हेमवयहेरण्णवयाओ णं जीवाओ सत्ततीसं जोयणसहस्साइं छच्च चउसत्तरे जोयणसए सोलस य एगूणवीसइभाए जोयणस्स किंचिविसेसूणाओ आयामेणं पं०, सव्वासु णं विजयवेजयंतजयंतअपराजियासु रायहाणीसु पागारा सत्ततीसं सत्ततीसं जोयणाइं उड्ढंउच्चत्तेणं पं०, खुड्डियाए णं विमाणपविभत्तीए पढमे वग्गे सत्ततीसं उद्देसणकाला पं०, कत्तियबहुलसत्तमीए णं सूरिए सत्ततीसंगुलियं पोरिसीछायं निव्वत्तइत्ताणं चारं चरइ ॥ ३७ ॥ पासस्स णं अरहओ पुरिसादाणीयस्स अट्टतीसं अज्जिआसाहस्सीओ उक्कोसिया अज्जियासंपया होत्था, हेमवयएरण्णवइयाणं जीवाणं धणूपिट्ठे अट्टतीसं जोयणसहस्साइं सत्त य चत्ताले जोयणसए दस एगूणवीसइभागे जोयणस्स किंचिविसेसूणे परिक्खेवेणं पं०, अत्थस्स णं पव्वयरण्णो बित्तिए कंडे अट्टतीसं जोयणसहस्साइं उड्ढंउच्चत्तेणं होत्था, खुड्डियाए णं विमाणपविभत्तीए बित्तिए वग्गे अट्टतीसं उद्देसणकाला पं० ॥ ३८ ॥ नमिस्स णं अरहओ एगूणचत्तालीसं आहोहियसया होत्था, समयखेत्ते एगूणचत्तालीसं कुलपव्वया पं०तं -तीसं वासहरा पंच मंदरा चत्तारि उसुकारा, दोच्चचउत्थपंचमछट्टसत्तमासु णं पंचसु पुढवीसु एगूणचत्तालीसं निरयावाससयसहस्सा पं०, नाणावरणिज्जस्स मोहणिज्जस्स गोत्तस्स आउयस्स एयासिं णं चउण्हं कम्मपगडीणं एगूणचत्तालीसं उत्तरपगडीओ पं० ॥ ३९ ॥ अरहओ णं अरिद्वुनेमिस्स चत्तालीसं

॥ श्रीसमवायाङ्ग सूत्रं ॥

४५

पू. सागरजी म. संशोधित

अज्जियासाहस्सीओ होत्था, मंदरचूलियाणं चत्तालीसं जोयणाइं उड्ढंउच्चत्तेणं पं०, संती अरहा चत्तालीसं धणूइं उड्ढंउच्चत्तेणं होत्था, भूयाणंदस्स पं० नागरत्रो चत्तालीसं भवणावाससयसहस्सा पं०, खुडिडयाए णं विमाणपविभत्तीए तइए वग्गे चत्तालीसं उद्देसणकाला पं०, फग्गुणपुण्णमासिणीए णं सूरिए चत्तालीसंगुलियं पोरिसीछायं निव्वट्ठइत्ताणं चारं चरइ, एवं कत्तियाएऽवि पुण्णिमाए, महासुक्के कप्पे चत्तालीसं विमाणावाससहस्सा पं० १४०। नमिस्स णं अरहओ एकचत्तालीसं अज्जियासाहस्सीओ होत्था, चउसु पुढवीसु एकचत्तालीसं निरयावाससयसहस्सा पं०तं० - रयण्णभाए पंकप्पभाए तमाए तमतमाए, महालियाए णं विमाणपविभत्तीए पढमे वग्गे एकचत्तालीसं उद्देसणकाला पं० १४१। समणे भगवं महावीरे बायालीसं वासाइं साहियाइं सामण्णपरियागं पाउणित्ता सिद्धे जाव सव्वदुक्खप्पहीणे, जंबुद्दीवस्स णं दीवस्स पुरच्छिमिल्लाओ चरमंताओ गोथूभस्स णं आवासपव्वयस्स पच्चच्छिमिल्ले चरमंते एस णं बायालीसं जोयणसहस्साइं अबाहाते अंतरे पं० एवं चउदिसंपि दओभासे संखे दयसीमे य, कालोए णं समुद्दे बायालीसं चंदा जोइंसु वा जोइंति वा जोइस्संति वा, बायालीसं सूरिया पभासिंसु वा ३, संमुच्छिमभुयपरिसप्पाणं उक्कोसेणं बायालीसं वाससहस्साइं ठिई पं०, नामकम्मे बायालीसविहे पं०तं० - गइनामे जाइनामे सरीरनामे सरीरंगोवंगनामे सरीरबंधणनामे सरीरसंघायणनामे संघयणनामे संठाणनामे वण्णनामे गंधनामे रसनामे फासनामे अगुरुलहुयनामे उवघायनामे पराघायनामे आणुपुव्वीनामे उस्सासनामे आयवनामे उज्जोयनामे विहगगइनामे तसनामे थावरनामे सुहुमनामे बायरनामे पज्जत्तनामे अपज्जत्तनामे साहारणसरीरनामे पत्तेयसरीरनामे थिरनामे अथिरनामे

सुभनामे असुभनामे सुभगनामे दुब्भगनामे सुसरनामे दुस्सरनामे आएज्जनामे अणाएज्जनामे जसोकित्तिनामे अजसोकित्तिनामे निम्माणनामे
 तित्थकरनामे, लवणे णं समुदे बायालीसं नागसाहस्सीओ अब्भितरियं वेलं धारंति, महालियाए णं विमाणपविभत्तीए बित्तिए वग्गे
 बायालीसं उद्देसणकाला पं०, एगमेगाए ओसप्पिणीए पंचमच्छट्ठीओ समाओ बायालीसं वाससहस्साइं कालेणं पं०, एगमेगाए उस्सप्पिणीए
 पढमबीयाओ समाओ बायालीसं वाससहस्साइं कालेणं पं० । ४२ । तेयालीसं कम्मविवागज्झयणा पं०, पढमचउत्थपंचमासु पुढवीसु
 तेयालीसं निरयावाससयसहस्सा पं०, जंबुद्दीवस्स णं दीवस्स पुरच्छिमिल्लाओ चरमंताओ गोथूभस्स णं आवासपव्वयस्स पुरच्छिमिल्ले
 चरमंते एस णं तेयालीसं जोयणसहस्साइं आबाहाए अंतरे पं०, एवं चउद्दिसिंपि दगोभासे संखे दयसीमे, महालियाए णं विमाणपविभत्तीए
 तइये वग्गे तेयालीसं उद्देसणकाला पं० । ४३ । चोयालीसं अज्झयणा इसिभासिया दियलोगचुयाभासिया (देवलोयचुयाणं इसीणं
 चोयालीसं इसिभासियज्झयणा पा०) पं०, विमलस्स णं अरहओ णं चउआलीसं पुरिसजुगाइं अणुपिट्ठिं (बंधेण पा०) सिद्धाइं
 जावप्पहीणाइं, धरणस्स णं नागिंदस्स नागरण्णो चोयालीसं भवणावाससयसहस्सा पं०, महालियाए णं विमाणपविभत्तीए चउत्थे
 वग्गे चोयालीसं उद्देसणकाला पं० । ४४ । समयखेत्ते णं पणयालीसं जोयणसयसहस्साइं आयामविकखंभेणं पं०, सीमंतए णं नराए
 पणयालीसं जोयणसयसहस्साइं आयामविकखंभेणं पं०, एवं उडुविमाणेऽवि, ईसिपम्भारा णं पुढवी एवं चेव, धम्मे णं अरहा पणयालीसं
 धणूइं उड्ढंउच्चत्तेणं होत्था; मंदरस्स णं पव्वयस्स चउद्दिसिंपि पणयालीसं २ जोयणसहस्साइं अबाहाए अंतरे पं०, सव्वेऽवि णं

॥ श्रीसमवायाङ्ग सूत्रं ॥

४७

पू. सागरजी म. संशोधित

दिवडढखेत्तिया नक्खत्ता पणयालीसं मुहुत्ते चंदेण सद्धिं जोगं जोइंसु वा जोइंति वा जोइस्संति वा तिन्नेव उत्तराइं पुणव्वसू रोहिणी विसाहा य । एए छन्नक्खत्ता पणयालमुहुत्तसंजोगा ॥ ६१ ॥ महालियाए णं विमाणपविभत्तीए पंचमे वग्गे पणयालीसं उद्देसणकाला पं०, १४५ । दिट्ठिवायस्स णं छायालीसं माउयापया पं०, बंभीए णं लिवीए छायालीसं माउयक्खरा पं०, पभंजणस्स णं वाउकुमारिंदस्स छायालीसं भवणावाससयसहस्सा पं० । ४६ । जया णं सूरिए सव्वब्भितरमंडलं उवसङ्गमित्ताणं चारं चरइ तथा णं इहगयस्स मणूसस्स सत्तचत्तालीसं जोयणसहस्सेहिं दोहि य तेवट्ठेहिं जोयणसएहिं एकवीसाए य सट्ठिभागेहिं जोयणस्स सूरिए चक्खुफासं हव्वमागच्छइ, थेरे णं अग्गिभूई सत्तचालीसं वासाइं अगारमज्जे वसित्ता मुंडे भवित्ता आगाराओ अणगारियं पव्वइए । ४७ । एगमेगस्स णं रत्तो चाउरंतचक्कवट्ठिस्स अडयालीसं पट्ठणसहस्सा- पं०, धम्मस्स णं अरहओ अडयालीसं गणा अडयालीसं गणहरा होत्था, सूरमंडले णं अडयालीसं एकसट्ठिभागे जोयणस्स विक्खंभेणं पं० । ४८ । सत्तसत्तमियाए णं भिक्खुपडिमाए एगूणपत्राए राइंदिएहिं छन्नउइभिक्खासएणं अहासुत्तं जाव आराहिया यावि भवइ, देवकुरुउत्तरकुरुएसु णं मणुया एगूणपत्रा राइंदिएहिं संपन्नजोव्वणा भवंति, तेइंदियाणं उक्कोसेणं एगूणपत्रा राइंदिया ठिई पं० । ४९ । मुणिसुव्वयस्स णं अरहओ पंचासं अज्जियासाहस्सीओ होत्था, अणंते णं अरहा पत्रासं धणूइं उइढंउच्चत्तेणं होत्था, पुरिसुत्तमे णं वासुदेवे पत्रासं धणूइं उइढंउच्चत्तेणं होत्था, सव्वेऽवि णं दीहवेयइढा मूले पत्रासं २ जोयणाणि विक्खंभेणं पं०, लंतए कप्पे पत्रासं विमाणावाससहस्सा पं०, सव्वाओ णं तिमिस्सगुहाखंडगप्पवायगुहाओ पत्रासं २ जोयणाइं

आयामेणं पं०, सव्वेऽवि णं कंचणगप्पव्वया सिहरतले पत्रासं २ जोयणाइं विक्खंभेणं पं०। ५० । नवण्हं बंभचेराणं एकावन्नं उद्देसणकाला पं०, चमरस्स णं असुरिंदस्स असुरकुमाररत्तो सभा सुधम्मा एकावन्नखंभसयसंनिविट्ठा, पं०, एवं चेव बलिस्सवि, सुप्पभे णं बलदेवे एकावन्नं वाससयसहस्साइं परमाउं पालइत्ता सिद्धे बुद्धे जाव सव्वदुक्खप्पहीणे दंसणावरणनामाणं दोण्हं कम्माणं एकावन्नं उत्तरकम्मपगडीओ पं०। ५१ । मोहणिज्जस्स णं कम्मस्स बावन्नं नामधेज्जा पं० तं०- कोहे कोवे रोसे दोसे अखमा संजलणे कलहे चंडिके भंडणे विवाए १० माणे मदे दप्पे थंभे अत्तुक्कोसे गव्वे परपरिवाए अक्कोसे अवक्कोसे (परिभवे पा०) उन्नाए २० उन्नामे माया उवही नियडी वलए गहणे णूमे कक्के कुरुए दंभे ३० कूडे जिम्हे किब्बिसे अणायरणया गूहणया वंचणया पलिकुंचणया सातिजोगे लोभे इच्छा ४० मुच्छा कंखा गेही तिण्हा भिज्जा अभिज्जा कामासा भोगासा जीवियासा मरणासा० नन्दी रागे ५२, गोथूभस्स णं आवासपव्वयस्स पुरच्छिमिल्लाओ चरमंताओ वलयामुहस्स महापायालस्स पच्चच्छिमिल्ले चरमंते एस णं बावन्नं जोयणसहस्साइं अबहाए अंतरे पं०, एवं दगभासस्स णं केउगस्स, संखस्स जूयगस्स, दगसीमस्स ईसरस्स, नाणावरणिज्जस्स नामस्स अंतरायस्स एतेसिं णं तिण्हं कम्मपगडीणं बावन्नं उत्तरपयडीओ पं०, सोहम्मसणंकुमारमाहिंदेसु तिसु कप्पेसु बावन्नं विमाणावाससयसहस्सा पं० । ५२ । देवकुरुउत्तरकुरुयाओ णं जीवाओ तेवन्नं २ जोयणसहस्साइं साइरेगाइं आयामेणं पं०, महाहिमवंतरुप्पीणं वासहरपव्वयाणं जीवाओ तेवन्नं तेवन्नं जोयणसहस्साइं नव य एगतीसे जोयणसए छच्च एगूणवीसइभाए जोयणस्स

आयामेणं पं०, समणस्स णं भगवओ महावीरस्स तेवन्नं अणगारा संवच्छरपरियाया पंचसु अणुत्तरेसु महइमहालएसु महाविमाणेसु देवत्ताए उववन्ना, संमुच्छिमउरपरिसप्पाणं उक्कोसेणं तेवन्नं वाससहस्सा ठिई पं० १५३ ॥ भरहेरवएसु णं वासेसु एगमेगाए उस्सप्पिणीए ओसप्पणीए य चउवन्नं २ उत्तमपुरिसा उप्पज्जिसु वा ३, तं० - चउवीसं तित्थगरा बारस चक्कवट्ठी नव बलदेवा नव वासुदेवा, अरहा णं अरिद्धनेमी चउवन्नं राइंदियाइं छउमत्थपरियायं पाउणित्ता जिणे जाए केवली सव्वन्नू सव्वभावदरिसी, समणे भगवं महावीरे एगदिवसेणं एगनिसिज्जाए चउप्पन्नाइं वागरणाइं वागरित्था, अणंतस्स णं अरहओ चउपन्नं गणहरा होत्था १५४ ॥ मल्लिस्स णं अरहओ पणपन्नं वाससहस्साइं परमाउं पालइत्ता सिद्धे बुद्धे जावप्पहीणे, मंदरस्स णं पव्वयस्स पच्चत्थिमिल्लाओ चरमंताओ विजयदारस्स पच्चत्थिमिल्ले चरमंते एस णं पणपन्नं जोयणसहस्साइं अबाहाए अंतरे पं०, एवं चउदिसिंपि वेजयंतजयंतअपराजियंति, समणे भगवं महावीरे अंतिमराइयंसि पणपन्नं अज्झयणाइं कल्लाणफलविवागाइं पणपन्नं अज्झयणाइं पावफलविवागाइं वागरित्ता सिद्धे बुद्धे जावप्पहीणे, पढमबिइयासु दोसु पुढवीसु पणपन्नं निरयावाससयसहस्सा पं०, दंसणावरणिज्जनामाउयाणं तिण्हं कम्मपगडीणं पणपन्नं उत्तरपगडीओ पं०, १५५ ॥ जंबुद्दीवे णं दीवे छप्पन्नं नक्खत्ता चंदेण सद्धिं जोगं जोइंसु वा ३, विमलस्स णं अरहओ छप्पन्नं गणा छप्पन्नं गणहरा होत्था १५६ ॥ तिण्हं गणिपिडगाणं आयारचूलियावज्जाण सत्तावन्नं अज्झयणा पं०तं० -आयारे सूयगडे ठाणे, गोथूभस्स णं आवासपव्वयस्स पुरच्छिमिल्लाओ चरमंताओ वलयामुहस्स महापायालस्स बहुमज्झदेसभाए एस णं सत्तावन्नं जोयणसहस्साइं अबाहाए

अंतरे पं०, एवं दगभासस्स केउयस्स य, संखस्स य जूयस्स य, दयसीमस्स ईसरस्स य, मल्लिस्स णं अरहओ सत्तावन्नं मणपज्जवनाणिसया होत्था, महाहिमवंतरूपीणं वासहरपव्वयाणं जीवाणं धणुपिट्ठं सत्तावन्नं २ जोयणसहस्साइं दोत्रि य तेणउए जोयणसए दस य एगूणवीसइभाए जोयणस्स परिक्खेवेणं पं० । ५७ । पढमदोच्चपंचमासु तिसु पुढवीसु अट्ठावन्नं निरयावाससयसहस्सा पं०, नाणावरणिज्जस्स वेयणिय० आउय० नाम० अंतराइयस्स एएसिं णं पंचणहं कम्मपगडीणं अट्ठावन्नं उत्तरपगडीओ पं०, गोथूभस्स णं आवासपव्वयस्स पच्चच्छिमिल्लाओ चरमंताओ वलयामुहस्स महापायालस्स बहुमज्झदेसभाए एस णं अट्ठावन्नं जोयणसहस्साइं अबाहाए अंतरे पं०, एवं चउदिसिंपि नेयव्वं । ५८ । चंदस्स णं संवच्छरस्स एगमेगे उऊ एगूणसट्ठिं राइंदियाइं राइंदियग्गेणं पं०, संभवे णं अरहा एगूणसट्ठिं पुव्वसयसहस्साइं आगारमज्झे वसित्ता मुंडे जाव पव्वइए, मल्लिस्स णं अरहओ एगूणसट्ठिं ओहिनाणिसया होत्था । ५९ । एगमेगे णं मंडले सूरिए सट्ठिए सट्ठिए मुहुत्तेहिं संघाइए, लवणस्स णं समुदस्स सट्ठिं नागसाहस्सीओ अगगोदयं धारंति, विमले णं अरहा सट्ठिं धणूइं उड्ढंउच्चत्तेणं होत्था, बलिस्स णं वड्ढोयणिंदस्स० सट्ठिं सामाणियसाहस्सीओ पं०, बंभस्स णं देविंदस्स देवरन्नो सट्ठिं सामाणियसाहस्सीओ पं०, सोहम्मीसाणेसु दोसु कप्पेसु सट्ठिं विमाणावाससयसहस्सा पं० । ६० । पंचसंवच्छरियस्स णं जुगस्स रिउमासेणं मिज्जमाणस्स इगसट्ठिं उऊमासा पं०, मंदरस्स णं पव्वयस्स पढमे कंडे एगसट्ठिजोयणसहस्साइं उड्ढंउच्चत्तेणं पं०, चंदमंडले णं एगसट्ठिविभागविभाइए समंसे पं०, एकं सूरस्सवि । ६१ । पंचसंवच्छरिए णं जुगे बावट्ठिं पुन्निमाओ बावट्ठिं अभावसाओ पं०,

॥ श्रीसमवायाङ्ग सूत्रं ॥

५९

पू. सागरजी म. संशोधित

वासुपुजस्स णं अरहओ बासट्ठिं गणा बासट्ठिं गणहरा होत्था, सुक्कपक्खस्स णं चंदे बासट्ठिं भागे दिवसे दिवसे परिवड्ढइ. ते चेव बहुलपक्खे दिवसे दिवसे परिहायइ, सोहम्मीसाणेसु कप्पेसु पढमे पत्थडे पढमावलियाए एगमेगाए दिसाए बासट्ठिं विमाणा पं०, सव्वे वेमाणियाणं बासट्ठिं विमाणपत्थडा पत्थडग्गेणं पं० । ६२ । उसभे णं अरहा कोसलिए तेसट्ठिं पुव्वसयसहस्साइं महारायमज्जे वसित्ता मुंडे भवित्ता अगाराओ अणगारियं पव्वइए, हरिवासरम्भयवासेसु मणुस्सा तेवट्ठीए राइंदिएहिं संपत्तजोव्वणा भवंति० निसढे णं पव्वए तेवट्ठिं सूरुदया पं०, एवं नीलवन्तेऽवि । ६३ । अट्ठडमिया णं भिक्खुपडिमा चउसट्ठीए राइंदिएहिं दोहि य अट्ठासीएहिं भिक्खासएहिं अहासुत्तं जाव भवइ, चउसट्ठिं असुरकुमारावाससयसहस्सा पं०, चमरस्स णं रन्नो चउसट्ठिं सामाणियसाहस्सीओ पं०, सव्वेऽवि णं दधिमुहा पव्वया पल्लगसंठाणसंठिया सव्वत्थ समा विक्खंभेणं (विक्खंभुस्सेहेणं पा०) चउसट्ठिं जोयणसहस्साइं पं०, सोहम्मीसाणेसु बंभलोए य तिसु कप्पेसु चउसट्ठिं विमाणावाससयसहस्सा पं०, सव्वस्सवि य णं रन्नो चाउरन्तचक्कवट्ठिस्स चउसट्ठिलट्ठीए महग्घे मुत्तामणिहारे पं० । ६४ । जम्बुद्दीवे णं दीवे पणसट्ठिं सूरमंडला पं० थेरे णं मोरियपुत्ते पणसट्ठिवासाइं अगारमज्जे वसित्ता मुंडे भवित्ता आगाराओ अणगारियं पव्वइए, सोहम्भवडिंसयस्स णं विमाणस्स एगमेगाए बाहाए पणसट्ठिं पणसट्ठिं भोमा पं० । ६५ । दाहिणड्ढमाणुस्सखेत्ता णं छावट्ठिं चंदा पभासिंसु वा ३ छावट्ठिं सूरिया तविंसु वा ३, उत्तरड्ढमाणुस्सखेत्ता णं छावट्ठिं चंदा पभासिंसु वा ३ छावट्ठिं सूरिया तविंसु वा ३, सेजंसस्स णं अरहओ छावट्ठिं गणा छावट्ठिं गणहरा होत्था, आभिणिबोहियनाणस्स णं उक्कोसेणं

छावट्टिं सागरोवमाइं ठिई पं० । ६६ । पच्चसंवच्छरियस्स णं जुगस्स नक्खत्तमासेणं मिज्जमाणस्स सत्तसट्ठिं नक्खत्तमासा पं०, हेमवयएरन्नवयाओ णं बाहाओ सत्तट्ठिं सत्तट्ठिं जोयणसयाइं पणपन्नाइं तिण्णि य भागा जोयणस्स आयामेणं पं०, मंदरस्स णं पव्वयस्स पुरच्छिमिल्लाओ चरमंताओ गोयमदीवस्स पुरच्छिमिल्ले चरमंते एस णं सत्तसट्ठिं जोयणसहस्साइं अबाहाए अंतरे पं०, सव्वेसिंपि णं नक्खत्ताणं सीमाविक्खंभेणं सत्तट्ठिभागभइए समंसे पं० । ६७ । धायइसंडे णं दीवे अडसट्ठिं चक्कवट्ठिविजया अडसट्ठिं रायहाणीओ पं० उक्कोसपए अडसट्ठिं अरहंता समुप्पज्जिसु वा ३ एवं चक्कवट्ठी बलदेवा वासुदेवा, पुक्खरवरदीवइहे णं अडसट्ठिं विजया एवं चेव जाव वासुदेवा, विमलस्स णं अरहओ अडसट्ठिं समणसाहस्सीओ उक्कोसिया समणसंपया होत्था । ६८ । समयखित्ते णं मंदरवज्जा एगूणसत्तरिं वासा वासधरपव्वया पं०तं० -पणतीसं वासा तीसं वासहरा चत्तारि उसुयारा, मंदरस्स पव्वयस्स पच्चच्छिमिल्लाओ चरमंताओ गोयमदीवस्स पच्चच्छिमिल्ले चरमंते एस णं एगूणसत्तरिं जोयणसहस्साइं अबाहाए अंतरे पं०, मोहणिज्जवज्जाणं सत्तण्हं कम्मपगडीणं एगूणसत्तरिं उत्तरपगडीओ पं० । ६९ । समणे भगवं महावीरे वासाणं सवीसइराए मासे वइक्कंते सत्तरिएहिं राइंदिएहिं सेसेहिं वासावासं पज्जोसवेइ, पासे णं अरहा पुरिसादाणीए सत्तरिं वासाइं बहुपडिपुन्नाइं सामन्नपरियागं पाउणित्ता सिद्धे बुद्धे जावप्पहीणे, वासुपुज्जे णं अरहा सत्तरिं धणूइं उइठंउच्चत्तेणं होत्था, मोहणिज्जस्स णं कम्मस्स सत्तरिं सागरोवमकोडाकोडीओ अबाहूणिया कम्मट्ठिई कम्मनिसेगे पं० माहिंदस्स णं देविंदस्स देवरत्तो सत्तरिं सामाणियसाहस्सीओ पं० । ७० । चउत्थस्स णं चंदसंवच्छरस्स हेमंताणं एक्कसत्तरीए

राइंदिएहिं वीडकंतेहिं सव्वबाहिराओ मंडलाओ सूरिए आउट्टिं करेइ, वीरियप्पवायस्स णं पुव्वस्स एक्कसत्तरिं पाहुडा पं०, अजिते णं अरहा एक्कसत्तरिं पुव्वसयसहस्साइं अगारमज्जे वसित्ता मुंडे भवित्ता जाव पव्वइए, एवं सगरोऽवि राया चाउरंतचक्कवट्ठी एक्कसत्तरिं पुव्व जाव पव्वइएत्ति । ७१ । बावत्तरिं सुवन्नकुमारावाससयसहस्सा पं०, लवणस्स समुदस्स बावत्तरिं नागसाहस्सीओ बाहिरियं वेलं धारंति. समणे भगवं महावीरे बावत्तरिं वासाइं सव्वाउयं पालइत्ता सिद्धे बुद्धे जावप्पहीणे, थेरे णं अयलभाया बावत्तरिं वासाइं सव्वाउयं पालइत्ता सिद्धे जावप्पहीणे, अब्भितरपुक्खरद्धे णं बावत्तरिं चंदा पभासिंसु ३ बावत्तरिं सूरिया तविंसु वा ३, एगमेगस्स णं रन्नो चाउरंतचक्कवट्ठिस्स बावत्तरिपुरवरसाहस्सीओ पं०, बावत्तरिं कलाओ पं०तं० - लेहं गणियं रूवं नट्टं गीयं वाइयं सरगयं पुक्खरगयं समतालं जूयं १० जणवायं पोक्ख(रेव)च्चं अट्ठावयं दगमट्ठियं अन्नविहीं पाणविहीं वत्थविहीं सयणविहीं अज्जं पहेलियं २० मागहियं गाहं सिलोगं गंधजुत्तिं मधुसित्थं आभरणविहीं तरुणीपडिकम्भं इत्थीलक्खणं पुरिसलक्खणं हयलक्खणं ३० गयलक्खणं गोणलक्खणं कुक्कुडलक्खणं मिढयलक्खणं चक्कलक्खणं छत्तलक्खणं दंडलक्खणं असिलक्खणं मणिलक्खणं कागाणिलक्खणं ४० चम्मलक्खणं चंदलक्खणं सूरचरियं राहुचरियं गहचरियं सोभागकरं दोभागकरं विज्जागयं मंतगयं रहस्सगयं ५० सभासं चारं पडिचारं वूहं पडिवूहं खंधावारमाणं नगरमाणं वत्थुमाणं खंधावारनिवेसं वत्थुनिवेसं ६० नगरनिवेसं ईसत्थं छरुप्पवायं आससिक्खं हत्थिसिक्खं धणुव्वेयं हिरण्णपागं सुवन्नं० मणिपागं धातुपागं बाहुजुद्धं दंडजुद्धं मुट्ठिजुद्धं अट्ठिजुद्धं जुद्धं निजुद्धं जुद्धाइजुद्धं सुत्तखेडं नालियाखेडं वट्ठखेडं

धम्मखेडं चम्मखेडं पत्तच्छेज्जं कडगच्छेज्जं ७० सजीवनिज्जीवं सउणरुयं ७२ संमुच्छिमखहयरपंचिंदियतिरिक्खजोणियाणं उक्कोसेणं
 बावत्तरिं वाससहस्साइं ठिई पं० । ७२ । हरिवासरम्मयवासयाओ णं जीवाओ तेवत्तरिं २ जोयणसहस्साइं नव य एगुत्तरे जोयणसाए
 सत्तरस य एगूणवीसइभागे जोयणस्स अद्धभागं च आयामेणं पं०, विजए णं बलदेवे तेवत्तरिं वाससयसहस्साइं सव्वाउयं पालइत्ता
 सिद्धे जावप्पहीणे । ७३ । थेरे णं अग्गिभूई गणहरे चोवत्तरिं वासाइं सव्वाउयं पालइत्ता सिद्धे जावप्पहीणे, निसहाओ णं वासहरपव्वयाओ
 तिग्गिच्छिओ णं दहाओ सीतोया महानदी चोवत्तरिं जोयणसयाइं साहियाइं उत्तराहिमुही पवहिता वड्ढामयाए जिब्भियाए चउजोयणायामाए
 पन्नासजोयणविक्खंभाए वड्ढरतले कुंडे महया (दुहओ पा०) घडमुहपवत्तिएणं मुत्तावलिहारसंठाणसंठिएणं पवाएणं महया सदेणं
 पवडइ, एवं सीतावि दक्खिणाहिमुही भाणियव्वा, चउत्थवज्जासु छसु पुढवीसु चोवत्तरिं नरयावाससयसहस्सा पं० । ७४ । सुविहिस्स
 णं पुप्फदंतस्स अरहओ पन्नत्तरि जिणसया होत्था, सीतले णं अरहा पन्नत्तरि पुव्वसहस्साइं अगारवासमज्जे वसित्ता मुंडे भवित्ता जाव
 पव्वइए, संती णं अरहा पन्नत्तरिवाससहस्साइं अगारवासमज्जे वसित्ता मुंडे भवित्ता अगाराओ अणगारियं पव्वइए । ७५ । छावत्तरिं
 विज्जुकुमारावाससयसहस्सा पं० एवं-दीवदिसाउदहीणं विज्जुकुमारिंदथणियमग्गीणं । छणहंपि जुगलयाणं छावत्तरि सयसहस्साइं
 ॥६१ ॥ । ७६ । भरहे राया चाउरंतचक्कवट्ठी सत्तहत्तरिं पुव्वसयसहस्साइं कुमारवासमज्जे वसित्ता महारायाभिसेयं संपत्ते, अड्ढवंसाओ
 णं सत्तहत्तरि रायाणो मुंडे जाव पव्वइया, गहतोयतुसिया णं देवा णं सत्तहत्तरिदेवसहस्सपरिवारा पं०, एगमेगे णं मुहुत्ते सत्तहत्तरिलवे

लवगेणं पं० १७७ ॥ सक्कस्स णं देविंदस्स देवरत्तो वेसमणे महाराया अट्टहत्तरीए सुवन्नकुमारदीवकुमारावाससयसहस्साणं आहेवच्चं पोरेवच्चं सामित्तं भट्ठित्तं महाराय(हयर)त्तं आणाईसरसेणावच्चं करेमाणे पालेमाणे विहरइ, थेरे णं अकंपिए अट्टहत्तरिं वासाइं सव्वाउयं पालइत्ता सिद्धे जावप्पहीणे, उत्तरायणनियट्ठे णं सूरिए पढमाओ मंडलाओ एगूणचत्तालीसइमे मंडले अट्टहत्तरिं एगसट्ठिभाए दिवसखेत्तस्स निवुड्ढेत्ता रयणिखेत्तस्स अभिनिवुड्ढेत्ताणं चारं चरइ, एवं दक्खिणायणनियट्ठेऽवि १७८ ॥ वलयामुहस्स णं पायालस्स हिट्ठिल्लाओ चरमंताओ इमीसे णं रयणप्पभाए पुढवीए हेट्ठिल्ले चरमंते एस णं एगूणासीइं जोयणसहस्साइं अबाहाए अंतरे पं०, एवं केउयस्सवि जूयस्सवि ईसरस्सवि, छट्ठीए पुढवीए बहुमज्झदेसभायाओ छट्ठस्स घणोदहिस्स हेट्ठिल्ले चरमंते एस णं एगूणासीती जोयणसहस्साइं अबाहाए अंतरे पं०, जंबुदीवस्स णं दीवस्स बारस्स य बारस्स य एस णं एगूणासीई जोयणसहस्साइं साइरेगाइं अबाहाए अंतरे पं० १७९ ॥ सेज्जंसे णं अरहा असीइं धणूइं उड्ढंउच्चत्तेणं होत्था, तिविट्ठे णं वासुदेवे असीइं धणूइं उड्ढंउच्चत्तेणं होत्था, अयले णं बलदेवे असीइं धणूइं उड्ढंउच्चत्तेणं होत्था, तिविट्ठे णं वासुदेवे असीइं वाससयसहस्साइं महाराया होत्था, आउबहुलेणं कण्डे असीइं जोयणसहस्साइं बाहल्लेणं पं०, ईसाणस्स देविंदस्स देवरत्तो असीई सामाणियसाहस्सीओ पं०-जंबुदीवे णं दीवे असीउत्तरं जोयणसयं ओगाहेत्ता सूरिए उत्तरकट्ठोवगए पढमं उदयं करेइ १८० ॥ नवनवमिया णं भिक्खुपडिमा एक्कासीइराइंदिएहिं चउहि य पंचुत्तरेहिं अहासुत्तं जाव आराहिया०, कुंथुस्स णं अरहओ एक्कासीती मणपज्जवनाणिसया होत्था, विवाहपन्नत्तीए एकासीती महाजुम्भसया

पं० १८१ । जम्बुद्वीवे दीवे बासीयं मंडलसयं जं सूरिए दुक्खुत्तो संकमित्ताणं चारं चरइ तं० - निक्खममाणे य पविसमाणे य, समणे भगवं महावीरे बासीए राइंदिएहिं वीड्ढंतेहिं गब्भाओ गब्भं साहरिए, महाहिमवंतस्स णं वासहरपव्वयस्स उवरिल्लाओ चरमंताओ सोगंधियस्स कंडस्स हेट्ठिल्ले चरमंते एस णं बासीइं जोयणसयाइं अब्बाहाए अंतरे पं०, एवं रुप्पिसव्वि १८२ । समणे भगवं महावीरे बासीइराइंदिएहिं वीड्ढंतेहिं तेयासीइमे राइंदिए वट्टमाणे गब्भाओ गब्भं साहरिए, सीयलस्स णं अरहओ तेसीई गणा तेसीई गणहरा होत्था, थेरे णं मंडियपुत्ते तेसीइं वासाइं सव्वाउयं पालइत्ता सिद्धे जावप्पहीणे, उसभे णं अरहा कोसलिए तेसीइं पुव्वसयसहस्साइं अगारमज्जे वसित्ता मुंडे भावित्ताणं जाव पव्वइए, भरहे णं राया चाउरंतचक्कवट्ठी तेसीइं पुव्वसयसहस्साइं अगारमज्जे वसित्ता जिणे जाए केवली सव्वन्नू सव्वभावदरिसी० १८३ । चउरासीई निरयावाससयसहस्सा पं०, उसभे णं अरहा कोसलिए चउरासीइं पुव्वसयसहस्साइं सव्वाउयं पालइत्ता सिद्धे बुद्धे जावप्पहीणे, एवं भरहो बाहुबली बंभी सुंदरी, सिज्जंसे णं अरहा चउरासीइं वाससयसहस्साइं सव्वाउयं पालइत्ता सिद्धे जावप्पहीणे, तिविट्ठे णं वासुदेवे चउरासीइं वाससयसहस्साइं सव्वाउयं पालइत्ता अप्पइट्ठाणे नरए नेरइयत्ताए उववन्ने, सक्कस्स णं देविंदस्स देवरत्तो चउरासीई सामाणियसाहस्सीओ पं०, सव्वेऽवि णं बाहिरया मंदरा चउरासीइं २ जोयणसहस्साइं उड्ढंउच्चत्तेणं पं०, हरिवासरम्मयवासियाणं जीवाणं धणुपिट्ठा चउरासीई जोयणसहस्साइं सोलस जोयणाइं चत्तारि य भागा जोयणस्स परिक्खेवेणं पं०, पंकबहुलस्स णं कण्डस्स उवरिल्लाओ चरमंताओ हेट्ठिल्ले चरमंते एस णं चोरासीई जोयणसयसहस्साइं अब्बाहाए अंतरे पं०,

विवाहपत्रत्तीए णं भगवतीए चउरासीई पयसहस्सा पदग्गेणं पं०, चोरासीई नागकुमारावाससयसहस्सा पं०, चोरासीई पइन्नगसहस्साइं
 पं०, चोरासीई जोणिप्पमुहसयसहस्सा पं०, पुव्वाइयाणं सीसपहेलियापज्जवसाणाणं सट्ठाणट्ठाणंतराणं चोरासीए गुणकारे पं०, उसभस्स
 णं अरहओ चउरासीई समणसाहस्सीओ०, होत्था, सव्वेऽवि चउरासीई विमाणावाससयसहस्सा सत्ताणउइं च सहस्सा तेवीसं च
 विमाणा भवन्तीतिमक्खायं । ८४ । आचारस्स णं भगवओ सचूलियागस्स पंचासीई उद्देसणकाला पं०, धायइसण्डस्स णं मंदरा
 पंचासीई जोयणसहस्साइं सव्वग्गेणं पं०, रुयए णं मंडलियपव्वए पंचासीई जोयणसहस्साइं सव्वग्गेणं पं०, नंदणवणस्स णं हेट्ठिल्लाओ
 चरमन्ताओ सोगंधियस्स कंडस्स हेट्ठिल्ले चरमन्ते एस णं पंचासीई जोयणसयाइं अबाहाए अंतरे पं० । ८५ । सुविहिस्स णं पुप्फदन्तस्स
 अरहओ छलसीई गणा छलसीई गणहरा होत्था, सुपासस्स णं अरहओ छलसीई वाइसया होत्था, दोच्चाए णं पुढवीए बहुमज्झदेसभागाओ
 दोच्चस्स घणोदहिस्स हेट्ठिल्ले चरमन्ते एस णं छलसीई जोयणसहस्साइं अबाहाए अंतरे पं० । ८६ । मंदरस्स णं पव्वयस्स पुरच्छिमिल्लाओ
 चरमन्ताओ गोथूभस्स आवासपव्वयस्स पच्चच्छिमिल्ले चरमन्ते एस णं सत्तासीई जोयणसहस्साइं आबाहाए अंतरे पं०, मंदरस्स णं
 पव्वयस्स दक्खिणिल्लाओ चरमन्ताओ दगभासस्स आवासपव्वयस्स उत्तरिल्ले चरमन्ते एस णं सत्तासीई जोयणसहस्साइं अबाहाए अंतरे
 पं०, एवं मंदरस्स पच्चच्छिमिल्लाओ चरमन्ताओ संखस्सावा० पुरच्छिमिल्ले चरमन्ते, एवं चेव मंदरस्स उत्तरिल्लाओ चरमन्ताओ दगसीभस्स
 आवासपव्वयस्स दाहिणिल्ले चरमन्ते एस णं सत्तासीई जोयणसहस्साइं अबाहाए अंतरे पं०, छण्हं कम्मपगडीणं आइमउवरिल्लवज्जाणं

सत्तासीई उत्तरपगडीओ पं०, महाहिमवंतकूडस्स णं उवरिमंताओ चरिमंताओ सोगन्धियस्स कंडस्स हेड्डिल्ले चरमंते एस णं सत्तासीई जौयणसयाइं अब्बाहाए अंतरे पं०, एवं रुप्पिकूडस्सवि । ८७ । एगमेगस्स णं चंदिमसूरियस्स अट्टासीई अट्टासीई महग्गहा परिवारो पं०, दिट्ठिवायस्स णं अट्टासीई सुत्ताइं पंतं० - उज्जुसुयं परिणयापरिणयं एवं अट्टासीई सुत्ताणि भाणियव्वाणि जहा नंदीए, मंदरस्स णं पव्वयस्स पुरच्छिभिल्लाओ चरमंताओ गोथूभस्स आवासपव्वयस्स पुरच्छिभिल्ले चरमंते एस णं अट्टासीइं जौयणसहस्साइं अब्बाहाए अंतरे पं० एवं चउसुवि दिसासु नेयव्वं, बाहिराओ उत्तराओ णं कट्ठाओ सूरिए पढमं छम्मासं अयमाणे चोयालीसइमे मंडलगते अट्टासीती इगसट्ठिभागे मुहुत्तस्स दिवसखेत्तस्स निवुड्ढेत्ता रयणिखेत्तस्स अभिनिवुड्ढेत्ता सूरिए चारं चरइ, दक्खिणकट्ठाओ सूरिए दोच्चं छम्मासं अयमाणे चोयालीसतिमे मंडलगते अट्टासीई इगसट्ठिभागे मुहुत्तस्स रयणिखेत्तस्स निवुड्ढेत्ता दिवसखेत्तस्स अभिनिवुड्ढेत्ताणं सूरिए चारं चरइ । ८८ । उसभे णं अरहा कोसलिए इमीसे ओसप्पिणीए ततीयाए सुसमदूसमाए समाए पच्छिमे भागे एगूणणउईए अब्बमासेहिं सेसेहिं कालगए जाव सव्वदुक्खप्पहीणे, समणे भगवं महावीरे इमीसे ओसप्पिणीए चउत्थाए दूसमसुसमाए समाए पच्छिमे भागे एगूणणउईए अब्बमासेहिं सेसेहिं कालगए जाव सव्वदुक्खप्पहीणे, हरिसेणे णं राया चाउरंतचक्कवट्ठी एगूणणउई वाससयाइं महाराया होत्था, संतिस्स णं अरहओ एगूणणउई अज्जासाहस्सीओ उक्कोसिया अज्जियासंपया होत्था । ८९ । सीयले णं अरहा नउइं धणूइं उड्ढंउच्चत्तेणं होत्था, अजियस्स णं अरहओ नउई गणा नउई गणहरा होत्था, एवं संतिस्सवि, सयंभुस्स णं वासुदेवस्स णउइवासाइं

विजए होत्था, सव्वेसिं णं वट्ठवेयइढपव्वयाणं उवरिल्लाओ सिहरतलाओ सोगंधियकण्डस्स हेड्डिल्ले चरमंते एस णं नउइजोयणसयाइं
 अबाहाए अंतरे पं०, १९० । एक्काणउई परवेयावच्चकम्मपडिमाओ पं०, कालोए णं समुदे एक्काणउई जोयणसयसहस्साइं साहियाइं
 परिक्खेवेणं पं०, कुंथुस्स णं अरहओ एक्काणउई आहोहियसया होत्था, आउयगोयवज्जाणं छण्हं कम्मपगडीणं एकाणउई उत्तरपगडीओ
 पं० १९१ । बाणउई पडिमाओ पं०, थेरे णं इंदभूती बाणउइवासाइं सव्वाउयं पालइत्ता सिद्धे बुद्धे०, मंदरस्स णं पव्वयस्स
 बहुमज्झदेसभागाओ गोथूभस्स आवासपव्वयस्स पच्चच्छिमिल्ले चरमंते एस णं बाणउई जोयणसहस्साइं अबाहाए अंतरे पं०, एवं
 चउण्हंपि आवासपव्वयाणं १९२ । चंदप्पहस्स णं अरहओ तेणउई गणा तेणउई गणहरा होत्था, संतिस्स णं अरहओ तेणउई
 चउदसपुव्विसया होत्था, तेणउईमंडलगते णं सुरिए अतिवट्ठमाणे वा निवट्ठमाणे वा समं अहोरत्तं विसमं करेइ १९३ । निसहनीलवंतियाओ
 णं जीवाओ चउणउई जोयणसहस्साइं एक्कं छप्पन्नं जोयणसयं दोन्नि य एगूणवीसइभागे जोयणस्स आयामेणं पं०, अजियस्स णं
 अरहओ चउणउई ओहिनाणिसया होत्था १९४ । सुपासस्स णं अरहओ पंचाणउई गणा पंचाणउई गणहरा होत्था, जम्बुदीवस्स णं
 दीवस्स चरमंताओ चउद्विसिं लवणसमुदं पंचाणउई पंचाणउई जोयणसहस्साइं ओगाहित्ता चत्तारि महापायालकलसा पं०तं०- वलयामुहे
 केऊए जूयए ईसरे, लवणसमुदस्स अभओपासंपि पंचाणउयं पंचाणउयं पदेसाओ उव्वेहुस्सेहपरिहाणीए पं०, कुंथु णं अरहा पंचाणउई
 वाससहस्साइं परमाउयं पालइत्ता सिद्धे बुद्धे जाव पहीणे, थेरे णं मोरियपुत्ते पंचाणउइवासाइं सव्वाउयं पालइत्ता सिद्धे बुद्धे जावप्पहीणे

॥ श्रीसमवायाङ्ग सूत्रं ॥

६०

पू. सागरजी म. संशोधित

॥ १५ ॥ एगमेगस्स णं रत्तो चाउरंतचक्कवट्टिस्स छण्णउई छण्णउई गामकोडीओ होत्था, वायुकुमाराणं छण्णउई भवणावाससयसहस्सा
 पं०, ववहारिए णं दंडे छण्णउई अङ्गुलाइं अंगुलमाणेणं, एवं धणू नालिया जुगे अक्खे मुसलेऽवि हु, अब्भितरओ आइमुहुत्ते
 छण्णउइअंगुलछाए पं० ॥ १६ ॥ मंदरस्स णं पव्वयस्स पच्चच्छिमिल्लाओ चरमंताओ गोथूभस्स णं आवासपव्वयस्स पच्चच्छिमिल्ले
 चरमंते एस णं सत्ताणउई जोयणसहस्साइं अब्बाहाए अंतरे पं०, एवं चउदिसिंपि, अट्ठण्हं कम्मपगडीणं सत्ताणउई कम्मपगडीओ पं०,
 हरिसेणे णं राया चाउरंतचक्कवट्टी देसूणाइं सत्ताणउई वाससयाइं अगारमज्जे वसित्ता मुंडे भवित्ताणं जाव पव्वइए ॥ १७ ॥ नंदणवणस्स
 णं उवरिल्लाओ चरमंताओ पंडुयवणस्स हेट्ठिल्ले चरमंते एस णं अट्ठाणउइ जोयणसहस्साइं अब्बाहाए अंतरे पं०, मंदरस्स णं पव्वयस्स
 पच्चच्छिमिल्लाओ चरमंताओ गोथूभस्स आवासपव्वयस्स पुरच्छिमिल्ले चरमंते एस णं अट्ठाणउई जोयणसहस्साइं अब्बाहाए अंतरे पं०,
 एवं चउदिसिंपि, दाहिणभरहस्स णं धणुप्पिट्ठे अट्ठाणउई जोयणसयाइं किंचूणाइं आयामेणं पं०, उत्तराओ कट्ठाओ सूरिए पढमं
 छम्मासं अयमाणे एगूणपन्नासतिमे मण्डलगते अट्ठाणउइं एकसट्ठिभागे मुहुत्तस्स दिवसखेत्तस्स निवुड्ढेत्ता रयणिखेत्तस्स अभिनिवुड्ढित्ताणं
 सूरिए चारं चरइ, दक्खिणाओ णं कट्ठाओ सूरिए दोच्चं छम्मासं अयमाणे एगूणपन्नासइमे मंडलगते अट्ठाणउइं एकसट्ठिभाए मुहुत्तस्स
 रयणिखेत्तस्स निवुड्ढेत्ता दिवसखेत्तस्स अभिनिवुड्ढित्ताणं सूरिए चारं चरइ, रेवईपढमजेट्ठापज्ज वसाणाणं एगूणवीग्गाए नक्खत्ताणं
 अट्ठाणउई ताराओ तारग्गेणं पं० ॥ १८ ॥ मंदरे णं पव्वए णवणउइं जोयणसहस्साइं उड्ढंउच्चत्तेणं पं०, नंदणवणस्स णं पुरच्छिमिल्लाओ

चरमंताओ पच्चच्छिमिल्ले चरमंते एस नवनउई जोयणसयाइं अब्बाहाए अंतरे पं०, एवं दक्खिणिअओ चरमंताओ उत्तरिल्ले चरमंते एस
 णं णवणउई जोयणसयाइं अब्बाहाए अंतरे पं०, उत्तरे पढमे सूरियमंडले नवनउई जोयणसहस्साइं साइरेगाइं आयामविक्खंभेणं पं०,
 दोच्चे सूरियमंडले नवनउई जोयणसहस्साइं साहियाइं आयामविक्खंभेणं पं०, तइए सूरियमंडले नवनउई जोयणसहस्साइं साहियाइं
 आयामविक्खंभेणं पं०, इमीसे णं रयणप्पभाए पुढवीए अंजणस्स कंडस्स हेट्ठिल्लाओ चरमंताओ वाणमंतरभोमेज्जविहाराणं उवरिमंते
 एस णं नवनउई जोयणसयाइं अब्बाहाए अंतरे पं० । ९९ । दसदसमिया णं भिक्खुपडिमा एगेणं राइंदियसतेणं अब्बछट्ठेहिं भिक्खासतेहिं
 अहासुत्तं जाव आराहिया यावि भवइ, सयभिसया नक्खत्ते एक्कसयतारे पं०, सुविही पुप्फदंते णं अरहा एगं धणूसयं उइढंउच्चत्तेणं
 होत्था, पासे णं अरहा पुरिसादाणीए एक्कं वाससयं सव्वाउयं पालइत्ता सिद्धे जावप्पहीणे, एवं थेरेऽवि अज्जसुहम्मे, सव्वेऽवि णं
 दीहवेयइढपव्वया एगमेगं गाउयसयं उइढंउच्चत्तेणं पं०, सव्वेऽवि णं चुल्लहिमवंतसिहरीवासहरपव्वया एगमेगं जोयणसयं उइढंउच्चत्तेणं
 पं० एगमेगं गाउयसयं उव्वेहेणं पं०, सव्वेऽवि णं कंचणगपव्वया एगमेगं जोयणसयं उइढंउच्चत्तेणं पं० एगमेगं गाउयसयं उव्वेहेणं
 पं०, एगमेगं जोयणसयं मूले विक्खंभेणं पं० । १०० । चंदपभ्भे णं अरहा दिवइढं धणुसयं उइढंउच्चत्तेणं होत्था, आरणे कप्पे
 दिवइढं विमाणावाससयं पं०, एवं अच्चुएऽवि । १०१ । सुपासे णं अरहा दो धणुसया उइढंउच्चत्तेणं होत्था, सव्वेऽवि णं
 महाहिमवंतरूपीवासहरपव्वया दो दो जोयणसयाइं उइढंउच्चत्तेणं पं० दो दो गाउयसयाइं उव्वेहेणं पं०, जंबुदीवे णं दीवे दो

कंचणपव्वयसया पं० । १०२ । पउमप्पभे णं अरहा अइढाइज्जाइं धणुसयाइं उइढंउच्चत्तेणं होत्था, असुरकुमाराणं देवाणं पासायवडिंसगा
 अइढाइज्जाइं जोयणसयाइं उइढंउच्चत्तेणं पं० । १०३ । सुमई णं अरहा तिण्णि धणुसयाइं उइढंउच्चत्तेणं होत्था, अरिद्विनेमी णं अरहा
 तिण्णि वाससयाइं कुमारवासमज्जे वसित्ता मुंडे भवित्ता जाव पव्वइए, वेमाणियाणं देवाणं विमाणपागारा तिण्णि तिण्णि जोयणसयाइं
 उइढंउच्चत्तेणं पं०, समणस्स णं भगवओ महावीरस्स तिन्नि सयाणि चोदसपुव्वीणं० होत्था, पंचधणुसइयस्स णं अंतिमसारीरियस्स णं
 सिद्धिगयस्स सातिरेगाणि तिण्णि धणुसयाणि जीवप्पदेसोगाहणा पं० । १०४ । पासस्स णं अरहओ पुरिसादाणीयस्स अदधुदुसयाइं
 चोदसपुव्वीणं० संपया होत्था, अभिनंदणे णं अरहा अदधुदुइं धणुसयाइं उइढंउच्चत्तेणं होत्था । १०५ । संभवे णं अरहा चत्तारि
 धणुसयाइं उइढंउच्चत्तेणं होत्था, सव्वेऽवि णं णिसढनीलवंता वासहरपव्वया चत्तारि चत्तारि जोयणसयाइं उइढंउच्चत्तेणं चत्तारि
 चत्तारि गाउयसयाइं उव्वेहेणं पं०, सव्वेऽवि णं वक्खारपव्वया णिसढनीलवंतवासहरपव्वए(न्ते)णं चत्तारि चत्तारि जोयणसयाइं
 उइढंउच्चत्तेणं चत्तारि चत्तारि गाउयसयाइं उव्वेहेणं पं०, आणयपाणएसु दोसु कप्पेसु चत्तारि विमाणसया पं०, समणस्स णं भगवओ
 महावीरस्स चत्तारि सया वाईणं सदेवमणुयासुरंभि लोगंभि वाए अपराजियाणं उक्कोसिया वाइसंपया होत्था । १०६ । अजिते णं अरहा
 अद्धपंचमाइं धणुसयाइं उइढंउच्चत्तेणं होत्था, सगरे णं राया चाउरंतचक्कवट्ठी अद्धपंचमाइं धणुसयाइं उइढंउच्चत्तेणं होत्था । १०७ ।
 सव्वेऽवि णं वक्खारपव्वया सीआसीओआओ महानईओ मंदरपव्वयंतेणं पंच पंच जोयणसयाइं उइढंउच्चत्तेणं पंच पंच गाउयसयाइं

उव्वेहेणं पं०, सव्वेऽवि णं वासहरकूडा पंच पंच जोयणसयाइं उइढंउच्चत्तेणं होत्था मूले पंच पंच जोयणसयाइं विक्खंभेणं पं०, उसभे णं अरहा कोसलिए पंच धणुसयाइं उइढंउच्चत्तेणं होत्था, भरहे णं राया चाउरंतचक्कवट्ठी पंच धणुसयाइं उइढंउच्चत्तेणं होत्था, सोमणसगंधनादणविज्जुप्पभमालवंता णं वक्खारपव्वया णं मंदरपव्वयंतेणं पंच २ जोयणसयाइं उइढंउच्चत्तेणं पंच पंच गाउयसयाइं उव्वेहेणं पं०, सव्वेऽवि णं वक्खारपव्वयकूडा हरिहरिस्सहकूडवज्जा पंच पंच जोयणसयाइं उइढंउच्चत्तेणं मूले पंच पंच जोयणसयाइं आयामविक्खंभेणं पं०, सव्वेऽवि णं नंदणकूडा बलकूडवज्जा पंच पंच जोयणसयाइं उइढंउच्चत्तेणं मूले पंच पंच जोयणसयाइं आयामविक्खंभेणं पं०, सोहम्भीसाणेसु कप्पेसु विमाणा पंच २ जोयणसयाइं उइढंउच्चत्तेणं पं. १०८ । सणंकुमारमाहिंदेसु कप्पेसु विमाणा छ जोयणसयाइं उइढंउच्चत्तेणं पं०, चुल्लहिमवंतकूडस्स उवरिल्लाओ चरमंताओ चुल्लहिमवंतस्स वासहरपव्वयस्स समधरणितले एस णं छ जोयणसयाइं अब्बाहाए अंतरे पं०, एवं सिंहरीकूडस्सवि, पासस्स णं अरहओ छ सया वाईणं सदेवमणुयासुरे लोए वाए अपराजियाणं उक्कोसिया वाइसंपया होत्था, अभिचंदे णं कुलगरे छ धणुसयाइं उइढंउच्चत्तेणं होत्था, वासुपुज्जे णं अरहा छहिं पुरिससएहिं सद्धिं मुंडे भवित्ता अगाराओ अणगारियं पव्वइए १०९ । बंभलंतएसु कप्पेसु विमाणा सत्त सत्त जोयणसयाइं उइढंउच्चत्तेणं पं०, समणस्स णं भगवओ महावीरस्स सत्त जिणसया होत्था, समणस्स णं भगवओ महावीरस्स सत्त वेउव्वियसया० होत्था, अरिडुनेमी णं अरहा सत्त वाससयाइं देसूणाइं केवलपरियागं पाउणित्ता सिद्धे बुद्धे जावप्पहीणे, महाहिमवंतकूडस्स णं उवरिल्लाओ चरमंताओ

महाहिमवंतस्स वासहरपव्वयस्स समधरणितले एस णं सत्त जोयणसयाइं आबाहाए अंतरे पं० - एवं रुप्पिकूडस्सवि । ११० ।
महासुक्कसहस्सारेसु दोसु कप्पेसु विमाणा अट्ठ जोयणसयाइं उड्ढंउच्चत्तेणं पं०, इमीसे णं रयणप्पभाए पुढवीए पढमे कंडे अट्ठसु
जोयणसएसु वाणमंतरभोमेज्जविहारा पं०, समणस्स णं भगवओ महावीरस्स अट्ठ सया अणुत्तरोववाइयाणं देवाणं गइकल्लाणाणं
ठिइकल्लाणाणं आगमेसि भद्दाणं उक्कोसिया अणुत्तरोववाइयसंपया होत्था, इमीसे णं रयणप्पभाए पुढवीए बहुसमरमणिज्जाओ
भूमिभागाओ अट्ठहिं जोयणसएहिं सूरिए चारं चरति, अरहओ णं अरिद्धनेमिस्स अट्ठ सयाइं वाईणं सदेवमणुयासुरंमि लोगंमि वाए
अपराजियाणं उक्कोसिया वाइसंपया होत्था । १११ । आणयपाणयआरणअच्चुएसु कप्पेसु विमाणा नव नव जोयणसयाइं उड्ढंउच्चत्तेणं
पं०, निसढकूडस्स णं उवरिल्लाओ सिहरतलाओ णिसढस्स वासहरपव्वयस्स समे धरणितले एस णं नव जोयणसयाइं अबाहाए अंतरे
पं०, एवं नीलवंतकूडस्सवि, विमलवाहणे णं कुलगरे णं नव धणुसयाइं उड्ढंउच्चत्तेणं होत्था, इमीसे णं रयणप्पभाए० बहुसमरमणिज्जाओ
भूमिभागाओ नवहिं जोयणसएहिं सव्वुवरिमे तारारूवे चारं चरइ, निसढस्स णं वासहरपव्वयस्स उवरिल्लाओ सिहरतलाओ इमीसे णं
रयणप्पभाए पुढवीए पढमस्स कंडस्स बहुमज्झदेसभाए एस णं नव जोयणसयाइं अबाहाए अंतरे पं०, एवं नीलवंतस्सवि । ११२ ।
सव्वेऽवि णं गेवेज्जविमाणे दस दस जोयणसयाइं उड्ढंउच्चत्तेणं पं०, सव्वेऽवि णं जमगपव्वया दस दस जोयणसयाइं उड्ढंउच्चत्तेणं
पं० दस दस गाउयसयाइं उव्वेहेणं पं० मूले दस दस जोयणसयाइं आयामविक्खंभेणं पं०, एवं चित्तविचित्तकूडावि भाणियव्वा,

सव्वेऽवि णं वट्टवेयड्ढपव्वया दस दस जोयणसयाइं उड्ढंउच्चत्तेणं दस दस गाउयसयाइं उव्वेहेणं मूले दस दस जोयणसयाइं विक्खंभेणं
 सव्वत्थ समा पल्लगसंठाणसंठिया पं०, सव्वेऽवि णं हरिहरिस्सहकूडा वक्खारकूडवज्जा दस दस जोयणसयाइं उड्ढंउच्चत्तेणं मूले दस
 जोयणसयाइं विक्खंभेणं, एवं बलकूडावि नंदणकूडवज्जा, अरहा णं अरिट्ठनेमी दस वाससयाइं सव्वाउयं पालइत्ता सिद्धे बुद्धे जाव
 सव्वदुक्खप्पहीणे, पासस्स णं अरहओ० दस सयाइं जिणाणं होत्था, पासस्स णं अरहओ० दस अंतेवासीसयाइं कालगयाइं जाव
 सव्वदुक्खप्पहीणाइं, पउमदहपुंडरीयदहा य दस दस जोयणसयाइं आयामेणं पं० । ११३ । अणुत्तरोववाइयाणं देवाणं विमाणा एक्कारस
 जोयणसयाइं उड्ढंउच्चत्तेणं पं०, पासस्स णं अरहओ० इक्कारस सयाइं वेउव्वियाणं० होत्था । ११४ । महापउममहापुंडरीयदहाणं दो
 दो जोयणसहस्साइं आयामेणं पं० । ११५ । इमीसे णं रयणप्पभाए पुढवीए वड्ढरकंडस्स उवरिल्लाओ चरमंताओ लोहियक्खकंडस्स
 हेट्ठिल्ले चरमंते एस णं तिन्नि जोयणसहस्साइं अबाहाए अंतरे पं० । ११६ । तिगिच्छकेसरिदहाणं चत्तारि चत्तारि जोयणसहस्साइं
 आयामेणं पं० । ११७ । धरणितले मंदरस्स णं पव्वयस्स बहुमज्झदेसभाए रुयगनाभीओ चउदिसिं पञ्च २ जोयणसहस्साइं अबाहाए
 अंतरे मंदरपव्वए पं० । ११८ । सहस्सारे णं कप्पे छ विमाणावाससहस्सा पं० । ११९ । इमीसे णं रयणप्पभाए पुढवीए रयणस्स कंडस्स
 उवरिल्लाओ चरमंताओ पुलगस्स कंडस्स हेट्ठिल्ले चरमंते एस णं सत्त जोयणसहस्साइं अबाहाए अंतरे पं० । १२० । हरिवासरम्मयाणं
 वासा अट्ठ जोयणसहस्साइं साइरेगाइं वित्थरेणं पं० । १२१ । दाहिणड्ढभरहस्स णं जीवा पाईणपडीणायया दुहओ समुदं पुट्ठा नव

जोयणसहस्साइं आयामेणं पं० १२२ । मंदरे णं पव्वए धरणितले दस जोयणसहस्साइं विक्खंभेणं पं० १२३ । जंबूदीवे णं दीवे एणं
जोयणसयसहस्सं आयामविक्खंभेणं पं० १२४ । लवणे णं समुदे दो जोयणसयसहस्साइं चक्रवालविक्खंभेणं पं० १२५ । पासस्स
णं अरहओ तिन्नि सयसाहस्सीओ सत्तावीसं च सहस्साइं उक्कोसिया सावियासंपया होत्था । १२६ । धायइखंडे णं दीवे चत्तारि
जोयणसयसहस्साइं चक्रवालविक्खंभेणं पं० १२७ । लवणस्स णं समुदस्स पुरिच्छिमिल्लाओ चरमंताओ पच्चच्छिमिल्ले चरमंते एस णं
पंच जोयणसयसहस्साइं अबाहाए अंतरे पं० १२८ । भरहे णं राया चाउरंतचक्रवट्ठी छ पुव्वसयसहस्साइं रायमज्जे वसित्ता मुंडे
भवित्ता अगाराओ अणगारियं पव्वइए । १२९ । जम्बूदीवस्स णं दीवस्स पुरिच्छिमिल्लाओ वेइयंताओ धायइखंडचक्रवालस्स पच्चच्छिमिल्ले
चरमंते सत्त जोयणसयसहस्साइं अबाहाए अंतरे पं० १३० । माहिंदे णं कप्पे अट्ट विमाणावाससयसहस्साइं पं० । १३१ । अजियस्स
णं अरहओ साइरेगाइं नव ओहिनाणिसहस्साइं होत्था । १३२ । पुरिससीहे णं वासुदेवे दस वाससयसहस्साइं सव्वाउयं पालइत्ता
पञ्चमाए पुढवीए नेरइएसु नेरइयत्ताए उववन्ने । १३३ । समणे भगवं महावीरे तित्थगरभवग्गहणाओ छट्ठे पोडिलभवग्गहणे एणं
वासकोडिं सामन्नपरियागं पाउणित्ता सहस्सारे कप्पे सव्वट्टविमाणे देवत्ताए उववन्ने । १३४ । उसभसिरिस्स णं भगवओ चरिमस्स य
महावीरवद्धमाणस्स एगा सागरोवमकोडाकोडी अबाहाए अंतरे पं० । १३५ । दुवालसंगे गणिपिडगे पं० तं०-आयारे सूयगडे ठाणे
समवाए विवाहपन्नत्ती णायाधम्मकहाओ उवासगदसाओ अंतगडदसाओ अणुत्तरोववाइयदसाओ पणहावागरणाइं विवागसुए दिट्ठिवाए ।

से किं तं आयारे ? आयारे णं समणाणं निग्गंथाणं आधारगोथरविणयवेणइयद्वेणगमणचंकम णपमाणजोगजुंजणभासासमितिगुत्ती-
 सेज्जोवहिभत्तपाणउग्गमउप्पायणएसणा विसोहिसुद्धासुद्धग्गहणवयणियमतवोवहाणसुप्पत्थमाहिज्जइ, से समासओ पञ्चविहे पं०तं०-
 णाणायाये दंसणायाये चरित्तायाये तवायाये विरियायाये, आयारस्स णं परित्ता वायणा संखेज्जा अणुओगदारा संखेज्जाओ पडिवत्तीओ
 संखेज्जा वेढा संखेज्जा सिलोगा संखेज्जाओ निज्जुत्तीओ, से णं अंगठयाए पढमे अंगे दो सुयक्खंधा पणवीसं अञ्जयणा पंचासीई
 उद्देसणकाला पंचासीई समुद्देसणकाला अट्टारस पदसहस्साइं पदग्गेणं संखेज्जा अक्खरा अणंता गमा अणंता पज्जवा परित्ता तसा
 अणंता थावरा सासया कडा निबद्धा णिकाइया जिणपण्णात्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति
 उवदंसिज्जंति, से एवं णाया एवं विण्णाया एवं चरणकरणपरूवणया आघविज्जंति पण्णविज्जंति परूविज्जंति दंसिज्जंति निदंसिज्जंति
 उवदंसिज्जंति, सेत्तं आयारे । १३६ । से किं तं सूअगडे ? सूअगडे णं ससमया सूइज्जंति परसमया सूइज्जंति ससमयपरसमया सूइज्जंति
 जीवा सूइज्जंति अजीवा सूइज्जंति जीवाजीवा सूइज्जंति लोगो सूइज्जंति अलोगो सूइज्जंति लोगालोगा सूइज्जंति, सूअगडे णं जीवाजीव-
 पुण्णपावासवसंवरनिज्जरणबंधमोक्खावसाणा पयत्था सूइज्जंति, समणाणं अचिरकालपव्वइयाणं कुसमयमोहमइमोहियाणं
 संदेहजायसहजबुद्धिपरिणामसंसइयाणं पावकरमलिनमइगुणविसोहणत्थं असीअस्स किरियावाइयसयस्स चउरासीए अकिरियवाईणं
 सत्तट्ठीए अण्णाणियवाईणं बत्तीसाए वेणइयवाईणं तिण्हं तेवट्ठीणं अण्णदिट्ठियसयाणं वूहं किच्चा ससमए ठाविज्जति

णाणदिट्ठंतवयणणिस्सारं सुदुतु दरिसयंता विविहवित्थराणुगमपरमसम्भावगुणविसिद्धा मोक्खपहोयारगा उदारा अण्णाणतमंधकारदुग्गेसु
 दीवभूआ सेवाणा चेव सिद्धिसुगइगिहुत्तमस्स णिक्खोभनिप्पकंपा सुत्तत्था, सूयगडस्स णं परित्ता वायणा संखेज्जा अणुओगदारा
 संखेज्जाओ पडिवत्तीओ संखेज्जा वेढा संखेज्जा सिलोगा संखेज्जाओ निज्जुत्तीओ, से णं अङ्गट्ठयाए दोच्चे अंगे दो सुयक्खंधा तेवीसं
 अज्झयणा तेत्तीसं उद्देसणकाला तेत्तीसं समुद्देसणकाला छत्तीसं पदसहस्साइं पयग्गेणं पं०, संखेज्जा अक्खरा अणंता गमा अणंता
 पज्जवा परित्ता तसा अणंता थावरा सासया कडा णिबद्धा णिकाइया जिणपण्णत्ता भावा आघविज्जंति पण्णविज्जंति परूविज्जंति
 निदंसिज्जंति उवदंसिज्जंति, से एवं आया एवं णाया एवं विण्णाया एवं चरणकरणपरूवणया आघविज्जंति पण्णविज्जंति परूविज्जंति
 निदंसिज्जंति उवदंसिज्जंति, से तं सूअगडे १३७ १ से किं तं ठाणे ?, ठाणेणं ससमया ठाविज्जन्ति परसमया ठाविज्जंति ससमयपरसमया
 ठाविज्जंति जीवा ठाविज्जंति अजीवा ठाविज्जंति जीवाजीवा० लोगो० अलोगो० लोगालोगा ठाविज्जंति, ठाणेणं
 दव्वगुणखेत्तकालपज्जवपयत्थाणं सेला सलिला य समुद्धा सूरभवणविमाण आगर णदीओ । णिहिओ पुरिसज्जाया(पुरिसजोया पा०)सरा
 य गोत्ता य जोइसंचाला ॥ ६२ ॥ एक्कविहवत्तव्ययं दुविह जाव दसविहवत्तव्ययं जीवाण पोग्गलाण य लोगट्ठाइ णं च णं परूवणया
 आघविज्जंति०, ठाणस्स णं परित्ता वायणा संखेज्जा अणुओगदारा संखेज्जाओ पडिवत्तीओ संखेज्जा वेढा संखेज्जा सिलोगा संखेज्जाओ
 संगहणीओ, से णं अंगट्ठयाए तइए अंगे एगे सुयक्खंधे दस अज्झयणा एक्कवीसं उद्देसणकाला० बावत्तरिं पयसहस्साइं पयग्गेणं पं०,

संखेज्जा अक्खरा अणंता पज्जवा परित्ता तसा अणंता थावरा सासया कडा णिबद्धा णिकाइया जिणपण्णत्ता भावा आघविज्जंति पण्णविज्जंति परूविज्जंति निदंसिज्जंति उवदंसिज्जंति, से एवं आया एवं णाया एवं विण्णयाया एवं चरणकरणपरूवणया आघविज्जंति०, सेत्तं ठाणे । १३८ । से किं तं समवाए ? समवाएणं ससमया सूइज्जंति परसमया सूइज्जंति ससमयपरसमया सूइज्जंति जाव लोगालोगा सूइज्जंति, समवाएणं एगाइयाणं एगट्ठाणं एगुत्तरियपरिवुड्ढीए दुवालसंगस्स य गणिपिडगस्स पल्लवगे समणुगाइज्जइ, ठाणगसयस्स बारसविहवित्थरस्स सुयणाणस्स जगजीवहियस्स भगवओ समासेणं समोयारे आहिज्जति, तत्थ य णाणाविहप्पगारा जीवाजीवा य वणिणया वित्थरेण अवरेऽवि अ बहुविहा विसेसा नरगतिरियमणुअसुरगणाणं आहारुस्सासलेसाआवाससंखआयप्पमाणउववाय-चवणउग्गहणोवहिवेयणविहाणउवओगजोगइंदियकसाया विविहा य जीवजोणी विक्खंभुस्सेहपरियप्पमाणं विहिविसेसा य मंदरादीणं महीधराणं कुलगरतित्थगरगणहराणं सम्भत्तभरहाहिवाणं चक्कीणं चेव चक्कहरहलहराण य वासाणू य निगमा य समाए एए अण्णे य एवमाई एत्थ वित्थरेणं अत्था समाहि(मवा)ज्जंति, समवायस्स णं परित्ता वायणा जाव से णं अङ्गट्ठयाए चउत्थे अंगे एगे अज्झयणे एगे सुयक्खंधे एगे उद्देसणकाले० एगे चउयाले पदसयसहस्से पदग्गेणं पं०, संखेज्जाणि अक्खराणि जाव चरणकरणपरूवणया आघविज्जंति०, सेत्तं समवाए । १३९ । से किं तं वियाहे ?, वियाहेणं ससमया विआहिज्जंति परसमया विआहिज्जंति ससमयपरसमया विआहिज्जंति जीवा विआहिज्जंति अजीवा विआहिज्जंति जीवाजीवा विआहिज्जंति लोगे विआहिज्जइ अलोए वियाहिज्जइ लोगालोगे

विआहिज्जइ, वियाहेणं नाणाविहसुरनरिंदरायरिसिविविहसंसइअपुच्छियाणं जिणेणं वित्थरेण भासियाणं दव्वगुणखेत्तकालपज्जवपदेस-
 परिणामजहट्टियभावअणुगमनिक्खेवणयप्पमाणसुनिउणोवक्कम विविहप्पकारपगडपयासियाणं लोगालोगपयासियाणं संसारसमुद्धरुंद-
 उत्तरणसमत्थाणं सुरवइसंपूजियाणं भवियजणपयहिययाभिनंदियाणं तमरयविद्धंसणाणं सुदिट्ठदीवभूयईहामतिबुद्धिवद्धणाणं
 छत्तीससहस्समणुणयाणं वागरणाणं दंसणाओ सुयत्थबहुविहप्पगारा सीसहियत्था य गुणम(गुण)हत्थ, वियाहस्स णं परित्ता वायणा
 संखेज्जा अणुओगदारा संखेज्जाओ पडिवत्तीओ संखेज्जा वेढा संखेज्जा सिलोगा संखेज्जाओ निज्जुत्ती(संगहणी)ओ, से णं अंगट्ठयाए
 पञ्चमे अंगे एगे सुयक्खंधे एगे साइरेगे अज्झयणसते दस उद्देसगसहस्साइं दस समुद्देसगसहस्साइं छत्तीसं वागरणसहस्साइं चउरासीई
 पयसहस्साइं पयग्गेणं पं०, संखेज्जाइं अक्खराइं अणंता गमा अणंता पज्जवा परित्ता तसा अणंता थावरा सासया कडा णिबद्धा
 णिकाइया जिणपण्णात्ता भावा आघविज्जंति पण्णविज्जंति परूविज्जंति निदंसिज्जंति उवदंसिज्जंति, से एवं आया से एवं विण्णाया एवं
 चरणकरणपरूवणया आघविज्जंति०, सेत्तं वियाहे । १४० । से किं तं णायाधम्मकहाओ ?, णायाधम्मकहासु णं णायाणं णगराइं
 उज्जाणाइं चेइआइं वणखंडा रायाणो अम्मापियरो समोसरणाइं धम्मायरिया धम्मकहाओ इहलोइयपरलोइअइइढीविसेसा १०
 भोगपरिच्चाया पव्वज्जाओ सुयपरिग्गहा तवोवहाणाइं परियागा संलेहणाओ भत्तपच्चक्खाणाइं पाओवगमणाइं देव लोगगमणाइं
 सुकुलपच्चायायाइं पुणबोहिलाभा अंतकिरियाओ २२ य आघविज्जंति जाव नायाधम्मकहासु णं पव्वइयाणं (समणाणं पा०)

विणयकरणजिणसामिसासण(प०पा०)वरे संजमपईण्ण(पालण पा०)धिइमइववसायदुब्बलाणं तवनियमतवोवहाणरणदुद्धर
 भरभगयणिस्सहयणिसिद्धाणं घोरपरीसहपराजियाणं सहपारद्धरुद्धसिद्धालयमग्गनिग्गयाणं विसयसुह (महेच्छा पा०)तुच्छआसावसदोस
 मुच्छियाणं विराहियचरित्तनार्णदंस णजइगुणविविहप्पयारनिस्सारसुन्नयाणं संसारअपारदुक्खदुग्गइभवविविहपरंपरापवंचा धीराण य
 जियपरिसहकसायसेण्णधिइधणियसं जमउच्छाहनिच्छियाणं आराहियनाणदंसणचरित्तजोगनिस्सल्लसुद्धसिद्धालयमग्गमभिमुहाणं
 सुरभवणविमाणसुक्खाइं अणोवमाइं भुत्तूण चिरं च भोगभोगाणि ताणि दिव्वाणि महरिहाणि ततो य कालक्कमचुयाणं जह य पुणो
 लद्धसिद्धिमग्गाणं अंतकिरिया चलियाण य सदेवमाणुस्सधीरकरणकारणाणि बोधणअणुसासणाणि गुणदोसदरिसणाणि दिट्ठंते
 पच्चये य सोऊण लोगमुणिणो जहट्टियसासणम्मि जरमरणनासणकरे आराहिअसंजमा य सुरलोगपडिनियत्ता ओवेन्ति जह सासयं
 सित्वं मव्वदुक्खमोक्खं, एए अण्णे य एवमाइं अत्था वित्थरेण य, णायाधम्मकहासु णं परित्ता वायणा संखेज्जा अणुओगदारा जाव
 संखेज्जाओ संगहणीओ, से णं अंगट्टयाए छट्ठे अंगे दो सुअक्खंधा एगूणवीसं अज्झयणा, ते समासओ दुविहा पं०तं० -चरिता य
 कप्पिया य, दस धम्मकहा णं वग्गा, तत्थ णं एगमेगाए धम्मकहाए पंच पंच अक्खाइयासयाइं एगमेगाए अक्खाइयाए पंच पंच
 उवक्खाइयासयाइं एगमेगाए उवक्खाइयाए पंच पंच अक्खाइयउवक्खाइयासयाइं एवमेव सपुव्वावरेणं अदधुट्ठाओ अक्खाइयाकोडीओ
 भवंतीतिमक्खायाओ, एगूणतीसं उद्देसणकाला एगूणतीसं समुद्देसणकाला संखेज्जाइं पयसहस्साइं पयग्गेणं पं०, संखेज्जा अक्खरा

॥ श्रीसमवायाइ सूत्रं ॥

७२

पू. सागरजी म. संशोधित

जाव चरणकरणपरूवणया आघविज्जंति०, सेत्तं णायाधम्मकहाओ । १४१ । से किं तं उवासगदसाओ ? उवासगदसासु णं उवासयाणं
 णगराइं उज्जाणाइं चेइआइं वणखंडा रायाणो अम्मापियरो समोसरणाइं धम्मायरिया धम्मकहाओ इहलोइयपरलोइयइइडिढविसेसा
 उवासयाणं सीलव्वयवेरमणगुणपच्चक्खाणपोसहो ववासपडिवज्जणयाओ सुयपरिग्गहा तवोवहाणा पडिमाओ उवसग्गा संलेहणाओ
 भत्तपच्चक्खाणाइं पाओवगमणाइं देवलोगगमणाइं सुकुलपच्चायाया पुणो बोहिलाभा अंतकिरियाओ आघविज्जंति, उवासगदसासु
 णं उवासयाणं रिद्धिविसेसा परिसा वित्थरधम्मसवणाणि बोहिलाभअभिगमसम्भत्तविसुद्धया थिरत्तं मूलगुणउत्तरगुणाइयारा ठिइविसेसा
 य बहु विसेसा पडिमाभिग्गहग्गहणपालणा उवसग्गाहियासणा णिरूवसग्गा य तवा य विचित्ता सीलव्वयगुणवेरमणपच्चक्खाण-
 पोसहोववासा अपच्छिममारणंतियसंलेहणा झोसणाहिं अप्पाणं जह भावइत्ता बहूणि भत्ताणि अणसणाए य छेअइत्ता उववण्णा
 कप्पवरवि माणुत्तमेसु जह अणुभवन्ति सुरवरविमाणवरपोंडरीएसु सोक्खाइं अणोवमाइं कमेण भुत्तूण उत्तमाइं तओ आउक्खएणं
 चुया समाणा जह जिणमयम्मि बोहिं लद्धूण य संजमुत्तमं तमरयोधविप्पमुक्का उवेति जह अक्खयं सव्वदुक्खमोक्खं, एते अत्रे य
 एवमाइअत्था वित्थरेण य०, उवासयदसासु णं परित्ता वायणा संखेज्जा अणुओगदारा जाव संखेज्जाओ संगहणीओ, से णं अंगट्ठयाए
 सत्तमे अंगे एगे सुयक्खंधे दस अज्झयणा दस उद्देसणकाला दस समुद्देसणकाला संखेज्जाइं पयसयसहस्साइं पयग्गेणं पं०, संखेज्जाइं
 अक्खराइं जाव एवं चरणकरणपरूवणया आघविज्जंति०, सेत्तं उवासगदसाओ । १४२ । से किं तं अंतगडदसाओ ? अंतगडदसासु णं

अंतगडाणं णगराइं उज्जाणाइं चेइयाणं वणाइं राया अम्मापियरो समोसरणा धम्मायरिया धम्मकहा इहलोइयपरलोइअइइडिढविसेसा भोगपरिच्चाया पव्वज्जाओ सुयपरिग्गहा तवोवहाणाइं पडिमाओ बहुविहाओ खमा अज्जवं मद्दवं च सोअं च सच्चसहियं सत्तरसविहो य संजमो उत्तमं च बंभं आकिंचणया तवो चियाओ समिइगुत्तीओ चेव तह अप्पमायजोगो सज्झायज्झाणेण य उत्तमाणं दोणहंपि लक्खणाइं पत्ताण य संजमुत्तमं जियपरीसहाणं चउव्विहकम्मक्खयम्मि जह केवलस्स लंभो परियाओ जत्तिओ य जह पालिओ मुणीहिं पायोवगओ य जो जहिं जत्तियाणि भत्ताणि छेअइत्ता अंतगडो मुनिवरो तमरयोधविप्पमुक्को मोक्खसुहमणंतं च पत्ता एए अत्रे य एवमाइअत्था वित्थारेणं परूविज्जंति, अंतगडदसासु णं परित्ता वायणा संखेज्जा अणुओगदारा जाव संखेज्जाओ संगहणीओ जाव से णं अंगट्टयाए अट्टमे अंगे एगे सुयक्खंधे दस अज्झयणा सत्ता वग्गा दस उद्देसणकाला दस समुद्देसणकाला संखेज्जाइं पयसयसहस्साइं पयग्गेणं पं०, संखेज्जा अक्खरा जाव एवं चरणकरणपरूवणया आघविज्जंति०, सेत्तं अंतगडदसाओ । १४३ । से किं तं अणुत्तरोववाइयदसाओ ?, अणुत्तरोववाइयदसासु णं अणुत्तरोववाइयाणं नगराइं उज्जाणाइं चेइयाइं वणखंडा रायाणो अम्मापियरो समोसरणाइं धम्मायरिया धम्मकहाओ इहलोगपरलोगइइडिढविसेसा भोगपरिच्चाया पव्वज्जाओ सुयपरिग्गहा तवोवहाणाइं परियागो पडिमाओ संलेहणाओ भत्तपाणपच्चक्खाणाइं पाओवगमणाइं अणुत्तरोववाओ सुकुलपच्चायाया पुणो बोहिलाभो अंतकिरियाओ य आघविज्जंति, अणुत्तरोववाइयदसासु णं तित्थकरसमोसरणाइं परममंगल्लजगहियाणि जिणातिसेसा य बहुविसेसा जिणसीसाणं चेव

समणगणपवरगंधहन्थीणं थिरजसाणं परिसहसेण्णरिउबलपमद्वणाणं दव (तव पा०) दित्तचरित्तणाणसम्भत्तसारविहप्पगार-
 वित्थरपसत्थगुणसंजुयाणं (गुणज्झयाणं पा०) अणगारमहरिसीणं अणगारगुणाण वण्णओ उत्तमवरतवविसिद्धणाणजोगजुत्ताणं
 जह य जगहियं भगवओ जारिसा इडिढविसेसा देवासुरमाणुसाणं परिसाणं पाउब्भावा य जिणसमीवं जह य उवासंति जिणवरं जह य
 परिकहंति धम्मं लोगगुरू अमरनरसुरगणाणं सोऊण य तस्स भासियं अवसेसकम्मविसयविरत्ता नरा जहा अब्भुवेति धम्ममुरालं संजमं
 तवं चावि बहुविहप्पगारं जह बहूणि वासाणि अणुचरित्ता आराहियनाणदंसणचरित्तजोगा जिणवयणमणुगयमहियं (वयणाणुगइसु
 पा०) भासित्ता जिणवराण हिययेणमणुण्णेत्ता जे य जहिं जत्तियाणि भत्ताणि छेअइत्ता लब्धूण य समाहिमुत्तमज्झाणजोगजुत्ता
 उववन्ना मुणिवरोत्तमा जह अणुत्तरेसु पावन्ति जह अणुत्तरं तत्थ विसयसोक्खं तओ य चुआ कमेण काहंति संजया जहा य अंतकिरियं
 एए अत्रे य एवमाइअत्था वित्थरेण०, अणुत्तरोववाइयदसासु णं परित्ता वायणा संखेज्जा अणुओगदारा संखेज्जाओ संगहणीओ, से णं
 अंगद्वयाए नवमे अंगे एगे सुयक्खंधे दस अज्झयणा तिन्नि वग्गा दस उद्देसणकाला दस समुद्देसणकाला संखेज्जाइं पयसयसहस्साइं
 पयग्गेणं पं०, संखेज्जाणि अक्खराणि जाव एवं चरणकरणपरूवणया आघविज्जंति०, सेत्तं अणुत्तरोववाइदसाओ । १४४ । से किं तं
 पणहावागरणाणि ?, पणहावागरणेसु अट्ठुत्तरं पसिणसयं अट्ठुत्तरं अपसिणसयं अट्ठुत्तरं पसिणापसिणसयं विज्जाइसया नागसुवन्नेहिं
 सद्धि दिव्वा संवाया आघविज्जंति, पणहावागरणदसासु णं ससमयपरसमयपण्णवयपत्ते अबुद्धविविहत्थभासाभासियाणं

अइसयगुणउवसमणाणप्पगारआयरियभासियाणं वित्थरेणं थिर(वीर पा०)महेसीहिं विविहवित्थरभासियाणं च जगहियाणं
 अद्दागंगुट्ठ बाहुअसिमणिखोमआइच्चभासियाणं विविहमहापसिणविज्जामणपसिणविज्जादेवयपयोगपहाणगुणप्पगासियाणं
 सब्भूयदु(विविह पा०)गुणप्पभावनरगणमइविभयकराणं अईसयमईयकालसमयदमसमतित्थकरुत्तमस्स ठिइकरणकारणाणं
 दुरहिगमदुरवगाहस्स सब्बसब्बत्रुसम्मअस्स अबुहजणविबोहणकरस्स पच्चक्खयपच्चयकराणं पणहाणं विविहगुणमहत्था जिणवरप्पणीया
 आघविज्जंति०, पणहावागरणेसु णं परित्ता वायणा संखेज्जा अणुओगदारा जाव संखेज्जाओ संगहणीओ, से णं अंगट्ठयाए दसमे अंगे
 एगे सुयक्खंधे पणयालीसं उद्देसणकाला पणयालीसं समुद्देसणकाला संखेज्जाणि पयसयसहस्साणि पयग्गेणं पं०, संखेज्जा अक्खरा
 अणंता गमा जाव चरणकरणपरूवणया आघविज्जंति०, सेत्तं पणहावागरणाइं । १४५ । से किं तं विवागसुयं ?, विवागसुएणं
 सुक्कडदुक्कडाणं कम्माणं फलविवागे आघविज्जंति, से समासओ दुविहे पणणत्ते, तंजहा दुहविवागे चेव सुहविवागे चेव, तत्थ णं दस
 दुहविवागाणि दस सुहविवागाणि, से किं तं दुहविवागाणि ?, दुहविवागेसु णं दुहविवागाणं नगराइं उज्जाणाइं चेइयाइं वणखंडा
 रायाणो अम्मापियरो समोसरणाइं धम्मायरिया धम्मकहाओ नगरगमणाइं संसारपबंधे दुहपरंपराओ य आघविज्जंति, सेत्तं दुहविवागाणि,
 से किं तं सुहविवागाणि ?, सुहविवागेसु सुहविवागाणं णगराइं उज्जाणाइं चेइयाइं वणखंडा रायाणो अम्मापियरो समोसरणाइं धम्मायरिया
 धम्मकहाओ इहलोइयपरलोइयइइडिद्विसेसा भोगपरिच्चाया पव्वजाओ सुयपरिग्गहा तवोवहाणाइं परियागा पडिमाओ संलेहणाओ

भक्तपच्यक्खाणाइं पाओवगमणाइं देवलोगगमणाइं सुकुलपच्चायाया पुणबोहिलाहा अंतकिरियाओ य आघविज्जंति, दुहविवागेसु णं
पाणाइवायअलियवयणचोरिक्ककरणपरदारमेहुणससंगयाए महतिव्वकसायइंदियप्पमायपावप्पओयअ सुहज्झवसाणसंचियाणं कम्माणं
पावगाणं पावअणुभागफलविवागा णिरयगतितिरिक्खजोणिबहुविहवसणसयपरंपरापबद्धाणं मणुयत्तेऽवि आगयाणं जहा
पावकम्मसेसेण पावगा होन्ति फलविवागा वहवसणविणासनासाकन्नुइं गुट्टकरचरणनहच्छेयणजिब्भच्छेअणअंजणकडगिगदाह-
गयचलणमलणफालणउल्लंभणसूललयालउडलट्ठि भंजणतउसीसगतत्ततेल्लकलकलअहिसिंचणकुं भिपागकंप णाथिरबंधणवेह-
वज्झकत्तणपतिभयंकरकरपल्लीवणादिदारुणाणि दुक्खाणि अणोवमाणि बहुविविहपरंपराणुबद्धा ण मुच्चंति पावकम्मवल्लीए, अवेयइत्ता
हु णत्थि मोक्खो तवेण धिइधणियबद्धकच्छेण सोहणं तस्स वावि हुज्जा, एत्तो य सुहविवागेसु णं सीलसंजमणियमगुणतवोवहाणेसु
साहूसु सुविहिएसु अणुकंपासयप्पओगतिकालमइविसुद्धभक्तपाणाइं पययमणसा हियसुहनीसेसतिव्वपरिणाभनिच्छियमई पयच्छिऊणं
पयोगसुद्धाइं जह य निव्वत्तेति उ बोहिलाभं जह य परित्तीकरेति नरनरयतिरियसुरगमणविपुलपरियट्ठं अरतिभयविसायसोगमिच्छत्त-
सेलसंकडं अत्राणतमंधकारचिक्खिल्लसुदुत्तारं जरमरणजोणिसंखुभियचक्कवालं सोलसकसायसावयपयंडचंडं अणाइअं अणवदग्गं
संसारसागरमिणं जह य णिबंधंति आउगं सुरगणेसु जह य अणुभवन्ति सुरगणविमाणसोक्खाणि अणोवमाणि ततो य कालंतरे चुआणं
इहेव नरलोगभागयाणं आउवपुपुण्णरूवजातिकुलजम्म आरोग्गबुद्धिमेहाविसेसा भित्तजणसयणधणधण्णविभवसमिद्धसारसमुदयविसेसा

बहुविहकामभोगुभवाण सोक्खाण सुहविवागोत्तमेसु, अणुवरयपरंपराणुबद्धा असुभाणं सुभाणं चेव कम्माणं भासिआ बहुविहा विवागा विवागसुयम्भि भगवया जिणवरेण संवेगकारणत्था अन्नेऽवि य एवमाइया बहुविहा वित्थरेणं अत्थपरूवणया आघविज्जंति०, विवागसुअस्स णं परित्ता वायणा संखेज्जा अणुओगदारा जाव संखेज्जाओ संगहणीओ, से णं अंगट्ठयाए एक्कारसमे अंगे वीसं अज्झयणा वीसं उद्देसणकाला वीसं समुद्देसणकाला, संखेज्जाइं पयसयसहस्साइं पयग्गेणं पं०, संखेज्जाणि अक्खराणि अणंता गमा अणंता पज्जवा जाव एवं चरणकरणपरूवणया आघविज्जंति०, सेत्तं विवागसुए ११४६ । से किं तं दिट्ठिवाए ?, दिट्ठिवाए णं सव्वभावपरूवणया आघविज्जंति, से समासओ पंचविहे पं० तं० - परिकम्भं सुत्ताइं पुव्वगयं अणुओगो चूलिया, से किं तं परिकम्भे ?, परिकम्भे सत्तविहे पं०तं० -सिद्ध सेणियापरिकम्भे मणुस्ससेणियापरिकम्भे पुट्ठसेणियापरिकम्भे ओगाहणसेणियापरिकम्भे उवसंपज्जसेणियापरिकम्भे विप्पजहसेणियापरिकम्भे चुआचुअसेणियापरिकम्भे, से किं तं सिद्धसेणियापरिकम्भे? सिद्धसेणिआपरिकम्भे चोदसविहे पं०तं०- माउयापयाणि एगट्ठियपयाणि पादोट्ठपयाणि आगासपयाणि केउभूयं रासिबद्धं एगगुणं दुगुणं तिगुणं केउभूयं पडिगगहो संसारपडिगगहो नंदावत्तं सिद्धबद्धं, सेत्तं सिद्धसेणियापरिकम्भे, से किं तं मणुस्ससेणियापरिकम्भे ?, मणुस्ससेणियापरिकम्भे चोदसविहे पं०तं० -ताइं चेव माउआपयाणि जाव नंदावत्तं मणुस्सबद्धं, सेत्तं मणुस्ससेणियापरिकम्भे, अवसेसाइं परिकम्भाइं पुट्ठाइयाइं एक्कारसविहाइं पन्नत्ताइं, इच्चेयाइं सत्तं परिकम्भाइं ससमइयाइं सत्तं आजीवियाइं छ चउक्कणइयाइं सत्तं तेरासियाइं, एवामेव सपुव्वावरेणं सत्तं परिकम्भाइं

॥ श्रीसमवायाङ्ग सूत्रं ॥

७८

पू. सागरजी म. संशोधित

नेसीती भवंतीतिमक्खायाइं, सेत्तं परिकम्भाइं, से किं तं सुत्ताइं?, २ अट्ठासीती भवंतीतिमक्खायाइं, तं०- उजुगं परिणयापरिणयं बहुभंगियं विप्पच्चइयं (विन (ज)यचरियं) अणंतं परंपरं समाणं संजूहं (मासाणं) संभिन्नं अहाच्चयं (अहव्वायं नन्दां) सोवत्थि (वत्त) यं णंदावत्तं बहुलं पुट्ठापुट्ठं वियावत्तं एवंभूयं दुआवत्तं वत्तमाणप्पयं समभिरूढं सव्वओभहं पणामं (पस्सासं) दुपडिग्गहं इच्चेयाइं बावीसं सुत्ताइं छिण्णच्छेअणइआइं ससमयसुत्तपरिवाडीए, इच्चेआइं बावीसं सुत्ताइं अच्छिन्नच्छेयनइयाइं आजीवियसुत्तपरिवाडीए, इच्चेआइं बावीसं सुत्ताइं तिकणइयाइं तेरासियसुत्तपरिवाडीए, इच्चेआइं बावीसं सुत्ताइं चउक्कणइयाइं ससमयसुत्तपरिवाडीए, एवामेव सपुव्वावरेणं अट्ठासीती सुत्ताइं भवंतीतिमक्खायाइं, सेत्तं सुत्ताइं, से किं तं पुव्वगयं ?, पुव्वगयं चउदसविहं पं०, तं० -उप्पायपुव्वं अग्गेणीयं वीरियं अत्थिणत्थिप्पवायं नाणप्पवायं सच्चप्पवायं आयप्पवायं कम्मप्पवायं पच्चक्खाणप्पवायं विज्जाणुप्पवायं अवंझ० पाणाऊ० किरियाविसालं लोगब्बिंदुसारं, उप्पायपुव्वस्स णं दस वत्थू पं० चत्तारि चूलियावत्थू पं०, अग्गेणीयस्स णं पुव्वस्स चोदस वत्थू बारस चूलियावत्थू पं०, वीरियपवायस्स णं पुव्वस्स अट्ठ वत्थू अट्ठ चूलियावत्थू पं०, अत्थिणत्थिप्पवायस्स णं पुव्वस्स अट्ठारस वत्थू दस चूलियावत्थू पं०, नाणप्पवायस्स णं पुव्वस्स बारस वत्थू पं०, सच्चप्पवायस्स णं पुव्वस्स दो वत्थू पं०, आयप्पवायस्स णं पुव्वस्स सोलस वत्थू पं०, कम्मप्पवायपुव्वस्स तीसं वत्थू पं०, पच्चक्खाणस्स णं पुव्वस्स वीसं वत्थू पं०, विज्जाणुप्पवायस्स णं पुव्वस्स पनरस वत्थू पं०, अवंझस्स णं पुव्वस्स बारस वत्थू पं०, पाणाउस्स णं पुव्वस्स तेरस वत्थू पं०, किरियाविसालस्स णं पुव्वस्स

तीसं वत्थू पं०, लोगबिंदुसारस्स णं पुव्वस्स पणवीसं वत्थू पं०, -दस चोदस अट्ठऽद्वारसेव बारस दुवे य वत्थूणि । सोलस तीसा वीसा पन्नरस अणुप्पवार्यंमि ॥ ६३ ॥ बारस एक्कारसमे बारसमे तेरसेव वत्थूणि । तीसा पुण तेरसमे चउदसमे पन्नवीसा उ ॥ ६४ ॥ चत्तारि दुवालस अट्ठ चेव दस चेव चूलवत्थूणि । आतिस्सिण चउण्हं सेसाणं चूलिया णत्थि ॥ ६५ ॥ सेत्तं पुव्वगयं, से किं तं अणुओगे ?, अणुओगे दुविहे पं०, तं० -मूलपढमाणुओगे य गंडियाणुओगे य, से किं तं मूलपढमाणुओगे ?, एत्थं णं अरहंताणं भगवंताणं पुव्वभवा देवलोगगमणाणि आउं चवणाणि जम्मणाणि अ अभिसेया रायवरसिरीओ सीयाओ ~~पञ्च~~ज्जाओ तवा य भत्ता केवलणाणुप्पाया अ तित्थपवत्तणाणि अ संघयणं संठाणं उच्चत्तं आउं वन्नविभागो सीसा गणा गणहरा य अज्जा पवत्तणीओ संघस्स चउव्विहस्स जं वावि परिमाणं जिणमणपज्जवओहिनाणसम्मत्तसुयनाणिणो य वाई अणुत्तरगई, य जत्तिया सिद्धा पाओवगआ य जे जहिं जत्तियाइं भत्ताइं छेअइत्ता अंतगडा मुणिवरुत्तमा तमरओघविप्पमुक्का सिद्धिपहमणुत्तरं च पत्ता, एए अन्ने य एवमाइया भावा मूलपढमाणुओगे कहिआ आघविज्जंति पण्णविज्जंति परू०, सेत्तं मूलपढमाणुओगे, से किं तं गंडियाणुओगे?, २ अणेगविहे पं०, तं० -कुलगरगंडियाओ तित्थगरगंडियाओ गणहरगंडियाओ चक्कहरगंडियाओ दसारगंडियाओ बलदेवगंडियाओ वासुदेवगंडियाओ हरिवंसगंडियाओ भद्दबाहुगंडियाओ तवोकम्मगंडियाओ चित्तंतरगंडियाओ उस्सप्पिणीगंडियाओ ओसप्पिणीगंडियाओ अमरनरतिरियनिरयगइगमणविविह-परियट्ठणाणुओगे, एवमाइयाओ गंडियाओ आघविज्जंति पण्णविज्जंति परूविज्जंति, सेत्तं गंडियाणुओगे, से किं तं चूलियाओ ?, २

॥ श्रीसमवायाङ्ग सूत्रं ॥

८०

पू. सागरजी म. संशोधित

जण्णं आइल्लाणं चउण्हं पुव्वाणं चूलियाओ, सेसाइं पुव्वाइं अचूलियाइं, सेत्तं चूलियाओ, दिट्ठिवायस्स णं परित्ता वायणा संखेज्जा
 अणुओगदास संखेज्जाओ पडिवत्तीओ संखेज्जाओ निज्जुत्तीओ संखेज्जा सिलोगा संखेज्जाओ संगहणीओ, से णं अंगट्ठयाए बारसमे
 अंगे एगे सुयखंधे चउहस पुव्वाइं संखेज्जा वत्थू संखेज्जा चूलवत्थू संखेज्जा पाहुडा संखेज्जा पाहुडपाहुडा संखेज्जाओ पाहुडियाओ
 संखेज्जाओ पाहुडपाहुडियाओ संखेज्जाणि पयसयसहस्साणि पयग्गेणं पं०, संखेज्जा अक्खरा अणंता गमा अणंता पज्जवा परित्ता तसा
 अणंता थावरा सासया कडा णिबद्धा णिकाइया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति
 उवदंसिज्जंति, एवं णाया एवं विण्णाया एवं चरणकरणपरूवणया आघविज्जंति०, सेत्तं दिट्ठिवाए, सेत्तं दुवालसंगे गणिपिडगे १४७।
 इच्चेइयं दुवालसंगं गणिपिडगं अतीतकाले अणंता जीवा आणाए विराहित्ता चाउरंतसंसारकंतारं अणुपरियट्ठिसु इच्चेइयं दुवालसंगं
 गणिपिडगं पडुप्पण्णे काले परित्ता जीवा आणाए विराहित्ता चाउरंतसंसारकंतारं अणुपरियट्ठिंति इच्चेइयं दुवालसंगं गणिपिडगं अणागए
 काले अणंता जीवा आणाए विराहित्ता चाउरंतसंसारकंतारं अणुपरियट्ठिस्संति, इच्चेइयं दुवालसंगं गणिपिडगं अतीतकाले अणंता
 जीवा आणाए आराहित्ता चाउरंतसंसारकंतारं वीईवइंसु एवं पडुप्पण्णेऽवि एवं अणागएऽवि, दुवालसंगे णं गणिपिडगे ण कयावि
 णत्थि ण कयाइ णासी ण कयाइ ण भविस्सइ भुविं च भवति य भविस्सति य धुवे णित्तिए सासए अक्खए अव्वए अवट्ठिए णिच्चे,
 से जहाणामए पंच अत्थिकाया ण कयाइ ण आसि ण कयाइ णत्थि ण कयाइ ण भविस्सति भुविं च भवति य भविस्सति य धुवा

॥ श्रीसमवायाइ सुत्रं ॥

८९

पू. सागरजी म. संशोधित

णितिया सासया अक्खया अव्वया अवट्ठिया णिच्चा एवामेव दुवालसंगे गणिपिडगे ण कयाइ ण आसि ण कयाइ णत्थि ण कयाइ ण भविस्सइ भुविं च भवति य भविस्सइ य धुवे जाव अवट्ठिए णिच्चे, एत्थ णं दुवालसंगे गणिपिडगे अणंता भावा अणंता अभावा अणंता हेऊ अणंता अहेऊ अणंता कारणा अणंता अकारणा अणंता जीवा अणंता अजीवा अणंता भवसिद्धिया अणंता अभवसिद्धिया अणंता सिद्धा अणंता असिद्धा आधविज्जंति पण्ण० परूविज्जंति दंसिज्जंति निदंसिज्जंति उवदंसिज्जंति, एवं दुवालसंगं गणिपिडगं इति । १४८ । दुवे रासी पंतं० - जीवरासी अजीवरासी य, अजीवरासी दुविहा पंतं० - रूवीअजीवरासी य अरूवीअजीवरासी य, से किं तं अरूवीअजीवरासी ?, अरूविअजीवरासी दसविहा पंतं० - धम्मत्थिकाए जाव अद्धासमए, रूवीअजीवरासी अणेगविहा पं० जाव से किं तं अणुत्तरोववाइआ ?, अणुत्तरोववाइआ पंचविहा पंतं० - विजयवेजयंतजयंत-अपराजितसव्वट्ठसिद्धिआ, सेत्तं अणुत्तरोववाइआ, सेत्तं पंचिंदियसंसारसमावण्णजीवरासी, दुविहा णेरइया पंतं० - पज्जत्ता य अपज्जत्ता य, एवं दंडओ भाणियव्वो जाव वेमाणियत्ति, इमीसे णं रयणप्पभाए पुढवीए केवइयं खेत्तं ओगाहेत्ता केवइया णिरयावासा पं० ?, गोयमा ! इमीसे णं रयणप्पभाए पुढवीए असीउत्तरजोयणसयसहस्सबाहल्लाए उवरि एगं जोयणसहस्सं ओगाहेत्ता हेट्ठा चेगं जोयणसहस्सं वज्जेत्ता मज्जे अट्ठसत्तरि जोयणसयसहस्से एत्थ णं रयणप्पभाए पुढवीए णेरइयाणं तीसं णिरयावाससयसहस्सा भवंतीतिमक्खाया, ते णं णिरयावासा अंतो वट्ठा बाहिं चउरंसा जाव असुभा णिरया असुभाओ णिरएसु वेयणाओ, एवं सत्तवि भाणियव्वाओ जं जासु जुज्जइ आसीयं बत्तीसं अट्ठावीसं तहेव वीसं

॥ श्रीसमवायाइ सूत्रं ॥

८२

पू. सागरजी म. संशोधित

च। अट्टारस सोलसगं अट्टुत्तरमेव बाहलं ॥ ६६ ॥ तीसा य पण्णवीसा पन्नरस दसेव सयसहस्साइं । तिण्णेगं पंचूणं पंचेव अणुत्तरा
 नरगा ॥ ६७ ॥ चउसट्ठी असुराणं चउरासीई च होइ नागाणं । बावत्तरि सुवन्नाण वाउकुमाराण छण्णउई ॥ ६८ ॥ दीवदिसाउदहीणं
 विज्जकुमारिंदं भणियमगीणं । छण्हंपि जुवल्याणं छावत्तरिमो य सयसहसा ॥ ६९ ॥ बत्तीसऽट्ठावीसा बारस अड चउरो य सयसहस्सा ।
 पण्णा चत्तालीसा छच्च सहस्सा सहस्सारे ॥ ७० ॥ आणयपाणयकप्पे चत्तारि सयाऽऽरणच्चुए तिन्नि । सत्त विमाणसयाइं चउसुवि
 एएसु कप्पेसु ॥ ७१ ॥ एक्कारसुत्तरं हेट्ठिमेसु सत्तुत्तरं च मज्झिमाए । सयमेगं उवरिमाए पंचेव अणुत्तरविमाणा ॥ ७२ ॥ दोच्चाए णं
 पुढवीए तच्चाए णं पुढवीए चउत्थीए पुढवीए पंचमीए पुढवीए छट्ठीए पुढवीए सत्तमीए पुढवीए गाहाहिं भाणियव्वा, सत्तमाए पुढवीए
 पुच्छा, गोयमा! सत्तमाए पुढवीए अट्टुत्तरजोयणसयसहस्साइं बाहल्लाए उवरि अब्बतेवन्नं जोयणसहस्साइं ओगाहेत्ता हेट्ठावि अब्बतेवन्नं
 जोयणसहस्साइं वज्जित्ता मज्झे तिसु जोयणसहस्सेसु एत्थ णं सत्तमाए पुढवीए नेरइयाणं पंच अणुत्तरा महइमहालया महानिरया पं०
 तं० - काले महाकाले रोरुए महारोरुए अप्पइट्ठाणे नामं पंचमे, ते णं निरया वट्ठा य तंसा य अहे खुरप्पसंठाणसंठिया जाव असुभा नरगा
 असुभाओ नरएसु वेयणाओ० । १४९ । केवइया णं भंते ! असुरकुमारावासा पं० ? गोयमा ! इमीसे णं रयणप्पभाए पुढवीए
 असीउत्तरजोयणसयसहस्सबाहल्लाए उवरि एगं जोयणसहस्सं ओगाहेत्ता हेट्ठा चेगं जोयणसहस्सं वज्जित्ता मज्झे अट्टुत्तरजोयणसयसहस्से
 एत्थ णं रयणप्पभाए पुढवीए चउसट्ठिं असुरकुमारावासयसहस्सा पं०, ते णं भवणा बाहिं वट्ठा अंतो चउरंसा अहे

पोक्खर कणिणआसंठाणसंठिया उक्किण्णंतरविउलगंभीरखायफलिहाअट्टालयचरिय (चतुरय पा०) दारगोउरक
 वाडतोरणपडिदुवारदेसभागा जंतमुसलमुसंडिसयग्धिपरिवारिया अउज्झा अडयालकोट्टरइया अडयालकयवणमाला लाउल्लोइयमहिया
 गोसीससरसरत्तचंदणददरदिण्णपंचंगुलितला कालागुरुपवरकुंदुरुक्कतुरुक्कडज्झंतधूवमधमधेतंगंधुद्धयाभिरामा सुगंधिया गंधवट्ठिभूया
 अच्छा सण्हा लण्हा घट्ठा मट्ठा नीरया णिम्मला वितिमिरा विसुद्धा सप्पभा समरीया सउज्जोआ पासाईया दरिसणिज्जा अभिरूवा
 पडिरूवा, एवं जं जस्स कमती तं तस्स जं जं गाहाहिं भणियं तह चेव वण्णओ, केवइया णं भंते ! पुढवीकाइयावासा पं०? गोयमा !
 असंखेज्जा पुढवीकाइयावासा पं०, एवं जाव मणुस्सति, केवइया णं भंते ! वाणमंतरावासा पं० ?, गोयमा ! इमीसे णं रयणप्पभाए
 पुढवीए रयणामयस्स कंडस्स जोयणसहस्सबाहल्लस्स उवरिं एगं जोयणसयं ओगाहेत्ता हेट्ठा चेगं जोयणसयं वज्जेत्ता मज्झे अट्टसु
 जोयणसएसु एत्थ णं वाणमंतराणं देवाणं तिरियमसंखेज्जा भोमेज्जा नगरावाससयसहस्सा पं०, ते णं भोमेज्जा नगरा बाहिं वट्ठा अंतो
 चउरंसा, एवं जहा भवणवासीणं तहेव णेयव्वा, णवरं पडागमालाउला सुरम्मा पासाईया दरिसणिज्जा अभिरूवा पडिरूवा, केवइया
 णं भंते ! जोइसियाण विमाणावासा पं०, गोयमा ! इमीसे णं रयणप्पभाए पुढवीए बहुसमरमणिज्जाओ भूमिभागाओ सत्तनउयाइं
 जोयणसयाइं उड्ढं उप्पइत्ता एत्थ णं दसुत्तरजोयणसयबाहल्ले तिरियं जोइसविसए जोइसियाणं देवाणं असंखेज्जा जोइसियविमाणावासा
 पं०, तेणं जोइसियविमाणावासा अब्भुग्गयमूसियपहसिया विविहमणिरयणभत्तिचित्तावाउद्धुयविजयव जयंतीपडागच्छत्ता-

॥ श्रीसमवायाङ्ग सूत्रं ॥

८४

पू. सागरजी म. संशोधित

इच्छात्तकलिया तुंगा गगणतलमणुलिहंतसिहरा जालंतररयणपज्जरुम्मिलियव्व मणिकणगथूभियागा वियसियसयपत्तपुण्डरीयतिलय-
 रयणद्धचंदचित्ता अंतो बाहिं च सण्हा तवणिज्जवालुआपत्थडा सुहफासा सस्सिरीयरूवा पासाईया दरिसणिज्जा, केवइया णं भंते !
 वेमाणियावासा पं० ?, गोयमा ! इमीसे णं रयणप्पभाए पुढवीए बहुसमरमणिज्जाओ भूमिभागाओ उइढं चंदिमसूरियगहगणनक्खत्त-
 तारारूवाणं वीडवइत्ता बहूणि जोयणसयाणि (बहूणि जोयणसयसहस्साणि) बहुइओ जोयणकोडीओ बहुइओ जोयणकोडाकोडीओ
 असंखेज्जाओ जोयणकोडाकोडीओ उइढं दूरं वीडवइत्ता एत्थ णं वेमाणियाणं देवाणं सोहम्मीसाणसणंकुमारमाहिंदबंभलंतग-
 सुक्कसहस्सारआणयपाणयआरणअच्चुएसु गेवेज्जगमणुत्तरेसु य चउरासीई विमाणावाससयसहस्सा सत्ताणउइं च सहस्सा तेवीसं च
 विमाणा भवंतीतिमक्खाया, ते णं विमाणा अच्चिमालिप्पभा भासरासिवण्णाभा अरया नीरया णिम्मला वितिमिरा विसुद्धा सव्वरयणामया
 अच्छा सण्हा घट्टा मट्टा णिप्पंका णिक्कंकडच्छाया सप्पभा समरीया सउज्जोया पासाईया दरिसणिज्जा अभिरूवा पडिरूवा, सोहम्मे य
 भंते ! कप्पे केवइया विमाणावासा पं० ? गोयमा ! बत्तीसं विमाणावाससयसहस्सा पं०, एवं ईसाणाइसु अट्ठावीस बारस अट्ठ चत्तारि
 एयाइं सयसहस्साइं, पण्णासं चत्तालीसं छ एयाइं सहस्साइं, आणए पाणए चत्तारि आरणज्जुए तिन्नि एयाणि सयाणि, एवं गाहाहिं
 भाणियव्वं । १५० । नेरइयाणं भंते ! केवइयं कालं ठिई पं०, ?, गोयमा ! जहन्नेणं दस वाससहस्साइं उक्कोसेणं तेत्तीसं सागरोवमाइं
 ठिई पं०, अपज्जत्तगाणं नेरइयाणं भंते ! केवइयं कालं ठिई पं० ?, जहन्नेणं अंतोमुहुत्तं उक्कोसेणवि अंतोमुहुत्तं, पज्जत्तगाणं जहन्नेणं

दस वाससहस्साइं अंतोमुहुत्तूणाइं उक्कोसेणं तेत्तीसं सागरोवमाइं अंतोमुहुत्तूणाइं, इमीसे णं रयणप्पभाए पुढवीए एवं जाव विजयवेजयंतजयंतअपराजियाणं देवाणं केवइयं कालं ठिई पं० ?, गोयमा ! जहन्नेणं बत्तीसं सागरोवमाइं उक्कोसेणं तेत्तीसं सागरोवमाइं, सव्वट्ठे अजहण्णमणुक्कोसेणं तेत्तीसं सागरोवमाइं ठिई पं० । १५१ । कति णं भंते ! सरीरा पं० ?, गोयमा ! पंच सरीरा पं०तं० - ओरालिए वेउव्विए आहारए तेयए कम्मए, ओरालियसरीरे णं भंते ! कइविहे पं० ?, गोयमा पंचविहे पं०तं०-एगिंदियओरालियसरीरे जाव गब्भवक्कंतियमणुस्सपंचिंदियओरालियसरीरे य, ओरालियसरीरस्स णं भंते ! केमहालिया सरीरोगाहणा पं०?, गोयमा ! जहन्नेणं अंगुलअसंखेज्जतिभागं उक्कोसेणं साइरेगं जोयणसहस्सं, एवं जहा ओगाहणसंठाणे ओरालियपमाणं तहा निरवसेसं, एवं जाव मणुस्सेत्ति उक्कोसेणं तिण्णि गाउयाइं, कइविहे णं भंते ! वेउव्वियसरीरे पं०,?, गोयमा ! दुविहे पं०तं०-एगिंदियवेउव्वियसरीरे य पंचिंदियवेउव्वियसरीरे अ, एवं जाव सणंकुमारे आढत्तं जाव अणुत्तराणं भवधारणिज्जा जाव तेसिं रयणी रयणी परिहायइ, आहारयसरीरे णं भंते ! कइविहे पं० ?, गोयमा ! एगाकारे पं०, जइ एगाकारे पं० किं मणुस्सआहारयसरीरे अमणुस्सआहारयसरीरे ?, गोयमा ! मणुस्सआहारगसरीरे णो अमणुस्सआहारगसरीरे, एवं जइ मणुस्सआहारगसरीरे किं गब्भवक्कंतियमणुस्सआहारगसरीरे संमुच्छिमणुस्सआहारगसरीरे ?, गोयमा ! गब्भवक्कंतियमणुस्सआहारयसरीरे नो संमुच्छिमणुस्सआहारयसरीरे, जइ गब्भवक्कंतियं किं कम्मभूमिगं अकम्मभूमिगं?, गोयमा ! कम्मभूमिगं नो अकम्मभूमिगं, जइ कम्मभूमिगं किं संखेज्जवासाउयं, असंखेज्जवासाउयं?, गोयमा ! संखेज्जवासाउयं

नो असंखेज्जवासाउय०, जइ संखेज्जवासाउय० किं पज्जत्तय० अपज्जत्तय० ?, गोयमा ! पज्जत्तय० नो अपज्जत्तय०, जइ पज्जत्तय० किं
 संमहिट्ठी० मिच्छदिट्ठी० सम्मामिच्छदिट्ठी०?, गोयमा ! सम्मदिट्ठी० नो मिच्छदिट्ठी० नो सम्मामिच्छदिट्ठी०, जइ सम्मदिट्ठी० किं संजय०
 असंजय० संजयासंजय० ? गोयमा ! संजय० नो असंजय० नो संजयासंजय०, जइ संजय० किं पमत्तसंजय० अपमत्तसंजय० ?,
 गोयमा ! पमत्तसंजय० नो अपमत्तसंजय०, जइ पमत्तसंजय० किं इड्ढिपत्त० अणिड्ढिपत्त० ?, गोयमा ! इड्ढिपत्त० नो अणिड्ढिपत्त०
 वयणा विभाणियव्वा आहारयसरीरे समचउरंससंठाणसंठिए, आहारयसरीरस्स केमहालिया सरीरोगाहणा पं० ?, गोयमा ! जहन्नेणं
 देसूणा रयणी उक्कोसेणं पडिपुण्णा रयणी, तेआसरीरे णं भंते ! कतिविहे पं० ?, गोयमा ! पंचविहे पं०, एगिंदियतेयसरीरे बित्तिचउपंच०
 एवं जाव गेवेज्जस्स णं भंते ! देवस्स णं मारणंतियसमुग्धाएणं समोहयस्स समाणस्स केमहालिया तेयसरीरोगाहणा पं० ?, गोयमा !
 सरीरप्पमाणमेत्ता विक्खंभबाहल्लेणं आयामेणं जहन्नेणं अहे जाव विज्जाहरसेढीओ उक्कोसेणं जाव अहोलोइयग्गामाओ उड्ढं जाव
 सयाइं विमाणाइं तिरियं जाव मणुस्सखेत्तं, एवं जाव अणुत्तरोववाइया, एवं कम्मयसरीरं भाणियव्वं । १५२ । कइविहे णं भंते ! ओही
 पं० ?, गोयमा ! दुविहा पं० तं०-भवपच्चइए य खओवसमिए य, एवं सव्वं ओहिपदं भाणियव्वं, सीया य दव्व सारीर साया तह वेयणा
 भवे दुक्खा । अब्भुवगमुवक्कमिया णीयाए चेव अणियाए ॥ ७३ ॥ नेरइया णं भंते ! किं सीतं वेयणं वेयंति उसिणं वेयणं वेयंति
 सीतोसिणं वेयणं वेयंति ?, गोयमा ! नेरइया० एवं चेव वेयणापदं भाणियव्वं, कइ णं भन्ते ! लेसाओ पं० ?, गो० ! छ लेसाओ पं०

तं०- किण्हा नीला काउ तेऊ पम्हा सुक्का, एवं लेसापयं भाणियव्वं, अणंतरा य आहारे आहारभोगणा इय । पोग्गला नेव जाणंति अज्झवसाणे य सम्भत्ते ॥ ७४ ॥ नेरइया णं भंते ! अणंतराहारा तओ निव्वत्तणया तओ परियाइयणया तओ परिणामणया तओ परियारणया तओ पुच्छा विकुव्वणया ?, हंता गोयमा ! एवं आहारपदं भाणियव्वं । १५३ । कइविहे णं भंते ! आउगबन्धे पन्नत्ते ?, गोयमा ! छव्विहे आउगबन्धे पं० तं०-जाइनामनिहत्ताउए गतिनामनिहत्ताउए ठिइनामनिहत्ताउए पएसनामनिहत्ताउए अणुभागनामनिहत्ताउए ओगाहणानामनिहत्ताउए, नेरइयाणं भंते ! कइविहे आउगबन्धे पं० ?, गोयमा ! छव्विहे पं० तं० -जातिनाम० गइनाम० ठिइनाम० पएसनाम० अणुभागनाम० ओगाहणानाम० एवं जाव वेमाणियाणं, निरयगई णं भंते ! केवइयं कालं विरहिया उववाएणं पं० ?, गोयमा जहन्नेणं एक्कं समयं उक्कोसेणं बारस मुहुत्ते, एवं तिरियगई मणुस्सगई देवगई, सिद्धिगई णं भंते ! केवइयं कालं विरहिया सिद्धिणयाए पं०?, गोयमा! जहन्नेणं एक्कं समयं उक्कोसेणं छम्मासे, एवं सिद्धिवज्जा उव्वट्टणा, इमीसे णं भंते ! रयणप्पभाए पुढवीए नेरइया केवइयं कालं विरहिया उववाएणं ?, एवं उववायदंडओ भाणियव्वो उवट्टणादंडओ य, नेरइया णं भंते! जातिनामनिहत्ताउगं कति आगरिसेहिं पगरंति ?, गो० ! सिय ? सिय २ । ३ । ४ । ५ । ६ । ७ । सिय अट्ठहिं, नो चेव णं नवहिं, एवं सेसाणवि आउगाणि जाव वेमाणियन्ति । १५४ । कइविहे णं भंते ! संघयणे पं० ?, गोयमा ! छव्विहे संघयणे पं० तं० - वइरोसभनारायसंघयणे रिसभनारायसंघयणे नारायसंघयणे अद्धनारायसंघयणे कीलियासंघयणे छेवट्टसंघयणे, नेरइया णं भंते ! किं संघयणी ?, गोयमा ! छण्हं संघयणाणं

॥ श्रीसम्भायाङ्ग सूत्रं ॥

८८

पू. सागरजी म. संशोधित

असंघयणी णेव अट्ठि णेव छिरा णेव ण्हारू जे पोग्गला अणिट्ठा अकंता अप्पिया अणाएज्जा असुभा अमणुण्णा अमणामा अमणाभिरामा ते तेसिं असंघयणत्ताए परिणमंति, असुरकुमाराणं भंते ! किं संघयणा पं० ?, गोयमा ! छण्हं संघयणाणं असंघयणी णेवट्ठी णेव छिरा णेव ण्हारू जे पोग्गला इट्ठा कंता पिया मणुण्णा मणामा मणाभिरामा ते तेसिं असंघयणत्ताए परिणमंति, एवं जाव थणियकुमाराणं, पुढवीकाइया णं भंते ! किं संघयणी पं० ?, गोयमा ! छेवट्ठसंघयणी पं०, एवं जाव संमुच्छिमपञ्चिदियतिरिक्खजोणियत्ति, गम्भवक्कंतिया० छव्विहसंघयणी, संमुच्छिममणुस्सा छेवट्ठसंघयणी गम्भवक्कंतियमणुस्साणं छव्विहे संघयणे पं०, जहा असुरकुमारा तहा वाणमंतर-जोइसियवेमाणिया य, कइविहे णं भंते ! संठाणे पं० ?, गोयमा ! छव्विहे संठाणे पं० तं०- समचउरंसे णिग्गोहपरिमण्डले साइए वामणे खुज्जे हुंडे, णेरइया णं भंते ! किं संठाणी पं० ?, गोयमा ! हुंडसंठाणी पं०, असुरकुमारा किं संठाणी पं०?, गोयमा ! समचउरंसंठाणसंठिया पं०, एवं जाव थणियकुमारा, पुढवी मसूरसंठाणा पं०, आऊ थिबुयसंठाणा पं०, तेऊ सूइकलावसंढाणा पं० वाऊ पडागासंठाणा पं०, वणस्सई नाणासंठाणसंठिया पं०, बेइंदियतेइंदियचउरिंदियसंमुच्छिमपंचेदियतिरिक्खा हुंडसंठाणा पं०, गम्भवक्कंतिया., छव्विहसंठाणा पं०, संमुच्छिममणुस्सा हुंडसंठाणसंठिया पं०, गम्भवक्कंतियाणं मणुस्साणं छव्विहा संठाणा पं०, जहा असुरकुमारा तहा वाणमंतरजोइसियवेमाणियावि । १५५ । कइविहे णं भंते ! वेए पं०?, गोयमा ! तिविहे वेए पं० तं० -इत्थीवेए पुरिसवेए नपुंसवेए, नेरइया णं भंते ! किं इत्थीवेया पुरिसवेया णपुंसगवेया पं० ?, गोयमा ! णो इत्थी० णो पुंवेया णपुंसगवेया पं०,

असुरकुमारा णं भंते! किं इत्थी० पुरिस० नपुंसगवेया ?, गोयमा ! इत्थी० पुरिसवेया णो णपुंसगवेया जाव थणियकुमारा, पुढवी आऊ तेऊ वाऊ वणस्सई बित्तिचउरिदियसंमुच्छिमपंचिंदियतिरिक्खसंमुच्छिममणुस्सा णपुंसगवेया गब्भवक्कंतियमणुस्सा पंचिंदियतिरिया य तिवेया, जहा असुरकुमारा तहा वाणमंतरा जोइसियवेमाणियावि । १५६ । तेणं कालेणं तेणं समएणं कप्पस्स समोसरणं णेयव्वं जाव गणहरा सावच्चा निरवच्चा वोच्छिण्णा, जंबुद्दीवे णं दीवे भारहे वासे तीयाए उस्सप्पिणीए सत्त कुलगरा होत्था तं० - भित्तदामे सुदामे य, सुपासे य सयंपभे । विमलघोसे सुघोसे य, महाघोसे य सत्तमे ॥ ७५ ॥ जंबुद्दीवे णं दीवे भारहे वासे तीयाए ओसप्पिणीए दस कुलगरा होत्था, तं० -सयंजले सयाऊ य, अजियसेणे अणंतसेणे य । कज्जसेणे भीमसेणे महाभीमसेणे य सत्तमे ॥ ७६ ॥ दढरहे दसरहे सयरहे ॥ जंबुद्दीवे णं दीवे भारहे वासे इमीसे ओसप्पिणीए. समाए सत्त कुलगरा होत्था, तं० -पढमेत्थ विमलवाहण चक्खुम जसमं चउत्थमभिचंदे । तत्तो पसेणईए मरुदेवे चेव नाभी य ॥ ७७ ॥ एतेसिं णं सत्तण्हं कुलगराणं सत्त भारिआ होत्था तं०- चंदजसा चंदकंता सुरूव पीडिरूव चक्खुकंता य । सिरिकंता मरुदेवी कुलगरपत्तीण णामाइं ॥ ७८ ॥ जंबुद्दीवे णं दीवे भारहे वासे इमीसे णं ओसप्पिणीए चउवीसं तित्थगराणं पियरो होत्था, तं० -णाभी य जियसत्तू य, जियारी संवरे इय । मेहे धरे पइडे य, महसेणे य खत्तिए ॥ ७९ ॥ सुग्गीव दढरहे विण्हू, वसुपुज्जे य खत्तिए । कयवम्मा सीहसेणे, भाणू विस्ससेणे इय ॥ ८० ॥ सूरु सुदंसणे कुंभे, सुभित्तविजए समुहविजये य । राया य आससेणे य, सिद्धत्थेच्चिय खत्तिए ॥ ८१ ॥ उदितोदियकुलवंसा विसुद्धवंसा गुणेहिं उववेया ।

॥ श्रीसमवायाङ्ग सूत्रं ॥

९०

पू. सागरजी म. संशोधित

तित्थप्पवत्तयाणं एए पियरो जिणवराणं ॥ ८२ ॥ जंबुद्दीवे णं दीवे भारहे वासे इमीसे ओसप्पिणीए चउवीसं तित्थगराणं मायरो होत्था
 तं० - मरूदेवी विजया सेणा सिद्धत्था मंगला सुसीमा य । पुहवी लखणा रामा नंदा विण्हू जया सामा ॥ ८३ ॥ सुजसा सुव्वय अइरा
 सिरिया देवी पभावई पउमा । वप्पा सिवा य वामा तिसला देवी य जिणमाया ॥ ८४ ॥ जंबुद्दीवे णं दीवे भारहे वासे इमीसे ओसप्पिणीए
 चउवीसं तित्थगरा होत्था० तं० - उसभअजियसंभवअभिणंदणसुमइपउमप्पहसुपासचंदप्पभसुविहिपुण्फदंतसीयलसिजंसवासुपुज-
 विमलअणंतधम्मसंतिकुंथुअरमल्लिमुणिसुव्वयणमिणेमिपासवडढमाण्णा य, एएसिं चउवीसाए तित्थगराण चउव्वीसं पुव्वभविया णामधेज्जा
 होत्था तं० - पढमेत्थ वइरण्णाभे विमले तह विमलवाहणे चेव । तत्तो य धम्मसीहे सुभित्त तह धम्ममित्ते य ॥ ८५ ॥ सुंदरबाहू तह
 दीहबाहू जुगबाहू लड्डबाहू य । दिण्णे य इंददत्ते सुंदर माहिंदरे चेव ॥ ८६ ॥ सीहरहे मेहरहे रुप्पी अ सुदंसणे य बोद्धव्वे । तत्तो य नंदणे
 खलु सीहगिरी चेव वीसइमे ॥ ८७ ॥ अदीणसत्तू संखे सुदंसणे नंदणे य बोद्धव्वे । ओसप्पिणीए एए, तित्थकराणं तु पुव्वभवा ॥ ८८
 ॥ एएसिं चउवीसाए तित्थकराणं चउवीसं सीयाओ होत्था, तं० - सीया सुदंसणा सुप्पभा य सिद्धत्थ सुप्पसिद्धा य । विजया य वेजयंती
 जयंती अपराजिया चेव ॥ ८९ ॥ अरुणप्पभ चंदप्पभ सूरप्पह अग्गि सप्पभा चेव । विमला य पंचवण्णा सागरदत्ता य णागदत्ता य
 ॥ ९० ॥ अभयंकर निव्वुइकरा मणोरमा तहा मणोहरा चेव । देवकुरुत्तरकुरा विसाल चंदप्पभा सीया ॥ ९१ ॥ एआओ सीआओ
 सव्वेसिं चेव जिणवरिंदाणं । सव्वजगवच्छलाणं सव्वोउगसुभाए छायाए ॥ ९२ ॥ पुव्वि ओक्खित्ता माणुसेहिं साहट्ठरोमकूवेहिं । पच्छा

॥ श्रीसमवायाङ्ग सूत्रं ॥

९१

पृ. सागरजी म. संशोधित

वहंति सीअं असुरिंदसुरिंदनागिंदा ॥ ९३ ॥ चलचवलकुंडलधरा सच्छंदविउव्वियाभरणधारी । सुरअसुरवंदिआणं वहंति सीअं जिणंदाणं
 ॥ ९४ ॥ पुरओ वहंति देवा नागा पुण दाहिणाम्मि पासम्मि । पच्चच्छिमेण असुरा गरुला पुण उत्तरे पासे ॥ ९५ ॥ उसभो अ विणीयाए
 बारवईए अरिडुवरणेमी । अवसेसा तित्थयरा निक्खंता जम्मभूमीसु ॥ ९६ ॥ सव्वेऽवि एगदूसेण णिग्गया जिणवरा चउवीसं । ण य
 णाम अण्णालिंगे ण य गिहिलिंगे कुलिंगे य ॥ ९७ ॥ एक्को भगवं वीरो पासो मल्ली य तिहिं तिहिं सएहिं । भगवंपि वासुपुज्जो छहिं
 पुरिससएहिं निक्खंतो ॥ ९८ ॥ उगाणं भोगाणं राइण्णाणं च खत्तियाणं च । चउहिं सहस्सेहिं उसभो सेसा उ सहस्सपरिवारा ॥ ९९ ॥
 सुमइत्थ णिच्चभत्तेण णिग्गओ वासुपुज्ज चोत्थेणं । पासो मल्ली य अट्टमेणं सेसा उ छट्ठेणं ॥ १०० ॥ एएसिं णं चउवीसाए तित्थगराण
 चउव्वीसं पढमभिक्खादायारो होत्था, तं - सिज्जंस बंभदत्ते सुरिंददत्ते य इंददत्ते य । पउमे य सोमदेवे महिंद तह सोमदत्ते य ॥ १०१ ॥
 पुस्से पुण्व्वसू पुण्णणंद सुणंदे जये य विजये य । तत्तो य धम्मसीहे सुमित्त तह वग्गसीहे अ ॥ १०२ ॥ अपराजिय विस्ससेणे वीसइमे
 होइ उसभसेणे य । दिण्णे वरदत्ते धण बहुले य आणुपुव्वीए ॥ १०३ ॥ एए विसुद्धलेसा जिणवरभत्तीइ, पंजलिउडा उ । तं कालं तं
 समयं पडिलाभेई जिणवरिंदं ॥ १०४ ॥ संवच्छरेण भिक्खा लद्धा उसभेण लोयणाहेण । सेसेहिं बीयदिवसे लद्धाओ पढमभिक्खाओ
 ॥ १०५ ॥ उसभस्स पढमभिक्खा खोयरसो आसि लोगणाहस्स । सेसाणं परमण्णं अभियरसरसोवमं आसि ॥ १०६ ॥ सव्वेसिंपि
 जिणाणं जहियं लद्धाउ पढमभिक्खाउ । तहियं वसुधाराओ सरीरमेत्ताओ वुट्ठाओ ॥ १०७ ॥ एएसिं चउवीसाए तित्थगराणं चउवीसं

चेइयरुक्खा होत्था, तं० - णागोह सत्तिवण्णे साले पियए पियंगु छत्ताहे । सिरिसे य णागरुक्खे माली य पिलंखुरुक्खे य ॥ १०८ ॥
 तिंदुग पाडल जंबू आसत्थे खलु तहेव दहिवण्णे ! णंदीरुक्खे तिलए अंबयरुक्खे असोगे य ॥ १०९ ॥ चंपय बउले य तहा वेडसरुक्खे
 य धायईरुक्खे । साले य वड्डमाणस्स चेइयरुक्खा जिणवराणं ॥ ११० ॥ बत्तीसं धणुयाइं चेइयरुक्खो य वद्धमाणस्स । णिच्चोउगो
 असोगो ओच्छण्णो सालरुक्खेणं ॥ १११ ॥ तिण्णेव गाउआइं चेइयरुक्खो जिणस्स उसभस्स ! सेसाणं पुण रुक्खा सरीरओ
 बारसगुणा उ ॥ ११२ ॥ सच्छत्ता सपडागा सवेइया तोरणेहिं उववेया । सुरअसुरगरुलमहिया चेइयरुक्खा जिणवराणं ॥ ११३ ॥
 एएसिं चउवीसाए तित्थगराणं चउवीसं पढमसीसा होत्था, तं० - पढमेत्थ उसभसेणे बिइए पुण होइ सीहसेणे य । चारु य वज्जणाभे
 चमरे तह सुब्बय विदम्भे ॥ ११४ ॥ दिण्णे य वराहे पुण आणंदे गोशुभे सुहम्भे य । मंदर जसे अरिट्ठे चक्काह सयंभु कुंभे य । इंदे कुंभे
 य सुभे वरदत्ते दिण्ण इंदभूई य ॥ ११५ ॥ उदितोदितकुलवंसा विसुद्धवंसा गुणेहिं उववेया । तित्थप्पवत्तयाणं पढमा सिस्सा जिणवराणं
 ॥ ११६ ॥ एएसिं णं चउवीसाए तित्थगराणं चउवीसं पढमसिस्सिणी होत्था, तं० - बंभी य फग्गु सामा अजिया कासवी रई सोमा ।
 सुमणा वारुणि सुल(ज)सा धारणि धरणी य धरणिधरा ॥ ११७ ॥ पउम सिवा सुयी(हा) तह अंजुया (दामणी) भावियप्पा य
 रक्खी य । बंधुमती पुप्फवती अज्जा अभि(ति)ला य आहिया ॥ ११८ ॥ जक्खिणी पुप्फचूला य चंदणज्जा य आहिया ॥
 उदितोदियकुलवंसा विसुद्धवंसा गुणेहिं उववेया । तित्थप्पवत्तगाणं पढमा सिस्सी जिणवराणं ॥ ११९ ॥ १५७ । जंबुद्दीवे णं भारहे

वासे इमीसे ओसप्पिणीए बारस चक्कवट्टिपियरो होत्था, तं० -उसभे सुमित्ते विजए समुद्धविजए य आससेणे य । विस्ससेणे य सूरै सुदंसणे कत्तवीरिए य ॥ १२० ॥ पउमुत्तरे महाहरी, विजए राया तहेव य । बंभे बारसमे उत्ते, पिउनामा चक्कवट्टीणं ॥ १२१ ॥ जंबुद्दीवे० भारहे वासे इमीसे ओसप्पिणीए बारस चक्कवट्टिमायरो होत्था, तं० - सुमंगला जसवती भद्दा सहदेवी अइरा सिरिदेवी तारा जाला मेरा वप्पा चुल्लणि अपच्छिमा, जंबुद्दीवे. बारस चक्कवट्टी होत्था, तं० - भरहो सगरो मघवं सणंकुमारो य रायसदूलो । संती कुंथू य अरो हवइ सुभूमो य कोरव्वो ॥ १२२ ॥ नवमो य महापउमो हरिसेणो चेव रायसदूलो । जयनामो य नरवई बारसमो बंभदत्तो य ॥ १२३ ॥ एएसिं बारसण्हं चक्कवट्टीणं बारस इत्थिरयणा होत्था, तं० - पढमा होइ सुभद्दा भद्द सुणंदा जया य विजया य । किण्हसिरी सूरसिरी पउमसिरी वसुंधरा देवी ॥ १२४ ॥ लच्छिमई कुरुमई इत्थीरयणाण नामाइं ॥ जंबुद्दीवे० नवबलदेवनववासुदेवपितरो होत्था, तं० - पयावई य बंभो सोमो रुद्धो सिवो महासिवो य । अग्गिसिहो य दसरहो नवमो भणिओ य वसुदेवो ॥ १२५ ॥ जंबुद्दीवे णं० णव वासुदेवमायरो होत्था, तं०-भियावई उमा चेव पुढवी सीया य अम्मया । लच्छिमई सेसमई, केकई देवई तहा ॥ १२६ ॥ जंबुद्दीवे णं० णव बलदेवमायरो होत्था, तं०-भद्दा तह सुभद्दा य, सुप्पभा य सुदंसणा । विजया वेजयंती य, जयंती अपराजिया ॥ १२७ ॥ णवमीया रोहिणी य, बलदेवाण मायरो ॥ जंबूद्दीवे णं० नव दसारमंडला होत्था, तं० -उत्तमपुरिसा मज्झमपुरिसा पहाणपुरिसा ओयंसी तेयंसी वच्चंसी जसंसी छायंसी कंता सोमा सुभगा पियदंसणा सुरूवा सुहसीला सुहाभिगमा सव्वजणायणकंता ओहबला अतिबला

॥ श्रीसमवायाइ सूत्रं ॥

१४

पू. सागरजी म. संशोधित

महाबला अनिहता अपराइया सत्तुमदणा रिपुसहस्समाणमहणा साणुक्कोसा अमच्छरा अचवला अचंडा मियमंजुलपलावहसिया
 गंभीरमधुरपडिपुण्णसच्चवयणा अब्भुवगयवच्छला सरण्णा लक्खणवंजणगुणोववेआ माणुम्माणपमाणपडिपुण्णसुजायसव्वंगसुंदरंगा
 ससिसोमागारकंतपियदंसणा अमरिसणा पयंडदंडप्पभा(ब्भा)रा गंभीरदरसणिज्जा तालद्धओव्विद्धगरुलकेऊमहाधणुविकइढया
 महासत्तसायरा दुद्धरा धणुद्धरा धीरपुरिसा जुद्धकित्तिपुरिसा विउलकुलसमुब्भवा महारयणविहाडगा अद्धभरहसामी सोमा
 रायकुलवंसतिलया अजिया अजियरहा हलमुसलकणकपाणी संखचक्कगयसत्तिनंदगधरा पवरुज्जलसुक्कं(क पा०)तविमलगोत्थुभ-
 तिरीडधारी कुंडलउज्जोइयाणणा पुंडरीयणयणा एकावलिकण्ठलइयवच्छा सिरिवच्छसुलंछणा वरजसा सव्वोउयसुरभिकुसुम-
 रचितपलंबसोभंतकंतविक संतविचित्तवरमालरइयवच्छा अट्टसयविभत्तलक्खणपसत्थसुंदरविरइयंगमंगा मत्तगयवरिंदललिय-
 विक्कमविलसियगई सारयनवथणियमहुरगंभीरकुंचनिग्घोसदुंदभिसरा कडिसुत्तगनीलपीयकोसेज्जवाससा पवरदित्ततेया नरसीहा नरवई
 नरिंदा नवरसहा मरुयवसभकप्पा अब्भहियरायतेयलच्छीए दिप्पमाणा नीलगपीयगवसणा दुवे दुवे रामकेसवा भायरो होत्था, तं० -
 तिविट्ठू जाव कण्हे अयले जाव रामे यावि अपच्छिमे ॥ १२८ ॥ एएसिं णं णवणहं बलदेववासुदेवाणं पुव्वभविया नव नामधेज्जा
 होत्था, तं० -विस्सभूर्इ पव्वयए धणदत्त समुदत्त इसिवाले । पियमित्त ललियमित्ते पुणव्वसू गंगदत्ते य ॥ १२९ ॥ एयाइं नामाइं
 पुव्वभवे आसि वासुदेवाणं । एत्तो बलदेवाणं जहक्कमं कित्तइस्सामि ॥ १३० ॥ विसनंदी य सुबन्धू सागरदत्ते असोगललिए य । वाराह

धम्म सेणे अपराइय रायललिए य ॥ १३१ ॥ एएसिं नवण्हं बलदेववासुदेवाणं पुव्वभविया नव धम्मायरिया होत्था, तं० - संभूय सुभद्द सुदंसणे य सेयंस कण्ह गंगदत्ते अ । सागर समुदनामे दुमसेणे य णवमए ॥ १३२ ॥ एए धम्मायरिया किंतीपुरिसाण वासुदेवाणं । पुव्वभवे एआसिं जत्थ नियाणाइं कासीय ॥ १३३ ॥ एएसिं नवण्हं वासुदेवाणं पुव्वभवे नव नियाणभूमिओ होत्था, तं० - महुरा य हत्थिणाउरं च ॥ १३४ ॥ एतेसिं णं नवण्हं वासुदेवाणं नव नियाणकारणा होत्था, तं० - गावी जुवे० जाव माउआ० ॥ १३५ ॥ एएसिं नवण्हं वासुदेवाणं नव पडिसत्तू होत्था, तं० - अस्सगीवे जाव जरासंधे ॥ १३६ ॥ एए खलु पडिसत्तू जाव सचक्केहिं ॥ १३७ ॥ एक्को य सत्तमीए पंच य छट्ठीए पंचमी एक्को । एक्को य चउत्थीए कण्हो पुण तच्चपुढवीए ॥ १३८ ॥ अणिदाणकडा रामा सव्वेऽवि य केसवा नियाणकडा । उड्ढंगामी रामा केसव सव्वे अहोगामी ॥ १३९ ॥ अट्ठंतकडा रामा एगो पुण बंभलोयकप्पंमि । एक्कस्स गब्भवसही सिज्झिस्सइ आगमिस्सेणं ॥ १४० ॥ १५८ । जंबुद्दीवे० एरवए वासे इमीसे ओसप्पिणीए चउव्वीसं तित्थयरा होत्था, तं० - चंदाणणं सुचंदं अग्गीसेणं च नंदिसेणं (अत्तसेणं पा०) च । इसिदिण्णं ववहारिं वंदिमो सोमचंदं च ॥ १४१ ॥ वंदामि जुत्तिसेणं (दीहबाहुं, दीहसेणं पा०) अजियसेणं (सयाउयं पा०) तहेव सिवसेणं (सच्चसेणं, सच्चइं च पा०) । बुद्धं च देवसम्मं सययं निक्खित्त (सेयंस पा०) सत्थं च ॥ १४२ ॥ असंजलं जिणवसहं (सयंजलं पा०) वंदे य अणंतयं अभियणाणिं (सीहसेणं पा०) । उवसंतं च धुरयरं वंदे खलु गुत्तिसेणं च ॥ १४३ ॥ अतिपासं च सुपासं देवेसरवंदियं च मरुदेवं । निव्वाणगयं च वरं खीणदुहं सामकोट्टं च ॥ १४४ ॥

॥ श्रीसमवायाङ्ग सूत्रं ॥

९६

पू. सागरजी म. संशोधित

जियरागमग्गिसेणं वंदे खीणरायमग्गिउत्तं च । वोक्कसियपिज्जदोसं वारिसेणं गयं सिद्धिं ॥ १४५ ॥ जंबुदीवे. आगमिस्साए उस्सप्पिणीए भारहे वासे सत्त कुलगरा भविस्संति, तं० - मियवाहणे सुभूमे य, सुप्पभे य सयंपभे । दत्ते सुहुमे सुबन्धू य, आगमिस्साण होक्खति ॥ १४६ ॥ जंबुदीवे णं दीवे आगमिस्साए उस्सप्पिणीए एरवाए वासे दस कुलगरा भविस्संति, तं० - विमलवाहणे सीमंकरे सीमंधरे खेमंकरे खेमंधरे दढधणू दसधणू सयधणू पडिसूई सुमइत्ति । जंबुदीवे णं दीवे भारहे वासे आगमिस्साए उस्सप्पिणीए चउवीसं तित्थगरा भविस्संति, तं० - महापउमे सूरदेवे, सुपासे य सयंपभे । सव्वाणुभूई अरहा, देवस्सुए य होक्खई ॥ १४७ ॥ उदए पेढालपुत्ते य, पोडिले सत्तकित्ति य । मुणिसुव्वए य अरहा, सव्वभावविऊ जिणे ॥ १४८ ॥ अममे णिक्कसाए य, निप्पुलाए य निम्ममे । चित्तउत्ते समाही य, आगमिस्सेण होक्खई ॥ १४९ ॥ संवरे अणियट्ठी य, विजए विमलेति य । देवोववाए अरहा, अणंतविजए इय ॥ १५० ॥ एए वुत्ता चउव्वीसं भरहे वासम्मि केवली । आगमिस्सेण होक्खंति, धम्मतित्थस्स देसगा ॥ १५१ ॥ एएसिं णं चउव्वीसाए तित्थकराणं पुव्वभविया चउव्वीसं नामधेज्जा भविस्संति, तं० - सेणिय सुपास उदए पोडिल्ले अणगार तह दढाऊ य । कत्तिय संखे य तहा नंद सुनंदे य सत्तई य ॥ १५२ ॥ बोद्धव्वा देवई य सच्चइ तह वासुदेव बलदेवे । रोहिणि सुलसा चेव तत्तो खलु रेवई चेव ॥ १५३ ॥ तत्तो हवइ सयाली बोद्धव्वे खलु तहा भयाली य । दीवायणे य कणहे तत्तो खलु नारए चेव ॥ १५४ ॥ अंबड दारूमडे या साई बुद्धे य होइ बोद्धव्वे । भावी तित्थगराणं णामाइं पुव्वभवियाइं ॥ १५५ ॥ एएसिं णं चउव्वीसाए तित्थगराणं चउव्वीसं पियरो भविस्संति चउव्वीसं

मायरो भविस्संति चउव्वीसं पढमसीसा भविस्संति चउव्वीसं पढमसिस्सिणीओ भविस्संति चउव्वीसं पढमभिव्खादायगा भविस्संति चउव्वीसं चेइयरुक्खा भविस्संति, जंबुद्दीवे णं दीवे भारहे वासे आगमिस्साए उस्सप्पिणीए बारस चक्कवट्टिणो भविस्संति, तं० - भरहे य दीहदंते गूढदंते य सुद्धदंते य । सिरिउत्ते सिरिभूई, सिरिसोमे य सत्तमे ॥ १५६ ॥ पउमे य महापउमे विमलवाहणे (ले तह) विपुलवाहणे चेव । वरिठ्ठे बारसमे वुत्ते, आगमिसा भरहाहिवा ॥ १५७ ॥ एएसिं णं बारसणहं चक्कवट्टीणं बारस पियरो भविस्संति बारस मायरो भविस्संति बारस इत्थीरयणा भविस्संति, जंबुद्दीवे णं दीवे भारहे वासे आगमिस्साए उस्सप्पिणीए नव बलदेववासुदेवपियरो भविस्संति नव वासुदेवमायरो भविस्संति नव बलदेवमायरो भविस्संति, नव दसारमंडला भविस्संति, तं० - उत्तमपुरिसा मज्झिमपुरिसा पहाणपुरिसा ओयंसी तेयंसी एवं सो चेव वण्णओ भाणियव्वो जाव नीलगपीतगवसणा दुवे दुवे रामकेसवा भायरो भविस्संति, तं० - नंदे य नंदमित्ते दीहबाहू तहा महाबाहू । अइबले महाबले बलभदे य सत्तमे ॥ १५८ ॥ दुविट्ठू य तिविट्ठू य आगमिस्साण वणिहणो । जयंते विजए भदे सुप्पभे य सुदंसणे । आणंदे नंदणे पउमे, संकरिसणे य अपच्छिमे ॥ १५९ ॥ एएसिं णं नवणहं बलदेववासुदेवाणं पुव्वभविया णव नामधेज्जा भविस्संति नव धम्मायरिया भविस्संति नव नियाणभूमीओ भविस्संति नव नियाणकारणा भविस्संति नव पडिसत्तू भविस्संति तं० - तिलए य लोहजंधे वड्ढरजंधे य केसरी पहराए । अपराइए य भीमे, महाभीमे य सुग्गीवे ॥ १६० ॥ एए खलु पडिसत्तू किन्तीपुरिसाण वासुदेवाणं । सव्वेऽवि चक्कजोही हम्मिहंति सचक्केहिं ॥ १६१ ॥ जंबुद्दीवे एरवए वासे आगमिस्साए उस्सप्पिणीए

चउवीसं तित्थकरा भविस्संति, तं० - सुमंगले अ सिद्धत्थे, णिव्वाणे य महाजसे । धम्मज्झए य अरहा, आगमिस्साण होक्खई ॥१६२॥
 सिरिचंदे पुप्फकेऊ, महाचंदे य केवली । सुयसागरे य अरहा, आगमिस्साण होक्खई ॥ १६३ ॥ सिद्धत्थे पुण्णघोसे य, महाघोसे य
 केवली । सच्चसेणे य अरहा, आगमिस्साण होक्खई ॥ १६४ ॥ सूरसेणे य अरहा, महासेणे य केवली । सव्वाणंदे य अरहा, देवउत्ते
 य होक्खई ॥ १६५ ॥ सुपासे सुव्वए अरहा, अरहे य सुकोसले । अरहा अणंतविजए, आगमिस्सेण होक्खई ॥ १६६ ॥ विमले उत्तरे
 अरहा, अरहा य महाबले । देवाणंदे य अरहा, आगमिस्सण होक्खई ॥ १६७ ॥ एए वुत्ता चउव्वीसं, एरवयम्मि केवली । आगमिस्साण
 होक्खंति, धम्मतित्थस्स देसगा ॥ १६८ ॥ बारस चक्कवट्ठिणो भविस्संति बारस चक्कवट्ठिपियरो भविस्संति बारस० मायरो भविस्संति
 बारस० इत्थीरयणा भविस्संति, नव बलदेववासुदेवपियरो भविस्संति णव वासुदेवमायरो भविस्संति णव बलदेवमायरो भविस्संति
 णव दसारमंडला भविस्संति उत्तमपुरिसा मज्झिमपुरिसा पहाणपुरिसा जाव दुवे दुवे रामकेसवा भायरो भविस्संति णव पडिसत्तू
 भविस्संति, नव पुव्वभवणामधेज्जा णव धम्मायरिया णव णियाणभूमीओ णव णियाणकारणा, आयाए एरवए आगमिस्साए भाणियव्वा,
 एवं दोसुवि आगमिस्साए भाणियव्वा । १६९ । इच्चेयं एवमाहिज्जंति तं. कुलगरवंसेइ य एवं तित्थगरवंसेइ य चक्कवट्ठिवंसेइ य
 गणधरवंसेइ य इसिवंसेइ य जइवंसेइ य मुणिवंसेइ य सुएइ वा सुअंगेइ वा सुयसमासेइ वा सुयखंधेइ वा समवाएइ वा संखेइ वा
 समवायमंगमक्खायं अज्झयणत्तिबेमि । १७० । इति श्री समवायाङ्गाम सूत्रं संपूर्णं ॥ प्रभु महावीर स्वामीनीपट्ट परंपरांनुसार कोटीगण-

वैरी शाखा- चान्द्रकुल प्रचंड प्रतिभा संपन्न, वादी विजेता परमोपास्य पू. मुनि श्री झवेरसागरजी म.सा. शिष्य बहुश्रुतोपासक-सैलाना नरेश प्रतिबोधक-देवसूर तपागच्छ-समाचारी संरक्षक-आगमोद्धारक पूज्यपाद आचार्य देवेश श्री आनंदसागर सूरीश्वरजी महाराजा शिष्य प्रौढ़ प्रतापी, सिद्धचक्रआराधक समाज संस्थापक पूज्यपाद आचार्य श्री चन्द्रसागर सूरीश्वरजी म.सा. शिष्य चारित्र चूडामणी, हास्यविजेता-मालवोद्धारक महोपाध्याय श्री धर्मसागरजी म.सा. शिष्य आगमविशारद-नमस्कार महामंत्र समाराधक पूज्यपाद पंन्यासप्रवर श्री अभयसागरजी म.सा. शिष्य शासन प्रभावक-नीडर वक्ता पू. आ. श्री अशोकसागर सूरिजी म.सा. शिष्य परमात्म भक्तिरसभूत पू. आ. श्री जिनचन्द्रसागर सू.म.सा. लघु गुरु भ्राता प्रवचन प्रभावक पू. आ. श्री हेमचन्द्रसागर सू.म. शिष्य पू. गणिवर्य श्री पूर्णचन्द्र सागरजी म.सा. आ आगमिक सूत्र अंगे सं. २०५८/५९/६० वर्ष दरम्यान संपादन कार्य माटे महेनत करी प्रकाशक दिने पू. सागरजी म. संस्थापित प्रकाशन कार्यवाहक जैनानंद पुस्तकालय सुरत द्वारा प्रकाशित करेल छे.

प्रशस्ति

१००

संपादक श्री



